

IZRAN

- 01 01 Ifarḥ wenni, war ytsrin ḡar inni war yllin xw-brid n-Abbi, war yggur degw brid n-sen, war ki-sen ityimi.
- 01 02 Aqget x-rxadar nnes ḡar wenni, ig-farhn s-min ynna Abbi, yqqar ass d-tmddit degw arqqasn nnes uca ytxmma daysen.
- 01 03 Ad ydḡa am ij nw-artu yḡmi zzati arjmam nw-aman; itaru asgwas-asgwas, tifrāy nnes war wṡṡint. Marra min itegg wa iṡṡḡas.
- 01 04 Urid am ḡnni yffyen abrid n-Abbi, nitni am u-rum, itawyit u smmiḡ.
- 01 05 Di taddart n-rḡsab, ayt bu ddub war ḡddun, u war ḡarsen itiri bu aḡyar, jar inni yggurn nican.
- 01 06 Maca Abbi yargeb x-tmḡga ny-inni isbḡen, i-eqper x-asen, maca zeg-inni war ḡars ysrin, war tṡyimi bu jḡurt n-sen.
- 02 01 Maymmi ityḡyen rḡnus-a rxxu? Min umi txarrsn baṡr?
- 02 02 Ijllidn n-tmurt wtin taḡmart, arruyas ḡḡin fus-degw-fus ttaynnant i Abbi d-jllid nni ig ifarz:
- 02 03 "Neccin nxs war n-tiri bu d-ixmmasn n-sen ḡad! Kkart, a nqḡu rḡid!"
- 02 04 Aḡqqa wen yllan degw-jnna aqqa ydḡḡec, nṡta ithezza x-a sen azllif.
- 02 05 Aqqa mara ydwer ixyeq; a x-a sen yssarwt, a ten yḡder di tigwdi d-nxrīen:
- 02 06 "Nec aqqa ḡḡiy ajllid inu! Ad-yaryys x-Ziun, adrar amrabd inu."
- 02 07 Nec iwycyḡ arqqas, nni dayid yssek Abbi. Netta ynna-yi: "Cek d-mmi, assa-a i-ek arriy.
- 02 08 Arzu ḡari, ad-ac uwcey rḡnus marra, d-qae min days di tmurt.
- 02 09 Aryys-i-ten sy-ij n-rmtarg nw-uzzar! Mara txsed, arz i-ten am iyarrafn n-traxt!"
- 02 10 Rxtu, a-yjllidn; artat taḡrem ixḡ n-wem; a-ymqrann n-tmurt!
- 02 11 Wḡat-as i Abbi s-tigwdi, t-farhm s-tarjijit!
- 02 12 Sudmet mmis! Niḡ qa d-ixyeq uca tqdud ḡar-wem; axyeq nnes tṡkkar days deḡya tmssi. Sḡeḡd n-ynni, i days icbbarn!
- 03 01 Izri n-Daud, umi ykkar yarwer zi mmis Absalum.
- 03 02 Ay-Abbi, aqqa imzaybyn wsḡen, aṡṡas ydsen mnḡen kidi taynnant,
- 03 03 Aṡṡas, ig farḡhen i arriyiet ynna-yi ur inu x-asen: "Abbi yxs war x-asen itsri ḡad!"
- 03 04 Aḡqqa cek, Abbi, tqwardḡ ayid sw-serḡi nnec; cek tssnejmed Rḡezz inu, cek ttayḡd ayi tasyart
- 03 05 Nec mṡmi ma dac ttary ca, tṡsid ayi zegw-mrabd nnec, ttarrid x-afi zegw-drar nnec.
- 03 06 Nec ḡar ad sndey ad wdiy rqqfey, maya cek ṡḡḡid x-afi, ar-d faqey ak-nnqrān n-tfuct.
- 03 07 Waxxa ruruf ydsen, nnḡen-ayid, war zmmarn ad ayi sḡigwdn!
- 03 08 Ay-Abbi, min trajid ḡad! Cek Abbi inu, xcced aki-sen! Qqen asen aqmmum nni ynḡamn- arz-asen tiḡmas iy-mzaybyn.
- 03 09 Wen yṡṡsarn, itaf ḡark twiza. Abbi, uwe i-rḡgens nnec amimun d-tṡisir!
- 04 01 Izri n-Daud: Lḡya x-Neginut
- 04 02 Aredd x-afi, xmi dṡrayiy! Ay-Abbi inu, cek aqḡe-c akidi! Umi tuḡa ṡsar, tuḡa war zmmary ura ad arrey nnefs, tsarḡḡd ayi. X-uyenni eteq-ayi ura rxtu. Ser iw-rayi inu, ser ḡar tutra inu!
- 04 03 Knniw ayt-bu agra ḡarwem tay rut tssxsaram-tet deg xarriqn d-ryec; knniw tyṡtrem zi ssumḡet inu. Mṡmi ḡa tqarem i mana ya?
- 04 04 Neḡmet uca: Abbi itkmmar i marra ynni, i war-t ycmiṡn; netta yṡsra-yi, xmi d-as ṡrayiy.
- 04 05 Gwdet zzays tsbḡdem zi ryec! Xmmet mliḡ, ḡar tmddit, xmi ḡa tirim knniw waha, at-sqarem!
- 04 06 Arzfem Abbi s-tiyit n-wem, uwcet as tasyart nnes; uwcet-as ḡawd nnyet n-wem!
- 04 07 Aṡṡas ṡbarran: "Min-d x-aneḡ ḡa yadfn ḡad d-asbḡan? Ay-Abbi, aredd ḡarny s-tfawt uyṡmbub nnec!"
- 04 08 Ayhay cek tsfarḡḡ ur inu, mahu zi min umi tzmmard s-zzarriet qae d-aman uḡir.
- 04 09 Nec war dayi bu amnus, mara wdiy snḡey, itkk x-afi deḡya yḡs; maya cek, Abbi, tssigwjed x-afi inni war dayi itxsn uca ṡḡjid-ayi ad iriy di raman.
- 05 01 Izri n-Daud. Lḡya x-Nhilut
- 05 02 Ay-Abbi, ser ḡari, min qqary; aredd ṡḡakur iw-nixsis dw-ngaf inu!
- 05 03 Wir tqqen imzzuyn, xmi arzzuḡ twiza, cek d-jllid inu d-Abbi inu! ḡark id xzzar.
- 05 04 Zic ḡar nnqrān n-tfuct tṡsid iw-rayi inu, nec tqḡrey d ḡark uca trajiy ad x-afi tarred.
- 05 05 Cek, Abbi, war tṡxed bu ryec, ura d-ij uyccac war yzmmar ad ḡark yas.

05 06 Inni ytfeyen war ten twirid iqudryn użan ȳark.
 05 07 Ayt buyxarriqn khħed-asen icmatn d-inni ynȳin kkes x-asen taqurt.
 05 08 Maca nec tætetqed ayi s-rmarwet ttamqrant: Nec zmmarȳ ad aseȳ ȳar taddart nnec, ad
 adarȳ zzati amrabd nnec ad-ac ttarȳ s-tigwdi.
 05 09 Ay-Abbi, scen-asen ig-mzaybyn, mamec ikidi tbdde! Suyd-ayi abrid nni ȳa dfarȳ!
 05 10 Min qqarn nitni, war x-as itgg ura d-ij, azllif n-sen yccur ȳar s-tnhisyin. irs n-sen yarȳb;
 maca awar n-sen itawid ȳar taxssart d-ttaytur.
 05 11 Ay-Abbi, xrfit zzaysen, icc n-sen deg-irm n-sen! Sigwej iten x-afk; aqqa tieffanin n-sen
 war ȳarsnt bu ræbar u taȳnnant n-sen ak-idk tmȳar.
 05 12 Maca ad farħn qæ inni, inni x-ak ytcren. Asrwru n-sen war ȳars itiri bu beddi, maya
 cek tsreqqid x-asen. Ad dħan ceħħn s-rfraħett, marra inni, ic-itxsen
 05 13 d-inni war cek icmten. Cek, aten tarzfed s-rða, ax-asen tsserqid s-ttisir.
 06 01 Lȳa di Neginut x-Seminit: Izri n-Daud.
 06 02 Ay-Abbi, wir x-afi tȳeq. Maca ysi x-afi ticti ya, war dayi ccit bu s-jħhed!
 06 03 Sæteq ayi, ay-Abbi, nec aqqa utiȳ! Sgenf-ayi, Abbi, nec aqqa wðan-ayi ifaddn!
 06 04 Buħbr inu s-timant nnes yarȳef. Γas ar mermi, ay-Abbi?
 06 05 Ejj zegw xȳeq nnec! Dwerd! Sarxu ibuħbr inu; Uwc-ayid fus nnec, cek ttxsed ayi ura!
 06 06 Mara nec ȳryeȳ, adu tmðrin, at-afed war din wi x-ak ȳa yqaden.
 06 07 Nec uħry zegw sxinsf. Nec ruy tamddit tkmer, ura ttassut inu tuff qæ s-imħtawn,
 06 08 tiħtawin inu tmmsent sw-cðan-u qæ mana ya degw-arndad n-inni war dayi itxsen.
 06 09 Agwjet x-afi, ay-iqudryn! Abbi ysra ymħtawn inu.
 06 10 Netta ikssi thakur i-ȳȳuyan inu, asutm inu imneit.
 06 11 Tazwart d-rfðihet ad twða x-ymzaybyn! War ssinen manis id asend ȳa tekk ad nnxersen
 ad barrqen uca ad ħffen di tarwra!
 07 01 Izran n-Daud, ytru-as i-Abbi zi Kuc, mmis n-Bnyamin, wenni it ysseqarn.
 07 02 Ay-Abbi inu, x-ak iæmdeȳ! Fkk-ayi zeg-ina i x-afi itazren, uwc ayi fus-
 07 03 niȳ ad ayi zæfen zi tmijja, a ayi ȳarsen amw-ayradn uca ura d-ij war izmmar ad ayid
 ifkk!
 07 04 Ay-Abbi inu, mara yffeyd, nec ggȳ mana ya, mara ifassn inu daysen ca n-ryec,
 07 05 mara cmteȳ imddukar inu, niȳ ucaryten, ina id-ayid ysin tanfult x-walu,
 07 06 xnni zmmarn a x-afi azzren, ad ayi ħffen, ad kidi adarn s-rrcur di tmurt ura d-min ȳari
 degw zllif ad ayit kksen!
 07 07 Kkar, ay-Abbi, arr x-asen tafqeħt nnec! Rhad ak-ina i x-afi yfturyen! Uwet degw-arndad
 inu, sgged-iten!
 07 08 Jru regnus, ttiqwirin zzat-k ȳar taddart n-crae, ttef adȳar nnec tiwa n-sen!
 07 09 Ay-Abbi, sekk regnus icrae, aȳayi tasyart! Sarrħ ayi, ay-Abbi; cek tssned, aqqa war ggȳ
 walu!
 07 10 Sbedd timgga n-iqudryn; maca, uwc-as i wenni iyar-k itqqren, min xf ȳa ydwer! Aqqa
 cek targbed ura x-min ȳars degw zllif, cek war d-ac ytħarhit ura d-ij!
 07 11 Ssutra inu ȳar Abbi; netta itfka, marra inni ig-tdħan war daysen amarwas.
 07 12 Abbi yggur nican, netta, ifarrec rebda ayt bu amarwas.
 07 13 Mara nitni ugin ad dwren ȳar wbrid, uca yssqdeȳ uzzar nnes acmrar, ymħed tfurgett nnes
 uca ieyen daysen.
 07 14 Rsaħ nnes i-nqqen yggiten ȳar wfus, ithħjar iten s-tsenqas arqqnt s-tmessi.
 07 15 Wen ȳar ylla ddysset n-ttnasur, ad yaru tashrarut uca a x-as yars ȳar abarreq.
 07 16 Wen yqqazen aħfur iynnyni, uca yssallayit, ar mani yxs, wanita yȳza aħfur i yxf nnes.
 07 17 Timgga nnes ad ȳars dwrent, qa min ygga d-æeffan at-yaf.
 07 18 Atcna-s i Abbi x-nnyet nnes; i netta, Abbi amqran qæ, ad iniȳ izran a s-rxadar.
 08 01 Izri n-Daud, x-Gittit
 08 02 Ay-Abbi, amqran x-aney! Udm nnec ymȳar di tmurt marra! Ruera nnec tæ du ajnna.
 08 03 Zi eafak imsean d-iyujirn tbnnid ssur, idi ȳa nnayen nni war ydfarn abrid nnec.
 08 04 Nec arzmeȳ aqmmum degw-jnna, wenni ggin ifassn nnec, taziri d-ytran, inni id tssufȳed:
 08 05 Mamec id-it ban utarras d-amzȳan, d-walu d-ca war ylli! Maca cek tbdde akis u trhid
 akis!
 08 06 Wah, cek twcid-as tizmmar d-tnfsect; war das yqqim walu ad ydħa macnaw cek.
 08 07 Cek tarrit tiwa qæ i min-d tssufȳed, marra tssarsed-ast ȳar idarn:
 08 08 rbhaym, ifunasn, d-rmar n-rxa d-inni n-tmurt n-tyarza d-inni n-tagant,

08 09 ijdađ ujnna, d-isrman degw-aman, imzzyann d-imqrann, qae, min ysin illaln.
08 10 Arebbi, amqran x-aney, Udm nnecc ymyar di tmurt marra!
09 01 Xmut-Labbn: Izri n-Daud
09 02 Abbi, nec tqadiy x-ak zegw-ur inu, ad cunnecy zi marra tmgga nnecc.
09 03 Nec xsey ax-ak srwrwey ad farhey, xsey ax-ak iniy izran, cek Abbi yueran!
09 04 Zzayk imzaybyn dwren yar dffar, wdan gryn.
09 05 Cek twnnid ayi tasyart inu, tqqimed di rkursi nnecc hima at-bdiđ tisqqar.
09 06 Aqqa tjjułld di rgnus, tarzid imcumn, tkksed ttknyat n-sen zegw-brid irebda.
09 07 Marra tkhđđed asen, tinddam n-sen xwant, dwrent d-rxirbat, twattunt irbda.
09 08 Maca Abbi itaryys irbda, rkursi nnes yffeyd.
09 09 Qae ddunct ax-as yaryys nican, nnehra udmawn ad iwalla tisqqar x-rgnus.
09 10 Inni ytthsarn, asen ywc adurri ynten; di rhsart aqqa-yen yars di rmarduf.
09 11 Qae, inni cek yssnen, ay-Abbi, tawren x-ak nnyet n-sen. Cek war tqmmhed ura d-ij, zeg-
inni id yark it-tarn.
09 12 Qadet x-Abbi s-yzri n-wem, netta, yqqim xw-drar n-Ziun; siwret x-tmgga nnes jar rgnus!
09 13 Imttawn imsean war ten it-tu ca, netta war it-tu tamara inarwar uca irhha ak inni ix-
asen itazzren.
09 14 Ay-Abbi, uwc-ayi ssahla! Xzar uca, mamec idayi hgarn! Sufy ayi zi twura n-tmurt
ubuxsi!
09 15 Xenni ad-bddecy di twura n-ndint nnecc uca acek ssmyar jar mrra iwdan x-qae min dayi
tggid.
09 16 Rgnus nneynit wdan di tsraft, nni tuya dancy gzin. Ndyen aney tiraccawin n-sen uca
nnuyen day-sent s-timant n-sen.
09 17 Abbi ysscend tizmmar nnes, netta yuy tasyart, imnhusun wdan di txceft n-sen.
09 18 Nitni, tffey asend ad-hwan yar inni ytfan, rgnus nni yarrin aerur yar Abbi!
09 19 Maca ygga axmi ten yttu, nitni war qtteen bu rayas.
09 20 Kkar, ay-Abbi! Wir ssubud mmis n-wdan! Sekk rgnus i rmyzan, zzat-k, bda asen min
sen-d ykkarn!
09 21 Ay-Abbi, gdri-ten di tigwdi d-inxrien, scen-asen, aqqa nitni yar d-iwdan waha!
10 01 Maya Abbi ixzzar waha? Ay-Abbi, maya tigwjed amu? Maya izzay-ney tffard? Aqqa
neccin iyder aney zzerđ!
10 02 Rhya walu, amqran it-tt amzzyan, trađen s-tnufra jmmarn imzrudn s-tsnday.
10 03 Nitni tffey ead s-mana ya, qae min yarsen war jjiwnen. Arzzun ca nneynit, ymyar asen
ueddis. War x-ak tqadan, Ay-Abbi, nitni yar nhecc day-k waha!
10 04 Ieffanen tfuccuđn, war tsqsın di Abbi qqarn: "Wi day ney yar yarzun? Aqqa war din ura
d-ij!" Arnnin day-sent ead.
10 05 Qae min tggem, itffey asen. Waxxa tuwcid asen aemud, qa war sen yeqi ca, cek aqqa-c
degw-jnna tigwjed!
10 06 Nitni qqarn degw-ur n-sen: "Wi dancy ya yssnehezzn?". "Neccin, marra min war yhrin itkk
x-aney i-ecdu; aqqa zi rebda amu!"
10 07 Nitni sxden, sxarriqen u tjallan, min qqarn itawid rhem!
10 08 Nitni qqimen awarni rdcu, trajan iwdan, yllan x-nnyet n-sen, s-tnufra nqen-ten am war
ggin walu.
10 09 Tadarn, thaman macnaw ayradn degw xccab, tfafan x-tyarst war yar ylli drae jmmarn-ten
s-traccawin n-sen.
10 10 Tffarn, nggzen x-mzrudn earen-ten yttren-ten sw-emud.
10 11 Qae amu qqarn as iqudryn a: "Abbi war itsqsi di mana ya, netta war-d ixzzar awru, qa
war d-as neqii netta".
10 12 Kkar, ay-Abbi! Xec aki-sen, Abbi! Wir t-ttu bu imuqrim, hda x-asen!
10 13 Wir tjja, iwdan ieffann, ax-k bssren! Maymi qqarn: "Netta war day ney bu yccit"?
10 14 Maca cek urid d-adayar! Cek war x-ak iwddar walu, twarid awddeb cek tzmmard at-gged
twiza! Xu-yenni id yark tassen imuqrim uca tearen x-ak.
10 15 Arz tayrut iw-quđri, kkes ak-isen, sbedd rmunkar-a!
10 16 Cek, ay-Abbi, d-jllid ydduma irebda. Ayt-middn, inni war day-k yarzzun, ad-xran tamurt
nnecc.
10 17 Cek zwillizen-ac imsean, ttsrid yar arayi n-sen, ay-Abbi, cek ttgged day-sen ur.
10 18 Iyurjirn d-inni ytthsarn ttayed asen tasyart n-sen uca war ttjid ura d-ij ad-yssuys jjarđ x-

tmurt.

- 11 01 Zi Daud. Zzati Abbi aqqa yi di raman. Maymi dayi tqqarm i nec: "Ajdiđ, arwer ȳar ydurar!
- 11 02 Ayt burqabi aqqa mħden tfurget n-sen, tisnqest aqquet x-rħaf at-ffey, ħima ad.nȳen di tallest inni war yggi walu.
- 11 03 Xmi ȳa ywda llsas, min ȳa yeder ead ijn, ig ttfen deg-arqqasn n-Abbi?"
- 11 04 Abbi aqquet degw-nwal nnes amrabđ, amcan nnes aqquet degw-jnna. Tiťtawin nnes yssars-tent x-ywdan, war x-as yffar walu.
- 11 05 Abbi itwara qae inni it yđfarn, d-inni x-as yttren, u icmmatn, d-inni war-t iwqqarn; wen itxsen rhwer, wenni war-t iwiri.
- 11 06 Netta yssfyd jjarħ x-iqudryn: Anzar s-tmssi d-rcbaryet, ysskka-asend asmmiđ isđawn.
- 11 07 Abbi yggur nican u itxs iwdan idi ylla nnyet. Wen yggurn nican, izmmar ad-izar aymbub nnes.
- 12 01 Zi Daud. X-Seminit
- 12 02 Ay-Abbi, uwc-aney fus, niȳ wig yllan nnec iruħ! Iwdan, iȳa ylla awar, ddakwarn drus.
- 12 03 Wa ysxarriq x-wa, su-qmmum d-tawmat, maca degw-ur, ȳarsen ca nneni.
- 12 04 Ay-Abbi, qqen asen aqmmum, ina ig ssuđusen degw-rum! Bllee asen ajqmim, ina ig itcqqfen aťtas!
- 12 05 "Neccin nssen min nqqar", nitni tfycen, "neccin it-aweđ aney awar. Neccin aqqa n-wnna, ura d-ij war daneȳ izmmar!"
- 12 06 "Wah", Abbi ynna," rxxu ad xcceȳ! Aqqa imzruđn syufan-ten iyujirn sxinsifen. Ad sarrħey ig inni yllan di tamra."
- 12 07 X-asen ateri xw-awarn n-Abbi, nitni qqurn, nican am nnuqart, nni issizdyn 7n-twarawin.
- 12 08 Ay-Abbi, cek tmnnæd degw-awar nnec, n-hara d-tiwcca: Cek ax-aney tsdurryd ayt buyxarriqn,
- 12 09 Waxxa aqqa-ten mani ma u tinhisȳin n-sen traħent arnnint.
- 13 01 Zi Daud. X-tigwda d-raman
- 13 02 Ay-Abbi, Ma t-ttud-ayi irbda? Maħar ȳa tkked tdduryd?
- 13 03 Maħar iȳa kken ymnusn hreen ayi, ma ad-yqqim rhem a ass ȳar ass it-tt degw-ur inu? Maħar iȳa kken iyudryn-a nitni rsqen d-ayi?
- 13 04 Xzard d-ayi awd, ay-Abbi! Uwc-ayid tamrarut, cek Abbi inu! Aredd tfawt ȳar tiťtawin inu, ħima war ȳttsey di tmddit n-qettu!
- 13 05 Niȳ as inin ymzaybyn: "Win aqqa nksit zegw-brid!", uca ad-srwrwen x-weťtu inu.
- 13 06 Maca nec ttereȳ x-rmeizzect nnec, aqqa nec srwrweȳ i twiza nnec. S-yzri ya usiȳd acek qadeȳ, ay-Abbi, maya cek tggid akidi mliħ.
- 14 01 Zi Daud. Iqubbanyȳn qqarn degw-ur n-sen: "War din bu Abbi!" Nitni eussrn, timgga n-sen d-zzbareħ, jar -asen war din ura d-ij, itggit tssbeħ.
- 14 02 Abbi ixzzard zegw-jnna ȳar ywdan. Netta yxs ad-izar, ma din ħedd, yssen u itsqsa days.
- 14 03 Maca marra ydsen arxun zzays, xsarn qae, marra ydsen, war din, ura d-ij itgg min ycnan, ȳar ij n waha walu!
- 14 04 "Nitni ddaryrn", ynna Abbi. "Mani ȳarsen azllif ina ayt butnħisȳin? Nitni sarrđen rgens inu, axmi d-ayrum; maca nec war d-ayi tģgen qae buħbr."
- 14 05 Ggur ad-x-wem wđan inxrien d-imqrann; aqqa Abbi itraħ ak-inni, it yđfarn.
- 14 06 Knniw txsem at-hdmem ttisir iyujirn, Abbi maca ywc-asen adurri ymten.
- 14 07 Trajiȳ, ggur ad-dayi yffey, mermi id ȳa yas imsllek n-Israil zegw-drar n-Ziun! Xminni ȳa yarr Abbi zzerđ n-rgens nnes, xenni iga ykkar ara n-Yaequb, ad-srewrwen, qae Israil ad-ifarħ.
- 15 01 Zi Daud. "Abbi, wig izmmarn ad-yas ȳar anwal nnec? Wi ȳa tjjed ad-yzdeȳ xw-drar amrabđ?"
- 15 02 Ğar iwdan, nni yđfarn Abbi yllan rebda nican. Txmman u qqarn ȳar tidett.
- 15 03 Nitni war txlliđen ura deg-ij, war tģgen, bu min yssxsaran imddukar, u war tģgen bu reib akw-ajjarn.
- 15 04 Nitni war twqqarn, inni ig iħyden i Abbi, u tcennæen marra, inni ig ħssben x-Abbi. Tģgen, min xf tȳa jjułln, waxxa di txssart.
- 15 05 Ttmnyat nw-arttar war x-aset it-tťef bu rfđer. War t-tťfen bu arrewet maħend ad-kkarn, ad-fturyen x-inni war yggin walu. Ij, mara ymneæ, di tmsrayin-a, wa war d-as ixssar walu."
- 16 01 Zi Daud. Srqa x-afi, Abbi! Nec ggiȳ day-k nnyet inu!
- 16 02 Nec ad-ac iniȳ: "Cek d-Abbi inu. Zhar inu tafeyt ȳark!"

16 03 Da ɣaney ɗfarn aɗtas n-Abbiyat, inni umi tuɣa farɛɣ ura nneɕ. Maca rxxu qqary:

16 04 Wig yɗfarn Abbiyat nneynit, ad-yarbu ticti nnes tmun. Nec war ssizzireɣ i-Abbiyat-a ura d-ij ttudint n-idammn ead; ura d-ttknyet n-sen war t-ttidar.

16 05 Ay-Abbi, min yrzzuy tticcd-ayi-t; zzhar inu aqqet degw fus nneɕ.

16 06 Nec tkkar ayid ij n tsyart tcna; min-d x-afi tebard, yusedd x-afi mliɥ.

16 07 Nec tqadiɣ x-Abbi, wen dayi yqqarn, min ɣa ggeɣ; ura ɣar tmddit txmmameɣ degw-brid nnes.

16 08 Netta yuds-ayi, mana ya tuɣa ssneyt zi mermi. Netta aqqat xw-ɣzdis inu, nec ttaciɣ aqqa yi di raman.

16 09 Xu-yenni ur inu yccur srfrahtt d-eafak, ura d-xf inu yddurri.

16 10 Cek, ay-Abbi, urid at-znzed buɥbr inu i tmdrin! Cek war tjjid, ad-mmndary irbda degw-nder; nec aqqa ggiɣ dayk nnyet!

16 11 Cek tnddhed ayi degw-brid n-tudart. Zzat-k ttaciɣ ak rfraɥet ttamqrant; Zegw fus nneɕ it-as ayid zhar war iqtɥi.

17 01 Zi Daud. Abbi, nec arzzuy tidett! Ser ɣar ubarri inu, ysi asutar inu; x-ijnfifn inu war d itekk bu axarriq.

17 02 Cek ad-ayi tsarɥd, maɣa cek tzriɗ, aqqa ggury nican.

17 03 Cek tssned min ɣari degw zllif. ɓar tmddit-a ad-tased, ɥima ad-ayi tfticed uca war d-ayi ttifed, bu ɥnuc. Nec qqary min ɣari degw ur.

17 04 Wacca mara nitni arnnin day-sent, iwdan i dayid ynnɗen, nec rbda ɗfary awar nneɕ urid min tggen iqudryn.

17 05 Nec ttfey abrid nneɕ war zzays ffiyeɣ ura d-surif.

17 06 Nec ɣark id xzzary, ay-Abbi inu, ssney aqqa ad-x-afi tarred. Uwc-ayid amzzuy nneɕ, ser iw-awarn inu!

17 07 Scen-ayid ssarat n-rmarwet nnes! Cek d-imsllek n-marra inni, id-ɣark yarzzun adurri zeg-inni, i kic yttfen taynnant.

17 08 ɤda-yi, am iɥtta ij tiɥt nnes, t-uwced ayi adurri s-adu afriwn nneɕ!

17 09 Cek twarid wi dayi icarhen, imzaybyn-a; nitni qwarn ayid, xsen adayi tɥɥan!

17 10 Ur n-sen war itici, aqmmum n-sen days ɣar nnfaxet.

17 11 Rxxu nnɗen ayid i nec; nitni xnsen trajan, ad-ayi nyen,

17 12 Amw-ayradn ylluzen, wjden ad-ngzen, ɥmuzzqen x-zzardet, ɥima at-hicarn.

17 13 Kkar, ay-Abbi! Xced ak-dsen! ɓdri-ten ɣar tmurt, ina yffuhartn, uca tffked ayi sw-uzzar acmrar nneɕ!

17 14 Sellek ayi zzay-sen su-fus nneɕ ijhden! ɓder asen zi tudart! Uwc-asen min asend ykkarn; aqqa d-aɗtas, maɥend ad-yccur aeaddis n-sen. Ura d-tarwa n-sen azzays jjawnn, ad iqidd ura iw-ayyawn.

17 15 Nec war arbuɣ bu ddnub, ay-Abbi! Xu-yenni nec zmmary acek zary. Xmi id ɣa faqeɣ, ad-jjiwney, smi ɣa ntho degw mbub nneɕ.

18 01 Zi Daud, wen yttiqqn di Abbi. Netta ynna izri ya n-eafak, xu-sllek i d-as ygga Abbi zi Saul.

18 02 Rxdenni ynna: Nec txsey cek, ay-Abbi, zzayk idwrey mɥɥey!

18 03 Cek d-jjarf inu, anwal inu, imsllek inu, cek ay-Abbi inu, d-adurri inu nican, wen x-afi ysserqan, butwiza inu ijhden, taddart inu yueran degw-jnna!

18 04 Mara ttary ac fus, xenni tffkid ayi zeg-mzaybyn. At-qadac, ay-Abbi!

18 05 Nec tuɣa nnuyeɣ degw mawes inqen, rɥmrat nw-aman tuɣa iwyent ayi,

18 06 timdrin carfnt ayi s-tsarrifin, tisndect inqen tnneqbard x-afi.

18 07 Degw-arjaf inu sɣuyeɣ ɣar Abbi, ɣars netta, Abbi inu, ttary-as twiza. Netta ysra yi degw anwal nnes, tiɣuyya inu iwɗent ɣars ar amzzuy nnes.

18 08 Uca tnezz tarrij tmurt, uca ynhezz llsas n-idurar, tqdiddisn zegw xyeq nnes.

18 09 Zegw anzarn nnes yffeyd ddxxan d-abarcan, zegw qmmum nnes isuɗedd iɥudaq n-tmssi d-yɣɣed yssemad itmzaryadedd ɣar zzat.

18 10 Netta ysshwad ajnna x-tmurt uca yujur yudar x-isynutn d-ibarcan.

18 11 Ynya x-Kerub ɣars afriwn u yqqim iɥrara xw-afar n-tɥaryat.

18 12 Ynnuffar di tallest, d-ttram nw-nzar d-synu abarcan.

18 13 Tfawt nnes itissiqn yuzzer x-isynutn s-tyita nw-dfer d-isfɗawn n-yzra.

18 14 Xenni yarxu iw-ajjaj degw jnna, s-jjhed tsuyuy tmijja n-Abbi yueran.

18 15 Netta ywta tisnqas nnes uca yuzzer x-ynni dayi icarhn; yssbruccad x-asen rbruq iɣdri ten deg nxrien.

18 16 X-as uca tsscend tisi n-yll ix f nnes, llsas n.tmurt yffeyd ɣar barra, umi cek, Abbi, tuya
tjullid deg-mzaybyn uca tarrid x-asen tafqeht nnes.

18 17 Zegw jnna yssiy ayid fus nnes, iħada yi uca istfayid zi rħmret,
18 18 ifkk-ayid zeg-mzaybyn yuearn, inni ig iqshen, war dayi twirin.
18 19 Nitni wđand x-afi degw-ass abarcan, maca Abbi yħda x-afi zzay-sen.
18 20 Netta ysufey ayi barra ɣar ttasie; Yarxu-yi, maya netta itxs ayi.
18 21 Abbi yarfz-ayi x-nyet inu; netta ygga kidi mliħ, maya ifassn inu qqurn.
18 22 Nec ggurey deg-bridn, nni d-ayi yscen; emmars war x-as igwjeɣ s-ca n-ddnub.
18 23 Arqqasn nnes tuya rebda aqqa-ten jar tiħtawin inu emmars war d-as arriy awar.
18 24 Nec tggey nican, min x-afi yura, u rebda trakwarey zegw-brid n-ryec.
18 25 Wah, Abbi yarfz-ayi x-nyet inu; netta itwara, ifassn inu qqurn.
18 26 Ayt bu nyet, ay-Abbi, ujur ak-sen s-nyet; Tiyt imunn uwc-as arrda tmun;
18 27 Ig mzdagn scen-asen udm nnec yssfan; maca ayt buyxarriqn arr ɣar-sen sw-erur.
18 28 Inni ig ityufan fkk-iten zegw-sbuxsi, maca ayt bunfaxet, sđar-iten x-yis yueran.
18 29 Cek at-jjed tfawt n-tudart inu tnqar, Abbi. Cek s-timant nnec, Abbi inu, arr x-afi tallest
d-tfawt.

18 30 Zzayk, Abbi inu, ad-tarkey ræskar, zzayk ad-ndwey ssur.
18 31 Qaæ, min itgg Abbi-ya, ykmer, min yqqar Abbi, ttidet. Wen id-yħtef rħriq uca yarwer
ɣars, it-af ɣars rebda adurri.

18 32 Aqqa wig yllan d-Abi nnhra netta? Ğar netta, Abbi nney ig-yllan d-jjarf udurri!
18 33 Nnetta, id-ayi iticcen jjeħd iw-menyi dw-brid yuyda, iwata.
18 34 Netta, yarra iđarn inu iyid nw-zɣar ysgeec ayi ɣar tqicciwin.
18 35 Netta yssermed asen iy-fassen inu amnyi sw-uzzar acmrar iy-ɣalln inu ysscen asen, ad-
mħden tfurget.

18 36 Abbi, cek d-adurri d-teyrut inu, cek t-ħfed d-ayi s-fus nnec ijħden; umi kidi tliid, tarnnid
d-ayi.

18 37 Cek tssuyded ayi abrid ɣar zzat, mliħ rxxu zmmarɣ ad-ujur war tnetiriy.
18 38 Nec uzzrey x-ymzaybyn, mnæy tend war zzay-sen arxuɣ, ar ami twanyen.
18 39 Nec uwtiy ten ak-tmurt, urid kkarn-d ead, wtan wđan-ayi ɣar yđarn.
18 40 Cek tuya twcid-ayi idman iw-mnyi ya, tarrid imzaybyn ɣar iyita inu.
18 41 Ad-ħffen di tarwra s-uyir, qaæ, inni dayi icarhen, zmmarɣ aten nrey.
18 42 Syuyyun arzzun fus, maca asllak walu. Nitni tuya syuyyun ɣark, ay-Abbi, maca cek war
d-x-asen bu tarrid.

18 43 Nec ħaryey-ten ttaejact, nni yaryyec usmmid. Nec fardey ten, amw-frađ nw-azzarj.
18 44 Cek tfkked ayi zeg-wdan yffuhartn tarrid ayi d-azllif n-rgnus marra. Ij n-rgens n-midden
ywda-yi ɣar yđarn,

18 45 Rbarrani dwren ttamurt zzati, min d-asen qqarɣ, tggent rxdenni.
18 46 Yffyi-ten jjeħd war zmmarn ad-bdden, tffwend ttarjijin zi tudrin n-sen.
18 47 Abbi yddar! Netta xsey atqadey, jjarf inu ix-afi ysserqan! Abbi, imsllek inu, xsey azzays
ssmary!

18 48 Netta yjja-yi ad-xrfey, uca yarra rgnus adu inu
18 49 u ifkk-ayi zeg inni ysearn. Netta ywc-ayi ryreb x-yinni i kidi itmnyan uca yssarwr-ayid
zeg fassn n-sen i-qshen.

18 50 Xuyenni xsy acek xllsey u ysm nnec azzays iniy izran jar rgnus.
18 51 Cek twcid iw-jllid nnec aħtas n-iyllibn, i wenni tfarzed twcid-as rmarwet nnec. Mana ya
tggit i Daud d-iħnjirn nnes irwacunat id-ɣa yasen.

19 01 Izri n-Daud. Ijnwan ssiwren x-taryast n-Abbi d-ytran ssecnn ɣar tmegga nnes.
19 02 Ajnna ynna: Abbi d-amqran! Reskar n-ytran sscend tizmmar iyars.
19 03 Ass yqqar-it iw-nneynit. Tamddit ttraya zzays i tmddit.
19 04 Ura d-ij nw-awar war it-wanna, ɣar rħess waha
19 05 uca qaæ amni ism nnes ykka ddunct marra ɣars ar ħarf n-ddunct. Abbi yggas aqyđun
it-fuct.

19 06 Tssajjad zzays macnaw tassrit zegw-xxam nnes, am wen iyrben tmnee di-tbrit nnes.
19 07 Netta-t tnqqard zeg-ij n-ixf ujnna uca tggur ɣas ar ħarf nneyni n-ujnna. I tiħt nnes n-
tmssi war d-as injjem walu.

19 08 Abrid n-Abbi ykmer, itarrad buħbr. Ihuddan n-Abbi cnan, tarrand rbar ig inni war yssinn.
19 09 Arqqasn n-Abbi daysen ttisir, ssfrahñ ur. Awssi n-Abbi yħwen, yscan tfawt.

19 10 Tigwda zi Abbi tssfa u rbda tbedd. Arqqasn n-Abbi aqqa-yn nican marra ydsen seggmn.
 19 11 Nitni ssumet n-sen tiwa iw-ury yqqurn, izidn x-tamment n-rħru.
 19 12 Ura nnec tsriy ġar arqqasn nnes, Abbi, aqqa wen ten ydfarn, as-tmmuwc rmunet!
 19 13 Maca w-ig ssnen, meħar n-twarawin ig ysi ddnub nney? Wir dayi bu ccat, mara xdiy am
 war ssiney!
 19 14 Hda-yi zeg-wdan yedun rħedd, ħima war dayi ttarrin ġar-sen. Xnni ad-qqimey qqury
 nnehra ca n-ddnub yuear.
 19 15 Csi awarn inu s-rxađar nnec! Ejj asutm inu ad-ġark yffey, Ay-Abbi, a wen dayi yttfen a
 wen dayi yarwsen!
 20 01 Izri n-Daud. Ĥima a ġark iser Abbi, degw-ass n-ttħsart; Ĥima acek yssuera ism n-Abbi
 n-Yaëqub.
 20 02 Abbi ad-ac ywc tamrarut, mara t-ttħsard trayid-as; netta, s-timant nnes, Abbi n-Yëqub,
 wenni x-ak iħttan!
 20 03 Ad-ajd yssek twiza zi tmrabtt nnes, ad-ayk ymnee sw-drar n-Ziun!
 20 04 Netta it-ttëf min x-as twħbed!
 20 05 Netta ac ywc qaë min yxs ur nnec ad-ac ikmmer tirja nnec!
 20 06 Xnni an-kkar an-srwrew s-rfraħt, maya netta ywc-ac fus nnes. Ism n-Abbi nney nxs
 neccin at-nssuera uca a nssiri funara(rëram) nney. Abbi ad-ac ywc marra, min d-as ġa ttard!
 20 07 Rxxu ssney-t: Abbi ibedd ak-ujllid nnes; zegw-mrabd nnes degw-jnna ad-sd ywc tamrarut,
 fus nnes ijhden ihwemd uca isarreh.
 20 08 Ca zzaysen tjallan s-ikarrutn imtnn, inneyni s-ysan; maca neccin nemmed x-Abbi, Abbi
 nney!
 20 09 Marra ydsen arrzen u wđan ġar tmurt, neccin maca nqqim nbedd u nqam jħhed.
 20 10 Ay-Abbi, uwc fus iw-jllid! Tsra ġarney, sminni i ġark nt-ttar!
 21 01 Usind zi Daud.
 21 02 Abbi, Ajllid ifarħ ysrewru s.jħhed, cek tmyarđ aħtas, uca tsgëdett.
 21 03 Min yssitm ur nnes twcid as t d-usutar nnes war txybed.
 21 04 Tarzfett s-ttisir d-ssahla u tqqned as rqubbet n-ury.
 21 05 Yttar ac tudart tazyrart-tweid as t; cek twcid as ussan d-izyrarn, wah irebda.
 21 06 Netta ygæed s-ufus nnec, yarra ġars tizmmar d-rmħed.
 21 07 Tssueritt irebda, netta s-timant nnes, d-qaë min itgg. S-udm nnec tccurt s-rfraħett.
 21 08 Abbi, Ajllid ytear x-ak. Abbi, ay amqqran qaë, s-rmarwet nnec ibedd ymten war din wir
 tya yssenhezzn.
 21 09 Abbi, x-at argbed x-marra wi k-dk yttfen taynnant, fus nnec ijhden ad yrqef qaë, inni
 war cek itxsen.
 21 10 Cek aten t-tħħid s-yrsawn n-tmssi ithduduqn. Deg w-ass, nni di cek ġa yzar. Axyeq nnec
 ad ydwer yarqq amacnaw timssi, aten tšarđ s-trmect d-ucuwaf.
 21 11 Farđ ara (acru) n-sen zi dduncet, kkes jjurret n-sen zeg w-ara n-Adam!
 21 12 Nitni ġrin x-ak tamemult uca nwan ad-ac ggen ixarwiđn; maca war d asen itiwed walu.
 21 13 Cek aqqa teyneyed daysen aten tjmard ad ttfen di tarwra.
 21 14 Ay Abbi, scen asen jħhed nnec, uca anini izran s-tmġga nnec!
 22 01 Tiqssisin n-Daud.
 22 02 Abbi inu, Abbi nu, maymmi dayi ttjid? Maya war tticced bu fus, xmi sġuyuy, maya tllid
 ġar ragwaj?
 22 03 Abbi inu, ass d-tmddit nec twëdey, maca cek war d-ttarid u cek war dayid tarzzfed bu
 s-rhudnet.
 22 04 Cek zema d-Abbi amrabđ, wenni ig tqada Israil s-yzran!
 22 05 Cek tuġa tteren x-ak wig llan nney, nitni tuġa ggin dayk nnyet uca tsnjmedten.
 22 06 Nitni sġuyyend ġark uca twafkken; nitni tuġa dmæen dayk uca war twaqmmħen.
 22 07 Nec ġar d-ikkeca waha urid d-aryaz, qaë ttkwar dayi, qaë tzawar dayi.
 22 08 Wen dayi yzrin, yssdħec x-afi, ysfarraġ aqmmun yssnhezza azllif:
 22 09 "Sëdu rhemm nnec i Abbi, netta aqqa acek ifkk! Netta war cek itqmmih! Cek ama d-
 mazuz nnes!"
 22 10 Wah, cek tjbded ayid zeg w-eddis n-ymma, ġar yiff n-ymma tsnumed ayi ak nnyet.
 22 11 Zi twarrit n-nnefs inu tamzwarut aqqa yi di rmarduf nnec; zeg w-ami lliġ cek d-Abbi
 inu.
 22 12 Wir tġima bu ġa ragwaj, nec aqqa nnuġey! Ura d-ij war yzmmar ad ayi ywc fus!

22 13 Aṭṭas n-ymzaybyyn unnuden ayi, quwarn ayid am ifunasn n-rxra.
 22 14 Arzmend γari iqmmumn n-sen, smuhruten x-afi amacnaw ayradn ylluzn.
 22 15 Nec ggiy am w-aman isyḥen, ixsan inu wḍan. Ur inu yfsi dayi am cmeē.
 22 16 Tmijja inu tuzey, irs yrseq x-w aney, twariy ixf inu wḍiy di tndelt-u cek txzzard!
 22 17 Aqqa tarwa n-rḥram nnden ayid; nitni d-iṭan, ix-afi yqqnen abrid. Nitni marmsen ayi
 ifassn d-iḍarn.
 22 18 Marra tiyzdisa inu atent tḥsbed drḥsab; u nitni bdden jεearn dayi.
 22 19 Mrmi ikkarn teyten x-w arruḍ inu uca bḍant jar asen.
 22 20 Wir x-afi tagwaj, Abbi! Cek d-amimun inu, γawer uwc ayi fus!
 22 21 Fekk ayi zeg w xdmi n-ymzaybyyn, sllek buḥber inu zeg w accarn n-iṭan.
 22 22 Kkes ayid zeg w qmmum n-w ayrad, fekk ayi zeg w accawn iεjmy n-rxra! Abbi, aqqa
 tsrid ayi
 22 23 Nec xsey ax-ak ssiwrey ak aytma, di tmzyida xsey ac arniy di ssumεet:
 22 24 "Knniw, knniw itgwden zi Abbi: cnnεemt! Knniw ara n-yaεqub marra ydwem: wqarmt!
 Qaε Israil ad ykkar as yadar γar tmurt!
 22 25 Maya netta war ysseqar bu amsei; ayuyyi inu war t yhwir. Netta war d γari yarri bu s-
 werur, maca netta ysra γar urayi inu."
 22 26 X-uyenni tqadiy cek, Abbi, γar tmzyida marra. Zzati marra, inni zzayk yssuellan, acd
 ssiwdey tayarst, nni tuya d-ac ssitmey.
 22 27 Ad ccen imzruḍn ar d jjawnen; inni x-ak itsqsan, Abbi, ad inin izran n-rεezz; ad yddar
 w ur n-wem irebda!
 22 28 Marra rgnus ad dwren γar wbrid; zi rdruf n-ddunct marra ad arkwḥen γar Abbi uca ad-
 as wḍan γar yḍarn.
 22 29 Aqqa Abbi d-ajllid, netta itaryys x-marra rgnus,
 22 30 Arruyas marra ad-as adarn s-uyir, marra inni yddakwaren γar wear azzays ssueran, uca,
 ura d-ij war ityimi yddar.
 22 31 Ura d-tandat(rwacunat) id γa yasen a γars xmmsen, a tenyawed, qaε min tuya ygga.
 22 32 Uca at εawden i tarrawt id γa yasen, memec id k isen ixεcc Abbi, mamec yggur nican.
 23 01 Izran n-Daud. Abbi d-aniti(arkwas) inu; x-uyenni war x-afi itkk bu zzeaf.
 23 02 Netta ydduwar(yarkws) ayi γar mani ylla wymmuy, ysgyyar ayi mani llan waman
 23 03 u it-ṭṭef ayi di buḥber. Inddeh ayi γar ymucan n-rhudnet, deg udm nnes.
 23 04 Waxxa ggury di ṭṭram γar barra-war ttgwey ura zeg ij n-arzyyet! Cek, Abbi, aqqa cek
 ak idi; cek ṭḥdid ayi tndhed ayi, manaya itgg dayi taryast.
 23 05 Ttaynnant i yinni war dayi itxsen tssarsed ayid andu nnec; s-wydwud tiwyed ayi γark u
 tccurd ayi ayarraf ar aqmmum.
 23 06 Ttisir d-rmeizzect nnec ḍfarn ayi mirmi ma ynqard wass nneγnit; zmmay ad qqimey
 zdyey di taddart nnec marra tudart inu.
 24 01 Izran n-Daud. Tammurt tmun n-Abbi s-marra, min x-as yggurn.
 24 02 Netta ybnat tmten x-waman dsas(izwran) nnes ywet as-t di tisi n-yll(aman).
 24 03 "Wig izmmarn ad igεed γar wdrar n-Abbi? U wig izmmarn ad irah ad ibedd x-tmurt
 nnes tamrabt?"
 24 04 "Γar iwdan, nni γar ylla ifassn war daysen bu ddeiq(ddnub) d-wur d-acmrar. Deg wur n-
 sen war days bu ryεcc, u εmmars war ynni ixarriqn.
 24 05 Rmarwet n-Abbi ak isen tiri uca ad asen yssekk twiza, mamec tuya k isen ygga netta.
 24 06 Amu iggin ywdan, yarzzun di Abbi u ig izmmarn ad γars asen. Amu itgga tarrawt
 taḥurrect n-yequb."
 24 07 "Sgεdem azllif n-wem, tarzmem tiwura! Aqqa ajllid yxs ad yadef, wenni γar ylla jḥhed
 marra!"
 24 08 "Man ajllid-a amqqran?" "Netta d-Abbi, wenni ijḥden d-wenni yuεarn! Abbi, wenni
 yannan deg mnyan marra!
 24 09 Kkart sgεdem azllif, arzmem tiwura! Ajllid yxs ad yadef, wenni γar ylla tyγrut marra!"
 24 10 "Man ajllid-a amqqran? "Netta d-amyar tiwa iw jnna d-tmurt! Netta d-ajllid ig uεran qaε,
 netta γars jḥhed marra!"
 25 01 Zi Daud. Γark, ay Abbi, id tarriybuḥber inu.
 25 02 Dayk, Abbi inu, iyari tlla nnyet; wir dayi bu tqmmeh! Γarc aqqa adayi arnan inni dayi
 icarhen!
 25 03 War ityimi ura d-ij s-ifassn xwan, zeg inni γark itqqren; maca wenni x-ak yffyen, ad

ibarreqq.

- 25 04 Abbi, scen ayi abrid, iya d̄fary; ssyar ayi, min zzayi txsed.
- 25 05 Scen ayi, mamec id γark γa ssujury tudart inu di nnyet. Cek aḥqqa d-Abbi, wenni γar ttafey twiza; nec ttqrey γark rebda.
- 25 06 Abbi, xmm γar rmarwet nnec d-uzillez nnec, ituya turid x-rgens nnec zeg wmwzar qaε.
- 25 07 Wir ttidar bu ddub n-tmzi inu, ura dtinḥisyin tinggura; maca xmmmed γari di rmeizzect nnec-nec x-rmarwet nnec, Abbi, ittecrey!
- 25 08 Abbi yssbeḥ nican: I yinni ig ff̄yen abrid yscan asen abrid isggmen;
- 25 09 inni itsdhan asen ygg abrid γar tsyart n-sen asen yscen, mamec γa ssnen timxsi nnes.
- 25 10 Marra min itgg Abbi, d-rmarwet d-nnyet itggit, i yinni itwqqarn amuni nnes d-yinni ig d̄farn arqqasn nnes.
- 25 11 Ism nnec, Abbi, d-rmeizzect tsweḍ; y-uyenni ysi x-afi amarwas(ddub) inu-aqqa d-aṭṭas!
- 25 12 Mind yggurn γar ywdan, nni itgwden Abbi? Abbi yscan asen man abrid i γa d̄farn.
- 25 13 Ntini aqqa ten d-imimunen, ddarn di rhudnet u tammurt-a atiri γar tarwa n-sen.
- 25 14 Marra inni itgwden zi Abbi, inddeh iten γar raman ysraggab iten x-twafit n-tmunett nnes.
- 25 15 Tmuyri inu rebda di Abbi; netta ad ifekk idarn inu zeg wsnnaj.
- 25 16 Abbi, arred γari s-uymbub tetqed ayi; nec aqqa wtiy war γari ura d-ij.
- 25 17 Ur inu ycden ggur ad yfqiqq. Arxu yi, tysid x-afi t̄yufit!
- 25 18 Xzard γar zzerd inu d-rmḥayn inu! Ysi x-afi ddub inu marra!
- 25 19 Xzar deg qudryn inu, Abbi: Aqqa aṭṭas ydsen, nitni tmhicarn ak idi war dayi twirin.
- 25 20 Ḥda x-buḥber inu tfkked ayi! Γark iya nnuffary, wir dayi bu tqmmeh!
- 25 21 Uwc ayi fus, ḥima ad iriy nican, ad qqimey d-amzdag; Abbi, nec ax-ak ggey.
- 25 22 Abbi, sufey Israil zi rḥsart!
- 26 01 Zi Daud. Abbi, ay ayi tasyart inu! Nec war ggiy ura d-ij n-tmsract war th̄hri. Nec rebda tsbbrey x-ak, war din wi dayi γa ysuden deg wmozuy.
- 26 02 Qddec ayi, Abbi, εayar ayi, xzar ayi tizzar d-wur inu!
- 26 03 Rmarwet nnec aqquet rebda jar tiṭṭawin inu, uca ujury di rmequr nnec.
- 26 04 Nec war tuya tmuney bu ak ywdan ieffann u war γari walu ak ayt buyxarriqn.
- 26 05 Nec carhey tarbiḥt n-ymzaybyyn nec tagwajey x-ayt bu th̄hisyin.
- 26 06 Ad qqimey d-amzdag ad ssirdey ifassn inu, Abbi. Uca ttunnudey i-w ndu(andu) n-wyrum d-waman uḍir n-tmzyida;
- 26 07 Nec tqadiy cek s-yzri inu u ḥima ad barrhey zi tmgga nnec timqqranin.
- 26 08 Nec teizz x-afi taddart, di tzddyed, mani tllid di tcuni tamqqrant i daney ydsen.
- 26 09 Wir dayi bu neqq wir dayi smuna ak iqudryyn; wir dayi ttawi tamzzryut ak ayt burraqabi!
- 26 10 Ifassn n-sen yrsey x-asen γar tikkst n-tqcurt, tcuran iḥarwarn n-sen s-tmnyat n-utarht.
- 26 11 Nec maca ggury nican. Γar wudm nnec, fekk ayi!
- 26 12 Rxxu idarn inu aqqa yen x-tmurt yddzen. X-uya xsey ad sgedey ssumæet i Abbi, xmi-d γa yas rgens nnes imun.
- 27 01 Zi Daud. Abbi tfawt inu, netta yarxxu yi u itasedd ak idi; x-uyenni nec war ttgwdey. Netta d rmten n-tudart inu; war tnxriey ura zeg ij.
- 27 02 Xmi dayi ḥssarn iqudryyn, xmi x-afi tfturuyn s-wur d-abarcen, tnqradn uca wṭtan.
- 27 03 Waxxa d-ayid γa nnḍen maḥar ma ydsen, war ttgwdey. Waxxa mmnyen ak idi: Nec γari days nnyet.
- 27 04 Nec t-tary ict γar Abbi. Ta ax-as arzuy: Min γa kkey ddary xsey ad qqimey ad zd̄yey di taddart nnes, ḥima ad xzzary degw ur nnes aḥnin. Ad arzmeḥ aqmmum di zzawect nnes.
- 27 05 Xminni id γa yasen ussan iqḥen, Abbi ad ayi γars yesi, ax-afi yssrqa s-tzeqqa nnes ad ayi ys̄yim x-jjarf yuεeran.
- 27 06 Uca ad iriy tiwa i yqudryyn, inni dayid ynnḍen zi marra iyzdisa ad kkary ad awyey tayarst γar zzawect, ad syuyyey s-jjhed ad qadey Abbi, s-ll̄ya d-tirart ad as sgedey ssumæet.
- 27 07 Abbi, ser ayi, xmi icd γa rayiy; s-rxaḍar nnec arred x-afi!
- 27 08 Ur inu ynna yi: aqqa tuya tnnid: "asmd(asttiwd) γari!" X-uyenni nec th̄amiy d̄ cek, Abbi.
- 27 09 Wir zzayi tffar aymbub nnec! Wir x-afi tazzer s-uxyey! Cek rebda tuya tticed ayi fus; rxxu wir dayi tjja degw brid! Wir dayi nttar(smmeh), Abbi, afkki inu!
- 27 10 Mara ndarn ayi ymma d-Baba, cek, Abbi, ad ayi tysid γark.
- 27 11 Abbi, scen ayi abrid asbhan, ndeh ayi γar wbrid isggmen, (iwaṭan) ḥima ad qqnen iqudryyn aqmmum n-sen.

27 12 Wir d-ayi bu znuza i ayt bu arqabi! Inni dayi ysseqarn, aqqa rhand ak-idi nitni d-ayt bu yxarriqn, tiraren di Tidett!

27 13 Nec zema ssney, nec war hkkwiγ bu γar ymδran; nec zmmarγ ad qqimeγ ddary, hīma ad zary rmarwet nrec.

27 14 Qqer γar Abbi, iri d-aryaz egg nnyet di Abbi!

28 01 Zi Daud. Abbi, nec γark id arzzmeγ aqmmum! Cek id ayi yarwsen, wir tteg bu ix f nrec war ttsrid! Hīma at qqimed tsqarδ ajmmaδin inu, uca ax-afi qqnent twura.

28 02 Uwc ayi amzzuγ, xmi-jd trayiy, xmini d-acd t-ttary twiza, swazzaδeγ γark s-ifassn inu, γars ar ur n-zzawect nrec tamrabtt.

28 03 Wir d-ayi bu smuna ak yinni, war yδfarn abrid nrec, ura ak yinni, yggurn di ttaytur inni ysscanen tiγmas iw ik-isen yllan, maca nitni mri ufin iraqqa ccin ten.

28 04 Uwc asen min d-asend yffyen, uwet iten x-min ttggen, arr asen rγir n-sen!

28 05 Aqqa urid nitni xzzarn γar min ttged, nitni war tticin, xmi-d k-isen γa trhid, Abbi! Cek ad asen tkhδeδ, aten tγdreδ γar tmurt, at afed war yqqim ad kkarn ead.

28 06 At qad-as i Abbi, aqqa netta ysra iw rayi inu,

28 07 Netta yhda yi u ysserqa x-afi, nec zmmarγ ax-as ttcreγ. Netta ywc ayi fus, x-uyenni farhēγ uca nec qadeγ-t s-yzran inu.

28 08 Abbi d-ij n-udurri d-amqqrان i rgens nnes. Ajllid, ig yxδar, aqquet ixmmer γars am ij n-jjarf.

28 09 Snjem rgens nrec, Abbi! Şşar x-aneγ, ayraf nrec, nrec cek, ndeh aneγ tirid ak inceγ rebda!

29 01 Izran n-Daud. Smyart zi Abbi, a tarwa n-Abbi, smyart zzays twcem as ix f n-wem!

29 02 Uwcet as rēzz, id yffyen γar i netta! Adart γar tmurt zzat s, xmini-d γa yffey s-ttcwirt nnes tamrabtt.

29 03 Tmijja n-Abbi tddarδeδ tiwa iw aman, Abbi amqqrان yarxud iw ajjaj; Abbi aqquet snnej iw aman ihajen.

29 04 Tmijja nnes tcur s-rqşhan, netta-t tddarδaδ s-jjhed, tmijja-ya.

29 05 Netta-t ttarzza tammact tamqqrان qae; Abbi itarzza tammact n-lubnan ttiwtwitin.

29 06 Itja adrar n-libanun inttu zzats macnaw tayndust, adrar n-Hermun inggez am uejmi n-rxra.

29 07 Tmijja n-Abbi ttsuδ s-tmssi,

29 08 Tammurt n-rxra ttarjiji zi tmijja ya; Abbi itarra tammurt n-rxra-Qadec ttqiddid.

29 09 Tiyatin n-wzγar tarjijint zi tirwa s-tmijja nnes, wttant tfraj i tiganin, s-tmijja nnes. Uca di zzawect nnes marra tqqar: "Rēzz i Abbi!"

29 10 Ayimi n-Abbi tuya-t tiwa iw aman ihwren netta ad yqqim d-ajllid irbda.

29 11 Abbi ad ymnee di rgens nnes, at yarzef s-ttisir d-rhudnet.

30 01 Izran n-Daud; zzardet x-zzawect.

30 02 Nec acek ssuēriγ, Abbi, aqqa nec tuya yi γdseγ di tisi tsgeded ayid uca war ttjid bu twart iyqudryyn, hīma nitni ad farhen i wttu inu.

30 03 Mas, Abbi inu, nec ttary ac twiza, uca cek tsgnfid ayi.

30 04 Cek tarrid ayid zi tmδrin. Nec tuya δar inu degw nder, uca cek tarrid dayi buhber.

30 05 Knniw marra, wig llan n-Abbi, siryem ssumect nnes s-yzran n-wem, qadett wir t-ttut aqqa netta d-amrabδ!

30 06 Axyeq nnes irqgef aneγ min itkk armac n-titt maca rmarwet nnes tquwar aneγd irbda. Mara γar tmddit ruy tiwcca ad ayid yttffu srwriweγ s-rfrahett.

30 07 Arami tuya ttaciγ ak rhna, nniγ as: "Min dayi γa ymmsarn qae?"

30 08 S-ssutra nrec, Abbi, dwrey amacnaw adrar. Maca γar t-ddukkyd x-afi uca wdiy di tiggwda d-inxrien.

30 09 Nec rayiy acd, ttary ac fus, Abbi, ssqsiγ cek:

30 10 "Mara rxxu nec tfriγ, man-t rfδer i γark γa yirin, mara nec wdiy degw nder? Izmmar acek iqad wenni ydhan d-car?"

30 11 Abbi, eteq ayi, ser γari, iri ttayrut inu, ay Abbi!"

30 12 Cek aqqa tarrid izran inu nw cδan d-ccdiδ n-rfrahett, tssirded ayi sw arruδ acmrar degw mcan n-wenni abarcان.

30 13 Nec war tsqiriγ irebda, zmmareγ acek ssuēriγ s-yzran inu. I cek, Mas, Abbi inu, aqadi inu irbda!

31 01 Zi Daud.

31 02 Abbi, nec arzzuγ ad γark arwrey; emmars wir dayi sqmmaδ!

31 03 Ser ayi zema, uwc ayi fus deyya! Iri d-jjarf n-ħttu, d-taddart ysreqqan, uca aqqa yi ddureye.

31 04 Cek tticed ayi min di ġa mnæeġ, cek tħttid x-afi. Ujur ak idi dtndeh ayi, aqqa cek d-Abbi inu!

31 05 Ħda yi zi tsndect, tenni id ayi ggin s-tnuffra; cek zema d-wenni x-afi iħttan!

31 06 Nec wciy ac ixf inu, ad ayi tfkked, Abbi, a wen yllan nican!

31 07 Nec war twiriy marra, inni ig ġfarn ixarriqn; nec s-timant inu, Abbi, ttcrey ġar x-ak!

31 08 Nec aqqa yi x-rxaġar inu, umi k-idi tllid mliħ. Cek tzrid rħsart di lliy uca tssned, mamec tuya ttbehtey.

31 09 War dayi ttjid bu iyqudryyn, maca tggid ayi ttasie di ġa jmiy.

31 10 Abbi, Ysi x-afi, nec iwddar ayi min ġa ggey! Tiħttawin inu uħrent deg mħttawn, nec aqqa kmrey.

31 11 Imnusn ġdren ayi zi tudart, ixyyiqn ccin ussan inu. Ryben ykkes ayi tizmmar inu, iyalln inu wġan.

31 12 Dwrey ttisdħac, ġar yqudryyn inu, d-reyub ġar yeirn inu, d-rxyar ġar ymddukar inu. Marra, wi dayi ġa yzarn degw azzarj, itrakkwar zzayi.

31 13 Ttun ayi nec, axmi tuya ġryey zi mrimi, amacnaw icqfan, ymmndarn.

31 14 Nec ttsriy, mamec idayi teqqfen nitni; tħallan dayi zi manis ma. Nitni tmunn xzzarn, mamec ġa ggen ad ayi awyen buħber.

31 15 Nec zema x-ak iya ttcrey! Cek, Abbi, cek aqqa d-Abbi inu! Uca at qqimed d-Abbi inu!

31 16 Min-d ġari yggurn, aqquet degw fus nnec. Snjem ayi zeg qudryyn inu, inni dayi iħaffarn!

31 17 Abbi, xzard ġari sw-ur nnec d-acmrar, aqqa nec zzayk Gg ayi twiza di rmarwet nnec!

31 18 Abbi, ġark it wædey, wir dayi bu tqmmah! Maca iqudryyn-a ad kken marra x-uzllif:

31 19 Sekk iten nitni ġar tmdrin, maħend ad qqimen irbeda d-izynunn! Qqen asen aqmmum, ayt buyxarriqn-a war ytsdħin, inni ysseqaran wi war xf ylli ddnub!

31 20 Mħar itmġar rmarwet nnec, Abbi! Tenni ttjid, ig inni cek itggwden. Rmarwet-a itwarat marra, wig arzzun ad ġark yarwer.

31 21 Cek tsrqqid x-asen s-tiddi nnec, dduyren sadu tzqqa nnec zegw muzzar n-ywdan.

31 22 At qad ac, Abbi! Cek tetqed ayi s-rmarwet nnec, aqqa tarnid dayi azyen, umi tuya tħsar.

31 23 Nec tuya qdeey rayas, nniy as aqqa ttjid ayi. Maca cek tsrid ayi, umi-d ġark ttary twiza.

31 24 Seizzem Abbi, Knniw inni ylla nnes; aqqa netta iħtta x-yinni, yqqimn di nnyet ak-is. Maca inni yħan, yggurd ġarsen uxyeq nnes.

31 25 Knniw, a yinni itqqren ġar Abbi, irit tmħdem, tirim d-iryazn!

32 01 Ict qssist n-Daud sseed n-marra inni ixf ycsi reib n-sen d-inni umi ydra x-ddnub n-sen!

32 02 Ad farħen qaæ inni, umi war yizid(azaġ) Abbi ddnub n-sen d-inni ġar ylla ur d-acmrar!

32 03 Abbi, min kkiy tfary ddnub inu; nec hrcey, ar ami dwrey ġar tweæ deġ waha zi nnqran n-tfuct ar aħray n-tfuct.

32 04 Nec tuya ttaciy ak ufos nnec ass d-tmddit; iyttter ayi ġar tmurt, yssnzef ayi axmi lliy di tfuct n-ssmaym.

32 05 X-uyenni kkary ggry, ad ac nemeġ zi ddnub inu. Min tuya ggry, nec nniy act; war yqqim ead azzayk ffary amarwas inu.

32 06 X-uyenni, marra wi k-ic yggurn s-nnyet, ad ġark yttar, xmi ġa yttħsar. Waxxa tkkedd x-as rħmret tuera, war-t zmmar at tawi.

32 07 Ġark i tafey adurri; tssagwjed x-afi ryben tarxxud ayi ttarrid ayi srwriwey.

32 08 Abbi yarred x-afi: "Ad ac iniy min x-ak atgged, uca ad ac ssmrey abrid isggmen. Nec war zzayk tkksey tiħttawin.

32 09 Wir ttiri d-ahbbuj, amacnaw asardun niy macnaw yis! Nitni ġar s-ssrimet dw-aryam izi twaryden, niy aqqa war cek ġaffarn."

32 10 Wenni war itsqsin di Abbi, twttad x-as ġar tamara; maca wenni ytearn x-Abbi, tqumar asd rmarwet nnes.

32 11 Farħem dtsrwrwem x-Abbi, Knniw, ayn yggurn nican ak is! Marra, inni yġfarn tidett ġarsen ur d-acmrar, ad dwren nttwen s-rfrahett!

33 01 Srwrwet x-Abbi, knniw, ay inni ig ġfarn abrid nnes! Aqqa mliħ, mara arnnin as di ccan inni imzdagn!

33 02 Qqadet Abbi di rgambri, irart as di 10 yfiran!

33 03 Awyemd x-as ij n-yzri nneynit, ġnnjem tirarm, gget min umi tzmmarm!

33 04 Aqqa Awar n-Abbi d-rmæqur; itffeyd di tmgga nnes.
33 05 Netta itxs nnican d-tidett; zi rmarwet nnes tjma days ddunest marra.
33 06 Zegw awar-a n-Abbi izi-d yffey ujnna, itran yssufy iten-d s-usxxar nnes.
33 07 Aman yllan degw jnna yarriten d-isynutn, rħmrat ibllæ x-asant di tsarfin.
33 08 Ddunect tmun ttggwed zi Abbi qæ imzday n-tmurt azzays nxreen.
33 09 Aqqa netta ad yini ad yffey; netta min ġa yini, ad isur yiweđ.
33 10 Abbi yargeb x-tabirt n-rgnus, netta yssfsax marra min nkwan.
33 11 Maca netta marra min ġars di rbar, it ggit; axarres nnes ityima irebda ymten.
33 12 Ssead n-rgens, nni yggin wa d-Abbi nnes, rgens-a yarrit netta zzays!
33 13 Abbi ixzzard zegw jnna itwara marra iwdan;
33 14 Zi ssenni snnej, mani yqqim netta, iħtta marra, wig llan x-tmurt.
33 15 Netta yuwc asen azllif dtirlli n-rxadar uca yssen marra, min ttggen d-min nbbun.
33 16 Mara ca ujlid yarna, aqqa urid s-uhimur n-ræskar iyars yllan, u mara aryaz amziw
yssnjem azllif nnes, aqqa urid s-jjhed idays yllan.
33 17 Wenni ig tcaren x-ayt bu iysan, aqqa netta war ġars ura d-ij; waxxa aħtas n-ysan s-jjhed
n-sen marra war zmmarn ad fkken ura d-ij.
33 18 Maca Abbi ysraqqa x-marra, wi-t ydfarn, d-wi zzays itggwden, inni ig itqqren ġar rmarwet
nnes.
33 19 Netta yxs aten yħda zegw nuri(anuri) aten yssnjem zi raz.
33 20 Neccin rayas nney di Abbi, netta iticc aney fus ysreqqa x-aney.
33 21 Neccin nfarreħ as aqqa x-as, x-Abbi amrabđ, ix f ylla uteri.
33 22 Abbi, scen aney-d rmarwet nnec at nzar, aqqa neccin nxzzard ġark!
34 01 Zi Daud. Netta ynna-d taqssist-a, umi x-as ixarđ(yuzzer) Abimelex, maya Daud tuya ygga
ixf nnes axmi yttxref zzati Abimelex.
34 02 Nec xsey rebda ad-tennead Abbi, acnne-a rebda aqget ġari xy-irs.
34 03 Buħber inu, ysgead zi Abbi. Srem ġari, ay imuqrirn, tirim x-rxadar n-wem!
34 04 Cnneem ak idi Timgga n-Abbi; ankkar anmun ħima anwqqar udm nnes!
34 05 Nec xzary ġar Abbi netta yarred x-afi; netta yssufy zzayi qæ tiggwda inu.
34 06 Mara txzarm ġars, ad inuwar uymbub n-wem, nnyet n-wem war tqmmih.
34 07 Aqqa da ij n-umsei, tuya yttar rmeruf. Abbi ysra as uca ifekk it zi ryben marra.
34 08 Marra, wig itggwden zi Abbi, ysreqqa x-as ujlid n-ujnna uca itawi asd rhudnet.
34 09 Qasem-t s-timant n-wem uca at zarm: Abbi d-aħnin! Ssead n-marra, ny-inni iyars yarzzun
adurri!
34 10 Knniw wig llan nnes, Ggwdeť! (Ggwdem zzays!) Aqqa wenni it itggwden, emmars ad
yťħsar.
34 11 Aqqa ayradn ijhden irqqef iten raz; maca wi-d yusin ġar Abbi, itaf qæ, min iťħdaja
itudart.
34 12 Ġawret, a yħnjirn, sret ġari! Ad awem iniy, min yxs ad yini, at ggdem Abbi, u ak-is
tirim:
34 13 Ma nwen, itxsen tudart-a itxs ad yiri aħtas nw-ussan d-amimun?
34 14 Iwa ħdat aqmmum n-wem, ħima war tsxarriqm, war tqqarm reib!
34 15 Ĥyydem itn taeffant t-ggem tasbħant! Arzut rhudnet, t-jmarm tet!
34 16 Abbi ixzzar ġar marra, inni yggurn nican, itsra iw rayi n-sen.
34 17 Inni ieffann, irħhad ak-isen it kħħad iten zi tmurt.
34 18 Maca xmi d-as trayan inni k-is yggurn s-nnyet, itsra asen uca yssufuy iten zi tnay it. (Zi
rħsart)
34 19 Mara nitni ttxden war daysen bu taryast, uca itades iten iticc asen fus.
34 20 Wenni yqqimen di nnyet ak Abbi, itcuqa degw aħtas n-rmħani, maca Abbi ysnjjam it.
34 21 Netta iħtta ixsan nnes, ura d-ij zzaysen war itarzzi.
34 22 Aħqqa aryyb, ineqq bab nnes, wenni icarrhen inni itggwden Abbi, war d-as injjem itcti.
34 23 Abbi itfkka marra, inni ġars itrakkwaren; war din bu arzyyet izi ġa ggdem.
35 01 Zi Daud. Abbi arr daysen reib, deg inni dayi ysseqarn; xced ak-idsen!
35 02 Ysid askudu(min ysraqqa) d-rbaruđ t asedd adayi tuwced fus!
35 03 Kkesd lansa(uzzar acmrrar), t-qqned abrid, ħima war x-afi ħarriten inni x-afi itazzren! Uwc
ayi awar, aqqa cek ad ayi-twced fus!
35 04 Ax-asen twakkkes tqcirt ad nndħen marra, inni id ayi hkkwren! Ad arwren ad barrqen,
marra, inni ifarħen i arzyyet inu!

35 05 Ad dhan d rum degw şmmid, ajllid ujnna n-Abbi aten yarddej(ituwej).

35 06 Abrid n-sen ad itmmes ad yiri ithrulluđ, xmini iten ȳa yrseq ujllid n-ujnna n-Abbi.

35 07 Maya nitni ndyen ayi taxceft x-walu. Γzin ayi aħfur drint s-tracca.

35 08 War d-as tģgen bu rħsab uca ad ȳarsen tdwer arzyyet-a! Ad nnaȳen degw snnaj n-sen uca ad wđan degw ħfur nni tuȳa ȳzin!

35 09 Nec maca ad şuyyey ad farħey, maya Abbi aqget ak idi.

35 10 Nec xsey ad as iniȳ zegw ur: "Abbi, ura d-ij war ylli am cek! Cek ttirid ak imuqrirn ttaynnant ig inni ijhden, cek thttid x-umedur d-umsei zegw nni, yxsen aten igcecd."

35 11 Kkarn ayt buyxarriqn ssiwren d ayi umsend ȳari ddub, tsqsan ayi x-min emmars war ggiȳ.

35 12 Rxir arrin ayit d-ryir; qaē tsmeh d-ayi.

35 13 Zic, mara tuȳa yhrec ca n-ij zזaysen, tuȳa tirdeȳ arruđ d-abarcan n-ucđan. Tuȳa tzummiȳ di ttweē n-sen, uca kkssiȳ asen rmeruf degw ur inu.

35 14 Axmi d-uma niȳ d-amddukr inu. Amacnaw ca n-ij, ycden x-ymmas, tuȳa ttawyeȳ dtarriȳ, ur inu yccur.

35 15 Maca nitni farħen umi twaran wdiȳ ȳar tmurt uca kkarn munen ttaynnant inu. Dwren ggim amacnaw middn; uca qqimn, tkkwarn ayi rebda.(tkksen x-afi taqcurt)

35 16 Tzyyarn x-afi ayimbub, ȳttren zזayi, tjallan d ayi tyzzan ȳari tiȳmas.

35 17 Ay Abbi, mchar i ȳa tkked txzard? Snjem ayi zi tsnday n-sen, ħda tudart inu zegw ayradn-a!

35 18 At afed acek qadeȳ jar tmzyida,(tarbiht) ac sgedey di ssumet degw jaw.

35 19 Wir tjja, ad srwrwen x-arzyyet inu, inni war d ayi itxsen, ayt buyxarriqn! Inni war d ayi itwirin x-walu war x-afi bu tmsymazn.

35 20 Emmars azzaysen tsred awar d-asbħan. Ig inni itsqaran di tmurt, iwdan yarzzun rhudnet, tģgen asen rebda ixarwidn.

35 21 War thiwiren x-uqmmum ggurn qqarn: "Aqqawm! Tzrimt? yffey days!"

35 22 Cek Abbi, tzrid marra min ymmsarn! (war x-ak iwddar walu) Wir ttsqara ead, wir x-afi bu taggwaj!

35 23 Kkar, xecc, (uwet) ay ayi tasyart! A Mas inu, Abbi inu, ysi ssuq inu nnit!

35 24 Awi ayid tasyart, mamec tllid tggurd nican, ay Abbi inu! Wir ten tjja bu ax-afi farħen. (bu ad ayi ȳzzan)

35 25 Emmars as inin: amu ituȳa nxs! Aqqa neȳ mliħ" war das qqarn: "Aqqa nydrit."

35 26 Uyac ad wđan di tshrarut, marra inni ig ifarħen i arzyyet inu! Ad yarđen tazwart d-rfdiħet, ina yffuchen ajmmad inu.

35 27 Maca marra, wi k-idi yllan, ad srwrwen s-rfrahett uca ad qqarn rebda: "Abbi d-amqqran! Netta yarzzu wenni zזays itggwden, rebda ad itiri di rhudnet d-ttisir."

35 28 Irs inu ad ibarreh zi tidett nnec, ad ac ysgaed ssumet degw ussan marra.

36 01 Zi Daud, aduȳri n-Abbi. (axmmas n-Abbi)

36 02 Taynnant akd Abbi aqget ȳar ymzaybyyn deg dammn, nitni war tnxiēn ura zi Abbi.

36 03 Nitni yusedd ak isen mana ya, ad aysen itiri umarwas d-tacruhi.

36 04 Maca min qqarn, d-ixarriqn d-tafa n-tazect; min tģgen, urid nican urid yena.

36 05 Ura di rctu(qama) txarssen min war yħħrin. Nitni tyiman degw brid n-tnhisyyn; war ttnerfan zi ten taeffant.

36 06 Abbi, rmarwet nnec tmqudda akd ujnna nnyet nnec, ttakkwad ȳars ar mani ttawyn isynutn!

36 07 Tidett nnec tbed am idurar ydduman, ađbbar nnec yulley macnaw tisi n-ill(n-rbuȳaz). Cek, Abbi, tticced fus i ywdan d-zzwayr(rmar).

36 08 Rmeizzect nnec, war din mani-t ȳa tarred. Cek d-Abbi nney, cek tssarsed x-aneȳ afriwn nnec uca tggid aney adurri.

36 09 Cek tsjawand aney s-şşabt n-taddart nnec, zeg ȳzar n-rmarwet nnec twaded aney.

36 10 Cek s-timant nnec d-reunsar(tara), id-aneȳ iticēn tudart. Rmeizzect nnec ttfect, izi nddar.

36 11 Qim mliħ, ak inni cek yssnen; uȳur s-nnyet ak inni cek yđfarn sw-ur d-acmrar!

36 12 Wir d ayi tarra ȳar ydarn n-ayt bunnfaxt wir tjja bu inni yqjarn ad ayi xran zi taddart inu d-tmurt inu.

36 13 Nec aqqa twariȳ ten kkin x-uzllif, ayt butnhisyyn; wđan ȳar tmurt uca yac awar dkkarn.

37 01 Zi Daud. Wir tmyujjut zeg ywdan, ig ffȳen xw-arqqasn n-Abbi! Wir ttasm bu zeg ywdan ieffann mara aqqa ten mliħ!

37 02 Aqqa ad twahtcen dya macnaw tayddiwt, ad bbissrawn uca ad azyen am arrbie azyza.
37 03 Ttcer x-Abbi gg min isbhen; rxnni at qqimed di tmurt at zdyed di rhna.
37 04 Arzu ttisir nrec yar Abbi: Netta ac ywc qae min ya tssutard.
37 05 Uwc as i Abbi ad yndeh ayarrabu nrec; gg days nnyet, at irid mlih!
37 06 Min ya tged at x-ak yssdhar macnaw tfawt nw-ass, u nnyet nrec at yarr ttedidih am
tfuct n-ttha.
37 07 Sqar zzati Abbi trajid yars! Mara ttwarid iwdan, ieffann marra min ttggen itffey asen,
war d-ac itqces bu rhar!
37 08 Wir tjja bu acek sxyqen; wir tmuyjutt x-min war yhrin, niy at afed ura ccek at xdid!
37 09 Iwdan, yttfen taynnant ak Abbi, netta ad ykkes izwran n-sen; maca marra, inni i yars
itqqren, tammurt-a at dwer n-sen.
37 10 War ytyimi walu, uca ad twjen ieffann, cek war ttifed ura d-ij n-jjurret zzaysen.
37 11 Tammurt x-at tffen iyujirn ad irin d-imarzaq.
37 12 Wen yttfen taynnant akd Abbi, degw zllif nnes ticitanyyn, sw-ur d-abarcan it yezza
tiymas, hima ad yemet(yarza), inni itggwden Abbi.
37 13 Abbi maca idhhec x-yinni war-t itxsen, netta yssen: Aqqa ass n-ccrae ad yas.
37 14 Imzaybyyn jbdend rsnah(uzzar acmrar), tfurget(rqus) mhden tet mirmi. Nitni xsen ad nyen
iyujirn d-imeqar), marra, inni yllan mlih.
37 15 Maca uzzar nni ad yadef degw ur n-sen tfurget n-sen at qdu.
37 16 Ad iriy di ryben, maca ak Abbi xir zegw marra agra n-inni, war yssinn Abbi;
37 17 maya Abbi netta itarzza jhed n-inni ik is yttfen taynnant, maca itmmasn nnes ysmgyar
iten.
37 18 Abbi kunnhar days amnus, Min ma yxs asen yuwc, ityima n-sen irbda.
37 19 Degw ussan ibarcann war ten itqmmih, xmi itiri raz(buhyyuf) ysawan iten.
37 20 Maca inni ik-is imnen taynnant ad wddarn, ieffann ad dwren macnaw amssuci, ad dwren
ttayyut uca ad dwen.
37 21 Wenni war itggwden Abbi, rebda days amarwas, hima ad yarr amarwas war izmmar.
Maca wenni itggwden Abbi, izmmar ad yuwc fus. (ad ygg twiza)
37 22 Iwdan, ixf ihin Abbi, tammurt at dwer n-sen; maca wenni umi yssdfar titawin, war
yqqim ead ad ykkar.
37 23 Abbi iteizza x-as wenni yar ylla ur d-acmrar uca yssujura isuraf nnes.
37 24 Waxxa ynqard(yndref), maca war iwiti yar tmurt; aqqa Abbi ygga days fus nnes.
37 25 Nec tuya yi d-mzzyan, rxxu wsary; emmars war zriy Abbi yttu, inni yggurn nican, niy
yija tarwa n-sen ssraz(t-tarn).
37 26 Nitni rebda artren s-ufus d-zyrar Abbi itcuwar ara n-sen.
37 27 Hyed i tn taeffant tged tn tasbhant; uca at zdyed tarsid (di rhudnet) irbda.
37 28 Aqqa Abbi tteizza x-as tidett netta war it-ttu ixmmasn nnes; netta rebda ihita x-asen.
Maca tarrawt ny-inni imnen taynnant akd Abbi ad nqdeen.
37 29 Inni itggwden zi Abbi tkkar asnd tmurt, adays qqimn zdyen irbda.
37 30 Wen ydfarn abrid n-Abbi, yssawar tussna uca yqqar tidett.
37 31 Awar n-Abbi nnes ikssi-t degw ur; x-uyenni netta war itffey abrid yllan nican.
37 32 Amjdam(aeffan), yggur yarzzu ad iney inni yttfen di Abbi.
37 33 Maca Abbi, war ten yssikkwid, aten sskken iccrae x-tidett.
37 34 Ttcer x-Abbi tqqimed degw brid nnes; uca acek ysmgyar ad ac yuwc tammurt, uca cek
x-atzard, mamec iya ythha imzaybyyn.
37 35 Nec tuya zriyij n-wmzaybi, netta tuya yffuhart ygga accawn imqqar, imqqar ar ami ydwer,
amacnaw ij n-tayda x-tmurt.
37 36 Maca ar ami ix-as kkiy ic-twara nnyit, war zzays yqqim walu. Nec tuya arzzuy x-as,
maca war ufry ura d-ij n-jjurret nnes.
37 37 Hda wen yggurn nican xzar yar at bu ur acmrar uca at zard: wig itxsen rhna, d-ara
nnes iya yqqimn.
37 38 Maca ayt bu ticitanyyn ad wddarn ara n-sen at kkes jjadra nnes.
37 39 Abbi it icc fus, ig inni k-is yllan. Xmini it iri rhwer, nitni trakkwaren yars.
37 40 Netta ysnjjam iten itiri k-isen. Ax-asen yssrqa zeg mzaybyyn ad asen ygg twiza, aqqa
yars i arzzun adurri.
38 01 Ij n-yzri n-Daud, hima ad ysseqer.
38 02 Abbi, cek txyqed x-afi. Maca wir dayi farrec(ccat), wir dayi arnni degw bhter!

38 03 Aqqa tsnqas(fritcat) nneç rçfent ayi, d-ufus nnes yddqqas ayi çar tmurt.

38 04 Di arrimet inu war days yqqim min işhën ura d-ij n-ixf war ynjim. Tanita ttwarrit nneç x-ddnub inu; cek tssecned ayi, mamec x-afi tarrid tafçeht!

38 05 Ddnub inu yssajja yid x-ijiman; ydçer x-afi aţas, nec war zmmarç at arbuç.

38 06 Nec tuça bbuhryeç, war d-ac uwciç welha(war-t id ayk iwyeç). X-uyenni iyzzimn inu wëëan tccated zwaysen arrihet tursuð.

38 07 Dwreç qwseç s-rhriç, arrzeç ecurç s-ifqqusn tjarriç buhber inu zi ssa çar da.

38 08 Ttaciç dayi timssi tarqq, di arrimet inu marra war days ura d-ccbar işeç.

38 09 Yffey ayi jghed wtiiç, aţas n-rhriç, yqqim dayi çar uwëëeð.

38 10 Cek tssned, min ssitmed, Abbi! Cek tsrid: marra awëëed inu!

38 11 Ur inu yddndun, marra jghed yffey ayi, ura dtittawin inu ughrent.

38 12 Imddukar d-wajjarn thyyadn ayi, tgwden zegw arybyb inu. Ura d-wi dayi yudsen it aggwaj x-afi.

38 13 Arzzun ad ayi nyen, ndyen ayi tixcbin; t-tarn ayi arzyyt, ssawarn, s-min dayi çar yaytren(ttaytur), sxarriqn x-afi ass imun.

38 14 Nec maca tggeç ix f inu d-adhcur, axmi war ttsriç walu, aqmmum inu ysseyd, axmi war zmmarç ad ssiwreç (am uzynun).

38 15 Nec am wenni, war itsrin war itic bu awar.

38 16 Maya nec x-ak ittceç, Abbi d-Mas inu; cek i x-afi çar yssiwren.

38 17 Nec war xseç, bu nitni ad farhen i arzyyet inu, hïma ax-afi sscnen taryast, xmi çar nnetarn idarn inu.

38 18 Nec aqqa yi x-rharf ad wdiiç; rhriç inu yugi ax-afi yejj;

38 19 Nec ad iniiç min yllan: Nec ggiç ddnub. Nec war hniç walu zi ddnub inu.

38 20 Ama inni war dayi itxsen jghden; aţas ydsen, carhn ayi x-walu.

38 21 Rxir tarrant d-ryir, mnnëen ak idi taynnant umi arzzuç x-min işbhen.

38 22 Ay Abbi, wir dayi tjja s-rhfa(wir dayi smmeh), wir x-afi taggwaj, Abbi inu!

38 23 Asedd, uwc ayi fus dawhda, Mas cek d-afekki inu!

39 1 Zi Yedutun. Ij n izri n Daud.

39 2 Nniç: Nec ad kkariç ad hdiç ibridn inu,/ maheñd war tggeç ddnub s irs inu. Ad ggeç i wqmmum inu afraj(tacmant),/ min çar ikk ueffan ibedd zzati.

39 3 Ammu qqimeç sydeç sqariç;/ nec bkmeç, iffeç ayi ttisir;/ maca rhriç inu tuça iarni.

39 4 Ihhma idwer wur inu dg idmarn,/ çar uxrres inu tkkar ict tmssi,/ uca kkariç harrdeç:

39 5 Arbbi sscen ayi qttu inu ed qdda n wussan inu!/ Ejj ayi ad eqreç, mamec nec dyaç edduç!

39 6 Cek tggid ussan inu çar d ij n uqartit waha,/ tudart inu zzat cek axmi d walu./ d ij n usuði waha qaë awd. Sela -

39 7 Çar d ict tiri itrah itasedd awd,/ x walu itegg netta ddriz./ Netta ijarru uca war issin, man wen i-t çar icsin.

39 8 I rxxu, Arbbi, min çar i çar qqreç?/ X afk waha i çar ttceç.

39 9 Kkes ayi i marra, inni dayi itggen rëib,/ ed war id ayi bu tjja i tsdhac n ibuhariyn!

39 10 Nec ssydeç, war arzzmeç ead aqmmum./ Maçar d cek i iggin aya.

39 11 Csi jjarh nneç x afi!/ S ticti n ufus nneç qdiç.

39 12 Cek tccated tsggaded aryaz x ufaryeð nnes,/ cek thddmed udm nnes am ifarttutn aruð,/ d ij n usuði waha qaë awd. Sela -

39 13 Ser tutra inu, Arbbi, shëss auyuyi inu,/ war tbkim çar imttawn inu! Maçar nec aqqa ayi çar d anwji waha çark,/ ij n rbarrani am marra rjdud inu.

39 14 Shyyed x afi titt nneç iccaten,/ maheñd ad wariç di rxaðar inu,/ awrud adin ndheç uca war da ttiriç ead.

40 1

40 2 Nec qqreç, wah qqreç çar Arbbi./ Uca iarredd çari s uzdjif işhëss çar uyuyi inu.

40 3 Netta ijbed ayid zi tsraft n waryyb,/ zg wbdjaë ed ubaryuð. Netta issars idarn inu x tsdart,/ issmten isuraf inu.

40 4 Netta igga ayi ij n izri d amaynu dg wqmmum,/ ij n izri n wseizzi x afs, Arbbi nneç. Aţas a-t zarn, ad ggwden/ ad ggen nnyet di Arbbi. -

40 5 Sseed n waryaz, itggen raman nnes di Arbbi,/ war ithimi ait nfaxet / ura ed iyddarn ait bu ixarriqn.

40 6 Abarru rburhan, nni tuça tggid,/ ed ibridn nneç ak inceç;/ Arbbi, Arbbi inu, war din wi

idjan am cek. Xsey a ten barrhej azzaisen ssiwrey,/ d aṭṭas, ḥima a ten ifarz ij.-

40 7 Di tyaršt- ed sdaqi war tent ttxsed,/ ascmed- ed tyaršt n ddnub war daisent bu tarzud. Maca cek tggid ayi imzzuyn;/

40 8 x uyenni nniy: Wah, nec usiyd. Di Tira n wadlis-a iḥnunnḍen, iura min idjan x afi.

40 9 Tingga n min ttxsed, Arbbi inu, tsfarraḥ ayi,/ asxxar nnec arbuy-t dg wur.

40 10 Nnican a-t barrhej di tmzyida tamqqrant,/ ijnfin inu war ten bu tqqney; Arbbi, cek tssned-t.

40 11 Nnican nnec war-t txmmrey dg wur,/ nec ad ssiwrey x raman nnec ed twiza nnec. Nec war tqqney tiṭṭawin x zzad(rxir) nnec ed tidett/ jar tmzyida tamqqrant. -

40 12 Cek, Arbbi, war x afi bu sbdda rmarwet nnec,/ zzad nnec ed tidett ad ayi ḥḍan rbda! -

40 13 Maṣar tamra nnhra rebar tquwar ayid,/ ddnub inu imnee ayid,/ nec dwrey war twiriṣ ead. D aṭṭas x ucuwaf idjan x uzdjif inu,! taryazt tffey ayi marra.

40 14 Iri d aḥnin, Arbbi, jbed ayid barra;/ Arbbi, aḥnaci fekk ayi! -

40 15 Di rḥcumiyet ed rfdiḥet ad wdan marra,/ inni iṭḥaman tudart inu. Ad eqben ad zwyen s ubarreḡ,/ inni ifarrḥen x arziyet inu.

40 16 X rfdiḥet ad tbehten marra,/ inni id ayi iqqarn: "Cek ammu id ac -d iffeṣ".

40 17 Marra, inni cek iarzzun, ad irin x rxaḍar n sen;/ ad farḥen daik. Inni itxsen asnjem nnec, rbda ad qqarn:/ Amqqrant d Arbbi, Arbbi. -

40 18 Nec d amzruḍ udary;/ Arbbi maca ibedd ak idi. Twiza inu ed usnjam inu d cek./ Arbbi inu, war bu tettara!

41 01 -

41 02 Aḥyyana(sseḍ) i wen, irhan ak wen iarxun;/ dg wussan n rḥsart a-t isllek Arbbi.

41 03 Netta a-t iḥḍa Arbbi/ a-t ijj ad iddar. Ad itwasfarḥ di tmurt./ War-t itegg dg ifassn n isnga nnes!

41 04 Di tassut n wshussi Arbbi a-t issmḥeḍ;/ dda nnes ttarrid-t d tadusi.

41 05 Nec nniy: Arbbi, ḥinn x afi,/ sgnfa ayi; maṣar nec ggiy ak idk ddnub.

41 06 Isnga inu qqarn x afi min idjan d aeffan:/ "Mrmi iṣa iṣri mrmi ṣa ikkes ism nnes?"

41 07 Issijjedd x afi ij,/ tasend wawaren nnes zg wur ayccac. Netta ismuna dais taëffant,/ xenni itffey ṣar barra uca issawar.

41 08 Dg tacruhi dg warndad inu nitni munen;/ ssawaren dayi tqqren ṣar ugarrem:

41 09 "Akḥḥeḍ isyeyḥ x afs;/ wen da iwdan, wai itkkar ead."

41 10 Ura ed amdduker inu, wenni di ggiy raman,/wen iccin aṣrum inu, ifyyec kuntra inu. -

41 11 Cek maca, Arbbi, ḥinn dayi;/ sbedd ayi, maḥend azzaisen xrfey.

41 12 Adais eqrey, aqqa nec usiyd i cek x rxaḍar;/ mara asngu inu war izmmar ad ayi iarna.

41 13 Maṣar nec d amzdag, tmneḍ ayi/ tggid ayi zzat-k i rbda. -

41 14 D amimun Arbbi, Arbbi n Israel,/ zi rbda ar rbda. Amen, wah amen.

42 01

42 02 Am iyyd n wzyar itqqr ṣar waman ismmaḍen,/ ammu i itqqr buḥber inu, Arbii, ṣark.

42 03 Buḥber inu iffud Arbbi,/ Arbbi iddarn. Mrmi zmmarṣ ad aseṣ/ ad zaṣ udm n Arbbi?

42 04 Imṭṭawn tuṣa yen d aṣrum inu ṣar wass ed tmddit;/ maṣar qqarn ayi ass imun: /"Mani idja Arbbi nnec rxxu"?

42 05 Ur ithicciq, xmi txmmameṣ: / Mamec tuṣa ggury dg whimur n rfarḥ ṣar taddart n Arbbi,/ s wsrewruw ed uqadi n ṣaci dg wydud. -

42 06 Buḥber inu, maimmi tqnḍeḍ/, ed maimmi thwred ammu dayi? Eqqr ṣar Arbbi; maṣar nec a-t qadeṣ ead./ Arbbi inu ed usnjam, i ṣar xzzarṣ. -

42 07 Buḥber inu iqneḍ dayi, x uyenni tidarṣ cek/ di tmurt n Yurdan, ṣar Hermun, ṣar wdrar n Mizar.

42 08 Assfay n waman itraṣa i wnneṣni ṣar zzhir n waman nnec,/ marra tieurar n waman ed rḥmrat kkint x afi.

42 09 S wass iarzzef ayi Arbbi tisir nnes;/ tggeṣ as llyā(djwaru) ṣar tmddit tettarṣ ṣar Arbbi n tudart inu.

42 10 Nec ad iniṣ i Arbbi, jjarf inu: /"Maimmi id ayi tettud? Maimmi tunnuḍeṣ ḍḍeṣ,/ zg wsnga inu twaḥsarṣ?"

42 11 Am ict tajjut dg ixsan inu/ i nec asbhter n ait ddḥas(rḥsran); maṣar nitni traṣan ayid rbda:/ "Mani idja Arbbi nnec rxxu?" -

42 12 Buḥber inu, maimmi tqnḍeḍ/ maimmi thwred dayi? Eqqr ṣar Arbbi; maṣar nec a-t qadeṣ ead./ Arbbi inu ed usnjam, i ṣar xzzarṣ(skkwḍeṣ).

- 43 01 Ay ayi tasyart, o Arbbi,/ ed tndhed suntu inu dg warndad n ij wyraf ayccac!/ Fekk ayi zg iwdan ieffanen ed iwdan iyddarn!
- 43 02 Mayar cek d Arbbi inu ijhden./ Maimmi id ayi tndard? Maimmi tunnuđeđ cđneđ,/ zg wsngu inu twahsary?
- 43 03 Sekked tfawt ed tidett nnec,/ mađend ad ayi gwwdent; ad ayi ndhent ɣar wdrar nnec amrabeđ/ ed ɣar tzddiyt nnec.
- 43 04 Ammu xsey ad adfeđ ɣar Altar(missa, rmsid, rmħreb) n Arbbi, ɣar Arbbi n rfrahett inu./ Acek seizzeđ di harba(rgambri),/ Arbbi, Arbbi inu. -
- 43 05 Buħber inu, maimmi tqndeđ/ ed maimmi thwred ammu dayi? Eqqer ɣar Arbbi; mayar nec a-t qadeđ ead,/ Arbbi inu ed usnjam, i ɣar skkwđeđ.
- 44 01
- 44 02 Arbbi, neccin nsra-t s imzzuyn nneđ,/ ibabatn nneđ ħajan aneđ x timgga, tuđa tggid dg wussan n sen,/ dg wussan n waħar uya.
- 44 03 S ufus nnec tardjed ayravn,/ nitni maca tzzuđ ten. Cek tarziđ rgnus,/ nitni maca tzareed ten.
- 44 04 Mayar nitni war id iwien tammurt s wuzzar acmrar n sen,/ war id asen tweid ayir i tarnawt(ayrab); urid ammu, d afusi nnec, ayir nnec ed t̄t̄ya(tfawt) n uymbub nnec,/ mayar tuđa usind i cek x rxadar. -
- 44 05 Cek, ajdjid inu ed Arbbi inu,/ d cek, i issarnan Yeđub.
- 44 06 Zzaik nearn isnga nneđ,/ dg ism nnec nrbez inmgaln nneđ.
- 44 07 Mayar nec war teiređ x rqs inu,/ war id ayi itfkki wuzzar acmrar inu;
- 44 08 Urid ammu, cek tsllked aneđ zg isnga nneđ;/ marra, inni id aneđ iaiffen, tdrid ten s rfdiħet.
- 44 09 Neccin ntfyeeđ zi Arbbi ass imun/ nsmɣara ism nnec i rbda. Sela
- 44 10 Maca rxxu tndard aneđ tdrid aneđ s tikkest n tqcirt,/ cek war tffyeđ ak rskar nneđ ɣar umnyi.
- 44 11 Cek tjjid aneđ ntrakkwar zzat i isnga nneđ/ ed iwdan, id aneđ ieiffen, gccden aneđ.
- 44 12 Cek tweid aneđ am rmar n t̄aršt,/ tzzuzzard aneđ jar rgnus.
- 44 13 Cek tznuzid rgens nnec s arrxa/ war ɣark dg wznzi bu rfd̄er.
- 44 14 Cek ttgged aneđ d abhter i wajjarn, /d tisđħac ed ubhter ɣar marra, imzday id aneđd iquwarn.
- 44 15 Cek ttgged aneđ d izri n ubhter n rgnus,/ rgnus nneđni war id aneđ sscinen ɣar asbhter.
- 44 16 Rħcumiyt inu aqget ass imun ɣar tiđt̄awin/ ed rħya idra aymbub inu
- 44 17 zg wawaren n umakkwar ihkkwren,/ zi tmuyri n arrziyet n usngu. -
- 44 18 Aya marra ikka x afneđ/ uca maca war cek nttu,/ war nffiy bu wbrid x rqrin nnec.
- 44 19 Ur nneđ war x afk iħyyed,/ asurif nneđ war ismiħ dg wbrid nnec.
- 44 20 Maca cek tndard aneđ mani djan wuccanen n tnzruft/ neccin tdrid aneđ s tadjest.
- 44 21 Mri tuđa nttu ism n Arbbi nneđ/ uca nesi ifassn ɣar ujenna ɣar ij n Arbbi n middn,
- 44 22 iri Arbbi war-t itssen?/ Mayar netta iargeb x min innuffarn dg wur.
- 44 23 Urid ammu, di t̄t̄weeđ nnec nqqen aneđ ass x wass,/ tggen aneđ am txswin,/ nni gḡin i t̄aršt. -
- 44 24 Faq! Maimmi tet̄tsed, Arbbi?/ Faq, war taggwaj i rbda!
- 44 25 Maimmi tffard aymbub nnec,/ ttettud ryben ed rħsr̄an nneđ?
- 44 26 Buħber nneđ iudar ɣar tejjact, arrimet nneđ twđa ɣar tmurt.
- 44 27 Ekkar bedd ed twced aneđ fus!/ Di fabur nnec arxu aneđ!
- 45 01 -
- 45 02 Ur inu issfy zg warqqas asbħan,/ ad awieđ izri inu i wjdjid./ Irs inu igga am bluma n bu tira ifsusen.
- 45 03 Cek tenid x marra iwdan,/ ddrafat tzdjeed x iyncien nnec;/ x uyenni Arbbi iggi cek d amimun i rbda. -
- 45 04 Byes, cek ay aryaz, uzzar acmrar nnec x t̄einna,/ iarđ dg wcuwar ed teuni!
- 45 05 Effey s zzh̄ar, mmneđ i tidett ed nnican!/ Timgga ssaggwadent/ ad ac issrmed uyir nnec afusi.
- 45 06 Fritcađ nnec qđeent, ad ac wđan rgnus ɣar idarn,/ isnga n ujdjid tffey i ten taryast. -
- 45 07 Rkursi nnec, cek Arbbi, ibedd i rbda ed rbda/ aekkaz n usxxar nnec d ij n uekkaz n nnican.
- 45 08 Cek ttxsed nnican ed tearrħeđ ryeecc,/ x uyenni Arbbi, Arbbi nnec, infer i cek s uzatim

n rfraħett/ am ura ed ijjen zg iæcirm nneç.

45 09 Zi myrra, alæc ed ræamar itfuweħ marra aruħ nneç,/ zg isqifn n marfil(tiymas n ilw) tsfarraħ i cek tirart n rgambri

45 10 Yssis n ujdjid tmsagarnt ak idk,/ tassrit tbedd ac iffus/ di rmfater n wury iqqurn. -

45 11 Ser, ay ydji, xzard awru sadar amzzuγ nnem,/ ettu ayraf nnem ed taddart n babam!

45 12 Ajdjid iarzzu azzri nnem;/ netta wah d mas nnem, adar zzats!

45 13 Yssis n Tiru usint-id s tarzfin,/ rxaħar nneç tettarn-t ait bab n wagra n rgens.

45 14 Ydjis n ujdjid tncnuc s rmfater,/ aruħ nnes iarqem s wury ed tidmamin.

45 15 A-t ssiwħden dg waruħ izuweq ħar ujdjid,/tiezaryin a-t ħaffarnt,/ timddukar nnes a tent id awien ħark.

45 16 A-tent awien s tumrt-ed wsrewru, ad adfent dg ibrgmmi(taddart n ujdjid) n ujdjid. -

45 17 Awarn i rjdud nneç ad asen iħnjirn nneç;/ a ten tgged d rbacat di marra tammurt.

45 18 Nec xsey ad cnnæγ ism nneç zi kinta ħar kinta ;/ x uyenni acek ssmγaran rgnus rbda i rbda.

46 01 -

46 02 Arbbi d adurri ed tadusi(taγγrut) nneç,/ d twiza n rbda di marra rħsari.

46 03 X uyenni war ntggwed, mara ura tammurt tnhezz,/ mara idurar wħan di tisi n ill, Staddait n ujdjid;

46 04 mara rħmrat n waman nnes hwrent tggent kuffu/ ed zi jħhed n sen idurar tarjijin. Arbbi n ubarru n ræskar aqget ak idneç,/ Arbbi n Yeħqub d rqubbet nneç. Sela -

46 05 Aman n iyzar ssesmaħden iyrm(abilaj) n Arbbi,/ tazddiyt tamrabeħt qæ.

46 06 Arbbi aqget dg wammas nnes, x uyenni emmars ad inhezz;/ Arbbi itice as fus, xmi id itarzza utffu.

46 07 Rgnus tmuzzarn, tiglditin tnħzzant,/ idduqgez wajjaj nnes, din tfsi tmurt.

46 08 Arbbi n ubarru n ræskar aqget ak idneç,/ Arbbi n Yeħqub d rqubbet nneç. Sela -

46 09 Asttiwd xzart timgga n Arbbi,/ i iggin rburhan x tmurt.

46 10 Netta isbħda imnγan/ ħas ar badu n tmurt; netta itarzza rqwas/ iqtu lanzaħ,/ di tmssi issemaħ eskuduħ(min zi srqqan).

46 11 "Aħtat ed ssnet, aqqa nec d Arbbi,/ ad iriy tiwa i rgnus, tiwa tammurt."

46 12 Arbbi n ubarru n ræskar aqget ak idneç,/ Arbbi n Yeħqub d rqubbet(adurri) nneç. Sela

47 01 -

47 02 Kenniw rgnus marra, wtet dg ifassn;/ syuyyet s jħhed i Arbbi s tumrt!

47 03 Maγar Arbbi issagħwad, netta d amqqrان qæ,/ ij n ujdjid d amqqrان x marra tammurt.

47 04 Netta issadara aneç ayrafn(agdud) iħssar rgnus sadu iħarn nneç.

47 05 Netta ifarrez, tasyart nneç n tmurt i neccin,/ tenni zi itfyec Yeħqub, wenni itxs. Sela -

47 06 Arbbi iuri snnej qæ s iyuyyan n tumrt,/ Arbbi ħar zħhir n waccawn(trumbeta, rγayta).-

47 07 Init izran i Arbbi nneç, wah init as izran!/ Irart i wjdjid nneç, irart as!

47 08 Maγar Arbbi d ajdjid n marra tammurt./ Irart as ij n izri n zzabur!

47 09 Arbbi idwer d ajdjid x marra rgnus,/ Arbbi iqqim x rkursi nnes amrabeħ.

47 10 Rbacat n rgnus munen/ d rgens n Arbbi n Braħim. Maγar Arbbi jħhed n tmurt nnes;/ Netta aqget tiwa marra.

48 01 -

48 02 Arbbi d amqqrان ad itwasmyar/ dg iyrm n Arbbi nneç.

48 03 Adrar amrabeħ nnes igæed ya ssarat ħar ujenna;/ netta d tumrt(rfraħett) n marra ddunct. Adrar n Siun aqget ħar snnej qæ;/ netta d iyrm n ujdjid amqqrان.

48 04 Arbbi aqget di tudrin n sen itwassen/ d ij n udurri imten. -

48 05 Maγar xzart: Ijdjidn munen/ uca ujurn ħars ak waawya;

48 06 maca arami nitni zrin, ttbħten s unxrie,/ tuħa ten nnjerfan uca arwren.

48 07 Dinni teħteħ i ten tarjijit,/ am rħriq n ict tmγart tħaru,

48 08 am usmmiħ n manis-d tnqqar tfuct, wenni itedjxen iyarruba n Tarcic.

48 09 Mamec tuħa-t nsra, ammu ntwara-t rxxu/ dg iyrm n Arbbi n ræskar, dg iyrm n Arbbi nneç;/ Arbbi a-t ij i rbda. Sela.

48 10 Di fabur(rxir) nneç, o Arbbi, ntxarras/ di zzawect nneç tamrabeħt.

48 11 Am ism nneç, Arbbi, ammu itakħwaħ ccan nneç ħas ar tma n tmurt;/ afus nneç afusi iccur s nnican. -

48 12 Adrar n Siun aqget x rxaħar nnes,/ yssis n Yuda ad srwrwent x usgged(acarreæ) nneç.

48 13 Egget taqurart i Siun,/ nnħet as, xzart mħar ħars n iquarn!

48 14 Hkkart i rqwarat nnes,/ nnđet i bisuđ nnes,/ maħend at ħajam i kinta id ya iasen:
48 15 "Wa d Arbbi, Arbbi nneġ i rbda ed rbda./ Netta ad aneġ indeh ġar rbda."
49 01 -
49 02 Sret aya, kenniw ayrafn marra,/ ewcet as amzzuġ, marra imzday n tmurt,
49 03 kenniw iwdan zg wyraf ed zg imqqrannen,/ ait bab n wagra ed imzruđn tmunem!
49 04 Aqmmum inu issawar awaren n tmssna;/ min issitim wur inu, iccur s wneam.
49 05 Nec wciġ amzzuġ inu i ict tqssist n tmssna,/ ad earriġ min snuffarġ ġar tirart n
harba(Harfe). -
49 06 Maimmi ġa ggwdeġ dg wussan ieffanen,/ mara tunnuđ ayid arrizyet n isnga?
49 07 Nitni ttcaren x rksbet n sen/ ed tfyyecn s wagra n sen amqqrان.
49 08 Ura ed ijjen maca war izmmar ad iawed timsya i wnneġni/ niġ ax afs ixđjes tmnyat n
ddyet i Arbbi
49 09 - i tudart mamec ma igga ssum n tmsyiwt imġar,/ i rbda azzais itagġwaj -,
49 10 maħend netta ad iarni ad iddar i rbda/ uca emmars ad izar ander.
49 11 Maġar ntwara: Ait timssna itffey asen buħber;/ ammu traħen ura ed ibuhariyn ed ait
ssfahet tkken x uzđjif ġđjien,/ ad jjen igrwan n sen i innneġni.
49 12 Ander d taddart n sen i rbda,/ d tazđđiġt n sen i rbda,/ waxxa ura ed timura n sen
ggin asent ism n sen.
49 13 Awd war itġimi di ccan nnes;/ netta iarwes di rmar, nni itjafan. -
49 14 Ammu itmmsar i inni, ittcaren x ixđ n sen,/ ed wa d qttu(tanggarut) n inni, umi teġiben
wawaren imqqrannen. Sela.
49 15 Tamnawt tnddeh i ten ġar heddu am rbhaym,/ nitni traħen wttan di ceul(adu tmurt,
ddunect n imđran) Dġya hkkwan swadday dg wnder,/ awraf n sen itkicciw, ceul iddakkwar d tazđđiġt n
sen.
49 16 Maca Arbbi ad ayid iseġ sawed zi tgldit n tmnaut(timniġiwt)/ wah, netta ad ayi icsi ġars.
Sela-
49 17 War tġja acek ssiggwden, mara ijjen idwer ġars agra/ ed ucuwar n taddart nnes iarni;
49 18 maġar di tmniġiwt war ak ids bu ikssi marra aya,/ acuwar nnes war ak ids ihkkwi
swadday.
49 19 Waxxa xwansu iddar, itegg ixđ nnes d amseud/ uca iqqr i ixđ nnes:/ "Seizzan cek,
maġar cek ttgged min isbħen i ixđ nneġ",
49 20 ammu maca iġa ihwa ġar banda n rjđud nnes,/ inni war izarren ead tfawt.
49 21 Awd dg wagra, maca nnhra aneam, netta igga am rmar, itjafen.
50 01 Ij n izri n Asaf. Arbbi n Arbbiđ Arbbi issawar,/ netta itraġa i tmurt/ zi nnqran n tfuct
ġas ar tġri.
50 02 Zi Siun, ttaj n izryawn,/ inqqard Arbbi itissiq.
50 03 Arbbi nneġ ad ias war issyid;/ timssi tġgur zzats ttett; tiħaryađin nnđent as.
50 04 I ijnwan snnej ed tmurt itraġa asen,/ ad isgged ayraf nnes:
50 05 "Smunet ayid marra ait bu nnyet inu,/ inni ak idi iggin rqarin ġar tġaršt.""
50 06 Ijnwan ad ssufyen nnican nnes;/ Arbbi s timant nnes ad iiri d acarrae(rqadi). Sela -
50 07 "Ser, ayraf inu, ad ssiwreġ, Israel, a cek carreġy,/ nec, wen idjan d Arbbi nneġ.
50 08 War dġi x tayaršt nneġ i cek tzawarġ,/ tayaršt n usmeđ nneġ rbda aqqa tent zzati.
50 09 Maca nec war kssiġ bu iejmiyn nneġ/ ura ed imuyan(iġaydn) zi tiqwirin nneġ.
50 10 Maġar marra rmar n tagant inu,/ rwħuc n rxra x idurar s ifđn.
50 11 Nec ssneġ marra ijđad n ujenna,/ min itmxtwayen dg iġjar, inu.
50 12 Mri tuġa dayi raz, iri war id ac-t qqarġ i cek,/ maġar inu ddunect ed min tet iccurn.
50 13 Ma ad cceġ xenni aysum n iejmiyn/ ed asweġ idammn n imuyan?
50 14 Awid i Arbbi aseizzi d tayaršt/ sqfer i wmqqran qaē reaħed nneġ!
50 15 Raġa ayid dg wass n rħsart;/ xenni acek ssnjmeġ uca ad ayi tgged ccan." -
50 16 Għar ueffan maca issiwer Arbbi: "Min cek iħazen tfarrzed irqqas inu tkssid rqarin inu
dg wqmmum nneġ?
50 17 Aryeđ war-t ttwirid,/ awaren inu tnttarđ ten awarn ac.
50 18 Tzriđ ij n uxuwan, ammu tġgurd ak ids,/ cek tsurid ak inni itarzzan rmar.
50 19 Aqmmum nneġ itharred awaren ieffanen/ ed irs nneġ isskkara arziyet.
50 20 Umac tssfdahedđ zzals,/ mmis n ymmac tsmunid x afs reib.
50 21 Aya tggid-t ed nec ad ssydeġ? Tġir ac, nec am cek?/ Nec ad ac-t ggeġ ztat i tiđtawin
ed acek zawarġ.

50 22 Ssnem-t, kenniw, i ittun Arbbi!/ Niγ akenniw mzzqey uca urn ed ij war izmmar akenniw ifekk.

50 23 Wen id γa iawien tayaršt n uqadi, itegg ayi ccan;/ wen iggurn nican, ad as sscney asnjem inu.'

51 01 Ij n izri n Daud,

51 02 arami id γars iusa brofeta Natan, awarn i umi tuya Daud iwda ak Batseba.

51 03 Arbbi, ħinn x afi x uħinni nnec,/ farđ reib inu x rmarwet nnec tamqqrant!

51 04 Sird afaryeđ inu zzayi/ ed tarred ayi qqury zi ddub inu!

51 05 Maγar nec sscney timgga tieffanin inu,/ ddub inu rbda ibedd ayi γar tiđtawin.

51 06 Ak idk waha i ggiγ ddub,/ nec ggiγ, min war-d ak idk itasen. Ammu ccrae tggid d wenni,/ cek d rqađi nican.

51 07 Maγar nec twarweγd di ddub;/ di ddub tcsi ayi ymma. -

51 08 Tidett i xmmren ttasedd i cek x rxađar,/ di tinuffra tsscaned ayi timssna.

51 09 Csi x afi ddub s Ysub, xenni ad dwrey qqury;/ sird ayi, xenni ad dwrey d acmrar x teritfa.

51 10 Sjiwen ayi s ræzz ed tumrt(rfraħett)!/ Ad srwrwen ixsan, inni tuya tedjxed.

51 11 Snuffar aγmbub nnec zzat i ddub inu,/ farđ marra reib inu!

51 12 Egg ayi, Arbbi, ij n wur iqqu(izdig,issfa)/ ed twced ayi ij n remar amaynu, iarsa!

51 13 War id ayi ssaggwaj zg wγmbub nnec/ war zzayi tkkes remar amrabeđ nnec!

51 14 Arr ayi eawed x rxađar inu s usnjem nnec/ ħzzem ayi s ij n remar n tiyt! -

51 15 Xenni ad ssyary i inni id ac iħyyden ibridn nnec/ ed ait ddub ad eqben γark.

51 16 Csi x afi amarwas n idammn, Arbbi, cek Arbbi n usnjem inu,/ xenni irs inu ad isrwru x nnican nnec.

51 17 Arbbi, arzem ayi ijnfiġn/ aqmmum inu ad ibarreħ ccan nnec.

51 18 Tayaršt n rmar war-t txsed, nec iri wciγ ac-t;/ ascemeđ war id ac-d itis x rxađar.

51 19 Tayaršt, i itxs Arbbi, d ij n remar iarrez(iceef)/ ij n wur iarrez iddez, cek, Arbbi, war-t tsseqariđ.-

51 20 Di twiza nnec egg min isbħen di Siun;/ sbedd rħyud n Urcalim twara nneynit!

51 21 Xenni aγark tiri tumrt di tγaršt n nnican,/ di tγaršt n usemeđ ed qae tayaršt(ssdaqi),/ xenni ad twayaršen ieħmiyn x missa(altar, rmlħreb) nnec.

52 01 Ij n izri n tmssna n Daud,

52 02 arami id iusa Dueg edumita γar Saul iqqu: Daud iusedd γar taddart n Ahimelek.

52 03 Min xf tfyyced zi teffant nnec, cek atarras amzaybi,/ zzad n Arbbi itekk ass imun?

52 04 Cek bu tinħisyin, cek txarsed ajiyeh;/ irs nnec igga am uxdmi iqđeen.

52 05 Cek ttxsed ten taeffant aħtas x ten tasbħant/ ed ixarriqn aħtas x rhard n tidett. Sela

52 06 Cek ttxsed awaren n ttarytur,/ cek irs acmmat. -

52 07 X uyenni Arbbi acek ijiyeh i rbda,/ acek iħtef acek izzarieđ zi txzant nnec,/ acek iqree zg izwran zi tmurt n inni iddarn. Sela.

52 08 Inni iggurn nican a-t zarn uca ad ggwden;/ a ten trqef tađsa x afs ad inin:

52 09 "Xzart, d wa d aryaz,/ wenni war iarzun adurri nnes γar Arbbi; x wagra nnes amqqrant tuya ittcer / x timgga tieffanin nnes isbedd(ibna)." -

52 10 Nec maca aqqa ayi di taddart n Arbbi am ict tzmurt tazyzawt;/ x zzad(ræwetc,rxir) n Arbbi ttrey nec di marra ussan ed rbda.

52 11 Nec tqadiγ cek, Arbbi, di rbda;/ maγar cek marra tssqfred-t. Nec tqrey x ism nnec di tqwirt n ait nnyet;/ maγar cek d asbħan.

53 01 -

53 02 Ibhariyn qqarn dg wurawn n sen: "War idji bu Arbbi." Nitni nnxarmen ffucħen;/ war din ura ed iħjen, itegg min isbħen. -

53 03 Arbbi issijjedd zg wjenna x iwdan,/ ma idja din ead ij n umiγis, iarzzu x Arbbi.

53 04 Marra dwren γar dffar jyyħen,/ ura ed iħjen war itegg min isbħen, ij waha walu. -

53 05 War twirin xenni ieffanen?/ Nitni řarđen ayraf(ajraf,rgens) inu. Nitni tetten aγrum n Arbbi,/ maca ism nnes war-t triyin.

53 06 Nitni trqef i-ten tiggwda ed inxrien,/ waxxa war din min issaggwden. Isnga nnec iarz asen Arbbi ixsan./ Arbbi iħji-ten ad aryben, maγar netta indar i ten. -

53 07 Oh ad tas twiza zi Siun i Israel! Xmi γa iqreb Arbbi ict twara min iurin x wyraf nnes,/ xenni isrwru Yeħun, xenni ifarħ Israel.

54 01 Izran n Daud n tmssna,

54 02 arami id usin isifitiyn nnan as i Saul: Daud isnuffar ixf nnes γarney.
54 03 Fekk ayi, Arbbi, dg ism nnecc./ ay ayi taşγart inu s jħhed nnecc!
54 04 Arbbi, şħess i wħccem inu./ ser awaren n uqmmum inu! -
54 05 Maγar iwdan rbarrani kkarnd ak idi./ ryaci iffucceħ arzzun ad ayi nyen;/ nitni war ggin
bu Arbbi zzat i tiħħawin n sen. Sela.
54 06 Maca Arbbi d ameawn inu./ Arbbi iħtta x tudart inu.
54 07 X isnga inu arr ten taeffant./ Maγar cek daik raman, kħħeħ i ten!
54 08 S rxaħar ad ac-d awieγ xenni taγaršt inu/ nec ad seizzeγ ism nnecc, Arbbi; maγar cek d
asbħan.
54 09 Arbbi ijbed ayid zi marra ryben(rħsart) inu/ ed tiħħ inu at xzar dg isnga inu wħan.
55 01 -
55 02 Ser, o Arbbi, tutra inu;/ war bu tnuffar zzat i iyuyyan inu!
55 03 Ĥħa ayi ed tsred ayi!/ Hwreγ tawieγ tarrıy tbarrıy. -
55 04 Tyuyyit n isnga tssarjif ayi;/ dayi tiggwda, maγar ieħħanen(iqudriyn) ĥsarn ayi. Nitni nnten
ayi s arrziyat/ tmnyan ak idi s wur d abarcen.
55 05 Inhezz ayi wur dg idman;/ wħand x afi inxrien n tmnyıwt(tamnawt).
55 06 Tiggwda(rεurret) ed tarjijit ħħfent ayi;/ nec tqdiddiseγ s tfqeħt. -
55 07 Uca nniγ: "Mri γari maca afriwn am ict tdbirt./ xenni iri ħwiγ uca ad zyinfıy."
55 08 Ĥar raggwaj qaε ad ħweγγ/ tamddit at sseduγ di tnzruft. Sela.
55 09 Ghar ij n rmargeħ(adγar) iddurri ad qdjceγ(hnaciγ)/ zg wsmmiħ, zi ccdjiħ. -
55 10 Ebħa ten, Arbbi, smxarweħ awar(tutlayt) n sen!/ Maγar dg iyrm(abilaj) twariy ticti(andşar)
ed umnyı.
55 11 X rħyuħ nnes tunnuħen as ass ed tmddit;/ nettat tccur s arrziyat ed tamra.
55 12 Nettat dais aryeb;/ ccmtet ed useqar war thyyiden zg izuraj nnes.-
55 13 Maγar war dji asngu inu itħea x afi,/ aya at esıy; war dji ij n waryaz, wenni id ayi
ieiffen, iffeγd ak idi iffucceħ;/ zzais zmmarγ ad nnuffarγ.
55 14 Urid ammu, d cek, ij n awd zi manis nec,/ amdduker inu, wenni di tggeγ raman,
55 15 ak wenni, tuγa mdukkureγ mliħ;/ ntmun nggur γar taddart n Arbbi jar ryaci. -
55 16 Tamnawt aten tacar,/ ad hwan am ddarn di tgldit n tmnawt./ Maγar tudrin n sen ed
wurawn ccurn s ten taeffant.
55 17 Nec maca, ad rayıy Arbbi./ Arbbi ad ayi iwc fus.
55 18 Ĥar tmddit, γar wtfu, γar wzir zhary twεeħeγ;/ netta itsra actı inu.
55 19 Netta ad ayi iarxu, ad iħħa tudart inu/ zg inni, itmnyan ak idi,/ ura mara nitni dg
waħħas, rhand ak idi.
55 20 Arbbi itsra ayi a ten iyħer γar tmurt;/ netta, wenni iqqimen x rkursi d ajdjıd zi rħda.
Sela. Maγar nitni war-d ddikkwıren γar wbrıd/ war tggwden bu Arbbi. -
55 21 Asngu inttar fus dg imddukar n Arbbi,/ netta itarzza rħarin n Arbbi,
55 22 Arħben am trussi rhud nnes./ maca dg wur nnes iturja amnyı; awaren nnes d irqqayen x
uzatim/ maca am wuzzar acmrar itwakkesd.
55 23 Cek maca, Arbbi, a ten tndarħ di tndetc iudjyen qaε./ Ait bu arrqabi ed iyddarn war
ttiwħen azyen n tudart n sen./ Nec maca ggiγ daik nnyet inu.
55 24 Ndar amnus nnecc x Arbbi, netta acek isbedd!/ Netta war itjji emmars inni iggurn nıcan
ad wħan.
56 01 -
56 02 Ĥınn x afi, Arbbi, maγar iwdan tazzren awarn ayi;/ isnga inu ĥsarn ayi ass x wass.
56 03 Dg wussan marra tazzren x afi inmgaln(isnga) inu;/ wah, aħħas idsen, inni tmnyan kuntra
inu s rεezz. -
56 04 Dg wass, i di γa ggwdeγ,/ ad ggeγ atcri inu x afk.
56 05 Nec ad seizzeγ awar n Arbbi./ Ad ttereγ x Arbbi war ttggwdeγ./ Min zmmarn ad ayi
ggen iwdan? -
56 06 Nitni qdjben awaren inu ass imun; x arziyet inu iggur rbar n sen imun.
56 07 Nitni thaman arzzun s tnuffra ħħħan isuraf inu mliħ;/ maγar nitni arzzun ad ayi nyen.
56 08 Nitni tuγa ggin ryεcc; war din bu tarwra i nitni./ Dg wxycq nnecc, oh Arbbi, ndar rgnus
γar tmurt! -
56 09 Ryben inu aqget iarccem(iħnnec) γark./ Jarw imħħawn inu dg ij n wqdiħ;/ arcem i ten dg
wadlis nnecc!
56 10 Xenni ad dwren isnga γar dħħar dg wass, umi γa rayıy./ Nec ssneγ: Arbbi aqget ak idi.

- 56 11 Nec ad seizzeġ Arbbi x wawar nnes,/ nec ad seizzeġ awar n Arbbi.
- 56 12 Nec ttcreġ x Arbbi war ttggwdeġ./ Min zmmarn iwdan ad ayi ggen? -
- 56 13 Nec tettursed ayi asqfer n reahed inu, oh Arbbi;/ nec xsey ad ac wceġ tayarst n uqadi.
- 56 14 Maġar cek tkksedd tudart inu i tmnawt,/ iġarn inu tħđid ten zi wttu, Ammu ad ujury abrid inu zzat i Arbbi/ di tfawt n inni iddarn.
- 57 1 -
- 57 2 Ħinn x afi, uh Arbbi, ħinn x afi;/ maġar nec arwreġd ġark. Di tiri n wafriwn nnec ad afey adurri,/ ġas ar-d tēdu arziyet.
- 57 3 Nec ad raġiġ ġar Arbbi, amqqran qaē,/ ġar Arbbi, wenni ak idi ibdden.
- 57 4 Netta ad ayid issekk twiza zg wjenna;/ isnga inu tkkwarn ayi. Sela./ Arbbi ad issekk zzad nnes ed raman. -
- 57 5 Nec tus-ayid zzreġ jar ayyradn,/ inni iwħħcen iwdan. Tiġmas n sen d lanzat ed fritcat,/ ij n wuzzar acmrar iqdeē irs n sen.
- 57 6 Sġeēed ix f n nec tiwa iġnwan, uh Arbbi!/ Ssarāt n nec ad tffeġ x tmurt marra. -
- 57 7 Nitni gġin traccia i isuraf inu/ ed buħber inu ssfaryen-t. Nitni ġzin ayi aħfur;/ maca wđan dais s timant n sen.(Sela)
- 57 8 Ur inu iarsa, uh Arbbi, ur inu aqget iarsa,/ nec xsey ad ac cđħeġ (iniġ izran) ad ac irary.
- 57 9 Faq, buħber inu!/ Faq, harba ed tirart n ifiran!/ Nec xsey ad sskkary nnqran n tfuct (atffu n rħar).
- 57 10 Nec xsey acek seizzeġ jar ayravn,/ ad ac iniġ izran n uqadi jar rġnus.
- 57 11 Maġar zzad (rxir, rēwetc) n nec tqidd, anect n ujenna,/ tidett (raman) n nec, anect n isynutn gġurn.
- 57 12 Sġeēed ix f n nec tiwa iġnwan, uh Arbbi;/ ssarāt n nec ad tffeġ x tmurt marra.
1:1Sam22,1;24,4/2:17,7f/5:17,12;55,22;59,8/7:140,6;7,16/8-12//108,2-6/8:7,18/9;Ijub38,12/10:7,18;108,4/11:36,6
- 58 1 -
- 58 2 Tssawarem kenniw nican tidett, kenniw imqqranen?/ Tcarreem kenniw iwdan nican?
- 58 3 Urid ammu, kenniw tfturuyem di tmurt nēmada,/ ur n wem iccur s ten taēffant;/ ifassn n wem ēddren i ryecc abrid. -
- 58 4 Zg wēddis n ymmatsen iēffanen war daisen bu raman,/ zg wami id twurwen ffyen abrid sxarriqen.
- 58 5 Arrhaj n sen am arrhaj n trfsa,/ am arrhaj n tfiġġara (bu iġarđayn) tadhcourt, tenni iqqnen amzzuġ nnes,
- 58 6 tenni war itsrin ġar tmijja n ugzzan,/ wenni ithakan dg wawaren n uezzem. -
- 58 7 Uh Arbbi, arz asen tiġmas dg wqmmum!/ Cdjeq, ay Arbbi, aġsmir n wayyradn!
- 58 8 Ad ēdun am waman isyyħen,/ am arbie itazeġ x wbrid,
- 58 9 am wyrar, ifsien dg wkuffu;/ am wġray tfuct war-t tzarren.
- 58 10 Awrud ad acant marmitat n wem ak tmssi tiwent n usnnan,/ ad ifarđ Arbbi isnga, ma d tazyzawt, ma tuzeġ. -
- 58 11 Mara netta izra axraf, ad iri x rxarđar nnes wenni igġurn nican;/ netta ad issird iġarn nnes dg idammn n ueffan.
- 58 12 Xenni ad inin iwdan: "Wen igġurn nican tkkar asd rmunet;/ aqqa idja ij n Arbbi, itcarrae x tmurt." 3:Mi2,1/5:140,4;Dtn32,33/7:3,8;17,12/8:Ijub11,16;Weish16,29;Bs90,5f/9:Ijub3,16/10: Ijub27,21;Nahl,10/11:52,8;68,24/12:Ijub19,29;Mal3,18
- 59 1 -
- 59 2 Ekkes ayid i isnga, Arbbi inu,/ ħđa ayi zg inni ak idi itmnyan!
- 59 3 Ekkes ayid i inni, itggen ryecc,/ Fekk ayi zg ait bu arrqabi!
- 59 4 Xzard awru: Nitni tshhan ayi,/ Imqqranen tazzren awarn ayi. Nec maca war gġiġ walu n reib ed walu n ddnub;/
- 59 5 Arbbi, nec war dayi bu reib. Nitni erfend ay-qqā bddend,/ Faq, rqa ayid, xzard awru!
- 59 6 Arbbi, cek Arbbi n rēskarat, Arbbi n Israel,/ faq, farc marra rġnus!/ Ura ed ij n ueffan war x afs tħinni! (Sela)-
- 59 7 Tamddit tamddit teaqqabend,/ tzun amacnaw iħan, tunnuđen i iġrm (abilaj).
- 59 8 Wah, nitni teffarn s ujqmim n sen./ Uzzarn icmrarn jar iġnfifn n sen, wi ġarsen ġa isren?
- 59 9 Cek maca, Arbbi, tđħħceđ x afsen;/ cek tħħced x marra rġnus.
- 59 10 A jħhed inu, nec adaik mnēeġ,/ maġar cek, Arbbi, d adurri inu.

- 59 11 Arbbi inu bu waṭṭas n rmarwet aqquet zzati;/ Arbbi itjja ayi arnniy isnga inu. -
- 59 12 War ten bu neqq;/ maḥend ayraf inu war itettu. Di jhed n nec arddej i ten;/ uwet i ten akd tmurt, Arbbi, asrqi nney!
- 59 13 X ddnub n uqmmum n sen, x qaε rhard n sen/ uyac ad nnaen di ræzz n sen;/ maṭar nitni tdean ggurn arxxun i ixarriqn.
- 59 14 Kḥḥed i ten dg wxyeq;/ kḥḥed i ten; ad nnqdæn. Ad ssen, aqqa Arbbi itaryys dg Yæqub/ ed ḡas ar tma n tmurt. (Sela) -
- 59 15 Tamddit tamddit tæqqabend;/ nitni tzun amacnaw iṭan, tunnuḍen i iyrm.
- 59 16 Tmhafan da diha, arzzun amreiq;/ mara war jjiwnen, xenni tzharn. -
- 59 17 Nec maca ad cḏḥey zi jhed n nec;/ ad srwrwey zi ræwete n nec ḡar utffu n rḡar. Maṭar cek d ij n udurri i nec;/ cek d mani ḡa arwrey dg wass n rḡsart.
- 59 18 Tizmmar inu, nec ad ac cḏḥey ad ac irary;/ maṭar cek, Arbbi, d adurri inu, Arbbi inu bu waṭṭas n rmarwet. 1:1Sam19,11/4-5:26,1/8:52,4;55,22/9:2,4;37,13;Weish4,18/10:9,10f/11:54,9/13:Sbr12,13;18,7/14:83,19/17:90,14
- 60 1 I mactru, x "Lirius asiggwed". Izran n Daud i wsrmed, 2 arami tuḡa itmṡya akd Arameut n Mesubutamia ed Arameut n Suba ed arami id iεqeb Juab uca iwta Edimiten dg iyzar n isnt, 12000 n iryazn.
- 60 3 Cek tndarḏ aney, uh Arbbi, cek tarziḏ aney./ Cek tuḡa txyqed x afney. Sbedd aney sawed!
- 60 4 Cek tssnhzzed tammurt tfdjqed -tet./ Sgnfa tazzyin nnes! Maṭar ttnhzza.
- 60 5 Cek tggid i rgens n nec aqddec iuear;/ cek twcid aney ansu binu isscara.
- 60 6 I marra, inni cek itggwden, tggid asen acnyal (bandera),/ ḡar ḡa trakkwaren zi fritcat. (Sela)
- 60 7 Egg twiza s ufusi n nec, ser aney;/ maḥend ad twasnjmen, inni ttxsed aṭṭas,
- 60 8 Arbbi issiwer di tmrabeḏt nnes:/ "Nec xsey ad arniḡ, xsey ad bḏiy Sikem/ ad ebary iyzar n Sukkut.
- 60 9 Inu Gilead, inu ura ed Manasse;/ Efraim d taqbbart x uzdjif inu;/ Yuda d ækkaz inu n waryys.
- 60 10 Maca Muab d rbanyu (ssarij, tbsi, cclal) n usird inu;/ x Edum ad ndary tisira inu;/ nec ad arniḡ tammurt n Filistea."
- 60 11 Man wen id ayi ḡa iawien ḡar ubilaj iquwarn,/ man wen id ayi ḡa iεacarn ḡar Edum? -
- 60 12 Arbbi, ma cek xenni tndarḏ aney?/ Cek war tffyed, uh Arbbi, ak ræskar nney.
- 60 13 Ewc aney maca fus dg wmnḡi akd isnga!/ Maṭar twiza n iwdan war dais bu ttisir.
- 60 14 Ak Arbbi ad nqam jhed d amqqrان;/ netta s timant nnes ad irbez isnga nney. 2:2Sam8,3.13/5:75,9;Jes51,17/7-14//108,7-14/9:Gen49,10/10:Jes11,14/12:44,10/14:44,6
- 61 1
- 61 2 Arbbi, ser awææḏ inu;/ xzar ḡar tutra (tzadjit) inu!
- 61 3 Zi ttarf n tmurt traḡiy ḡark;/ maṭar ur inu ifcer./ ndeh ayi ḡar jjarf, idjan d amqqrان aṭṭas x afi!-
- 61 4 Cek d adurri inu;/ ij n uqurar imten kuntra isnga.
- 61 5 Di txzant n nec ad iriy d anwi i rbda;/ dduriey dg wsrqi n wafriwn n nec. (Sela)
- 61 6 Maṭar cek, uh Arbbi, tsrid æahed inu/ ed twcid tasyart i inni, itggwden ism n nec. -
- 61 7 Arni as ead dg wussan i wjdjid!/ Isggwasn nnes ad mḡarn/ zi dduriyet ḡar dduriyet.
- 61 8 Netta ad iqqim di rkursi i rbda zizat i wḡmbub n Arbbi./ Rmuetiḡ ed raman ax afs ḥḏan.
- 61 9 Xenni ad cḏḥey ad irary ism n nec di marra wussan/ ed ass awarn i wass ad ssufyey æahed inu. 3:27,4f/4:71,3;Sbr18,10/5:17,7f/7:21,5;72,5/8:89,5.30.34.37/9:7,18;66,13
- 62 1
- 62 2 Ḡar Arbbi waha iarssa buḥber inu;/ zzais ttas ayid twiza.
- 62 3 Ḡar netta i idjan d jjarf inu, twiza inu, adurri inu;/ x uyenni war tnhazziḡ. -
- 62 4 Maḥar ḡa tkkem ttmqtmarm akd ijjen waha;/ marra tdarrcem x afs axmi x ij n rḥid iwṭṭa,/ am x ij n wḡbar, ihddem?
- 62 5 Wah, nitni txarsen, a-t id ḡḏren zi snnej;/ ixarriqn d aḏab (ḡana) n sen. Qqarn d amimun s uqmmum n sen;/ maca dg wur n sen xzzan. (Sela)-
- 62 6 Ḡar Arbbi waha iarssa buḥber inu;/ maṭar zzais itasedd rayas inu.
- 62 7 Netta waha i idjan d jjarf inu, twiza inu, adurri inu;/ x uyenni war bu tnhazziḡ.
- 62 8 Ḡar Arbbi idja agnfu inu, ræzz inu;/ Arbbi d jjarf inu isrqan, adurri inu. -

62 9 Egg dais nnyet, ayras (n Arbbi), rbdal/ Zdjæt ur n wen zzats!/ Maɣar Arbbi d adurri nney. (Sela) -

62 10 ɢar d ij n usuḍi waha iwdan,/ Ryaci d ixarriqn waha. X rmyzan tgeæden dg wjenna,/ fsusen x ij n usuḍi marra idsen.

62 11 War tgeget raman di tyita,/ war ttcaret bu x tukkarḍa! Mara agra eawed imqqar,/ war id as ticcet bu wur n wem!

62 12 Iet twara issiwer Arbbi,/ mzzuj tuɣa sriɣ: Jjhed ɣar Arbbi;/

62 13 Arbbi, ɣark idja zzad. Maɣar cek ttxdjased qæe ij ij,/ x tmgga nnes.
2:37,7;Jes30,15/5:28,3/6:42,6;Mi7,7/8:3,4;92,16/9:Jes26,4/10:39,6f;Jes40,15/11:Mt19,22;Lk12,15-21;1Tim6,17/12:Ijub40,5/13:28,4;31,24;91,8;94,2.23;2Sam3,39;Ijub34,11;Klg13,64;Jer50,29;Rum2,6;2Tim4,14

63 1 Ij n izri n Daud, arami tuɣa-t di tnzruft n Yuda.

63 2 Arbbi, cek Arbbi inu, nec arzzuɣ x afk,/ buḥber inu iffud cek. Daik tseicciq arrimet inu/ am tmurt iuzyen, innkrwufen nnhra aman.

63 3 X uyenni tcyæeɣ x afk di tmrabeṭṭ;/ ḥima ad zary tizmmar nneç ed ssarat nneç.

63 4 Maɣar zzad nneç iḥra x tudart; x uyenni smyɣaran cek iyncien inu.

63 5 Nec azzaik fyceɣ min ɣa kkeç ddary,/ dg ism nneç ad kssiɣ ifassn ɣar ujenna.

63 6 Am zi tadunt ed waduf ad ijjiwen buḥber inu,/ s ijnifin isrwriwen acek ismyɣar uqmmum inu.

63 7 Nec txmmameɣ daik tamddit di tassut/ twḥḥaceɣ cek, mara faqçɣ.

63 8 Wah, cek tdwred d twiza inu;/ ad irarɣ s rfraḥett sadu tiri n wafriwn nneç.

63 9 Buḥber inu iujer ɣark,/ fus nneç afusi ittef dayi.

63 10 Aṭṭas war din min xf arzzun ad ayi nyen,/ maca ad hwan adu tmurt.

63 11 Ad twanyen s wuzzar acmrar,/ ad dḥan d rguæet n wuccanen.

63 12 Ajdjid maca ad ifarḥ i Arbbi./ Wen ɣars itjadjan, izmmar ad ifyeeç./ Maca i marra ait bu ixarriqn ad itwaqqen uqmmum.
1:1Sam23,14/2:42,2f/3:26,8/6:23.5;43,4/7;119,148;Jes26,9/8:17,7f/12:21,2;107,42

64 1

64 2 Ser, uh Arbbi, iyuyyan inu,/ ḥḍa tudart inu zg wsiggwed n usngu!

64 3 Sdurri ayi zi banda n iæffanen,/ zg wmuzzar n in, itggen ryeeç. -

64 4 Nitni ssqḍæen irs n sen am wuzzar acmrar,/ qarsen awaren n arrhaj am fritcat,

64 5 ḥima ad rḥfen zg wnuffar n sen wen war iggin walu./ Qarsen x afs, dyya ed nnhra aburren.

64 6 Nitni ḥzzmen ad ggen min war iḥḥrin./ txarsen, ad ndien tisndyin,/ qqarn: "Wi id aney ɣa izarn?"

64 7 Nitni ɣarsen ten taæffant dg wzdjif,/ maca ibridn n sen tfarn ten, Aæddis n sen iaryyeb war itgnfi,/ ur n sen d radjay.

64 8 Din uca irqef i ten Arbbi s fritca nnes;/ dyya surn izmen.

64 9 Irs n sen a ten iyḍer./ Marra, wi-ten izrin, ad hzzen azdjif. -

64 10 Xenni ad ggwden marra iwdan;/ ad barrḥen timgga n Arbbi/ uca ad xzarn mliḥ di min id issufuy.

64 11 Wen idjan nican ad ifarḥ di Arbbi ed aɣars iarzu adurri./ ad fyecen marra iwdan ɣar idja wur d acmrar. 4:55,22/5:11,2/6:Sbrl,11f;Bs10,11

65 1

65 2 Cek tsdahdjed izran n wseizzi, Arbbi, x Siun,/ cek nssufuy ac aæahed.

65 3 Cek ttsrid tutra(tzadjit)/ Marra iwdan ad ɣark asen

65 4 sadu rḥmer n ddnuḅ n sen. Afaryeḍ nney d amqqran x afney,/ cek a-t tesid.

65 5 Sseed n inni, tfarrzed tssadasedten ɣark,/ inni izddyen di arrawat n tmrabeṭṭ nneç.
Necin nxs anjjawen di rmuætiq n taddart nneç,/ di rmuætiq n zzawect nneç.

65 6 Cek ttgged timgga d tmiqqranin,/ ttsrid aney di raman, cek Arbbi n usnjem nney, rayas n marra timwwin n tmurt/ ed ilaln iggwjen. -

65 7 Cek tsrusid idurar di jjhed nneç,/ cek tbkksed s tizmmar.

65 8 Cek tssarssid rhwer n ilaln,/ rhwer n teurar n waman n sen, zzga(iyuyyan) n rgnus.

65 9 Marra, inni izddyen ɣar tmwwin n tmurt,/ tnxraæn zi rweḥy nneç;/ manis-d tnqqar tfuct ed mani tydji tccurd ten s rfraḥett.

65 10 Cek tthilliḍ di tmurt tssarkwi tet;/ cek tntted tet s ssabet./ Ajrmam n Arbbi iccur aṭṭas,/ cek tticced asen zzarriæet; ammu marra ttgged as abrid nnes.

65 11 Cek tssawed tibḥḥar, tssuyddid ibuda,/ tssarḍabeḍ ten s wnzar, ttarrid d amimun aymmyu

n sen.

- 65 12 Cek ttgged rqubbet(ajttay, ttaj) i wsggwas s ryidjet nneç,/ jjurat nneç tjjant rmarwwet.
65 13 Di ddmani tnenie tuzzyzewt,/ tiqiccin bysent s wsrwru(tumrt, rfracett).
65 14 Rerasi n heddu ssun s thimmin, / iyzran(talat) drin s imndi./ syuyun s rfracett cttjen.
4:32,1/5:23,6;36,9/8:89,10;Ijub38,11;Jes17,12/10-11:104,10-15;Juel2,22-24/13:96,12
66 1 Srwret i Arbbi, marra timizar n tmurt!/
66 2 Irarm i ccan n ism nnes!/ Cnneem-t s wurar n wseizzi!
66 3 Init i Arbbi: "Mamec ssaggwadent timgga nneç;/ zi rmyart n jjhed(tanbadt) nneç tadarn
isnga."
66 4 Marra ddunct ttettar ac ttirar aseizzi nneç,/ tqqar izran n wseizzi i ism nneç!(Sela)-
66 5 Γawret ed tzarm timgga n Arbbi!/ issaggwad min itegg dg iwdan:
66 6 Netta iarra ill d rbarr,/ nitni zwan iyzar x uđar;/ dinni tuya aneç nneç s rfracett x afs.
66 7 Di jjhed nnes netta i iddbbaran i rbda;/ tiđawin nnes xzzarnt rgnus,/ Ait tynnant war
zmmarn ak ids mearan. (Sela)
66 8 Smyart Arbbi nneç, kenniw a rgnus;/ seizzem-t s tmijja tihed!
66 9 Netta imneç di tudart nneç/ war ijji đar nneç ad inhezz.
66 10 Cek , uh Arbbi, tqddced aneç/ tssizdied aneç, mamec ssazdayen
nnuqart.
66 11 Cek tggid aneç di rđsart tuęar/ ed tssarsed aneç rhmer isbarrac x tyarđin.
66 12 Cek tjjid iwdan nnayen x izdjifn nneç./ Neccin neuç di tmssi ed waman./ Maca cek
tssufyed aneç di tirli. -
66 13 Nec ad adfeç s tayarđt di taddart nneç;/ nec ad ac xdjseç aeahed(futu) inu,
66 14 nni tuya id ac wciç rmatin,/ id ac ieahed uqmmum inu di rđsart.
66 15 Ad acd awieç rmar isehđ d tayarđt usmed,/ ak ddxxan n ihuriyn;/ ad ac sswjdeç
iynduzn ed iyayden. (Sela) -
66 16 Kenniw marra, kenniw i itggwden Arbbi, asttiwd ed tsrem;/ nec xseç ad awem eawdeç,
min id ayi igga issbeđ.
66 17 Nec tuya rayiç ģars s tmijja tihed/ uca issmyar i-t uqmmum inu.
66 18 Mri tuya nwiç taęffant,/ xenni ir-aqqa Arbbi war id ayi itsri.
66 19 Arbbi maca isra ayi,/ ihkkar i weęed inu idđhhasen.
66 20 Ad itwasmyar Arbbi; mayar netta war indar tutra inu/ war id ayi ikkis rmuetiç nnes.
1:98,4;100,1/5:46,9/6:Ex14,21f;Jus3,16f/9:121,3/10:Jes48,10;Sbr17,3/12:Jes43,2/13-
14:22,26;50,14;61,9;76,12;116,14.18;Num30,3;Juna2,10/18-19:Sbr28,9;Juh9,31
67 1
67 2 Arbbi ģinn x afneç egg aneç d imimunen./ Netta itija aymbub nnes iarqq x afneç. (Sela)
67 3 Mađend ad itwaeqer wbrid nnes x tmurt/ ed jar marra iyrafn asnjem nnes. -
67 4 Rgnus acek qaden, uh Arbbi,/ ac qaden iyrafn marra.
67 5 Rgnus ad farģen ad srwrwen./ Mayar cek tcarreęed marra tammurt nican. Cek tcarreęed
iyrafn mamec iqqar nican/ ed tssujurid rgnus x tmurt (Sela)-
67 6 Iyrafn acek qaden, uh Arbbi,/ ac qaden iyrafn marra. -
67 7 Tammurt twca ryidjet nnes./ Igga aneç Arbbi d imimunen, Arbbi nneç.
67 8 Igga aneç Arbbi d imimunen./ Qae ddunct ttggwed i-t ttegg as reęez. 2:4,7/5:98,9/7:85,13
68 1
68 2 Arbbi ikkar ibedd, isnga nnes aryycen;/ inni i-t icarhen, arwren ztat i uymbub nnes.
68 3 Nitni ttawen, mamec ittaw ddxxan;/ am cemeę ifssi di tmssi,/ ammu i ģdjien ieęfanen
zzat i uymbub n Arbbi.
68 4 Inni maca iggurn nican ad irin x rxadar n sen ad srwrwen ztat i Arbbi;/ Nitni ad cdģen
s tumrt(rfracett). -
68 5 Cdģet i Arbbi, irart ism nnes;/ srwrwet as, i netta, wenni innayen x isynutn! Smyart zę
ism nnes!/ Farģet ztat i uymbub nnes!
68 6 Ij n baba n iyujirn, ij n ubuyaw n tajjarin/ d Arbbi di tzddiýt nnes tamrabetđ.
68 7 Arbbi itraggwaģedd inni itmndarn, issufuç inģbas di zzhar(ttisir);/ maca iyuwayn ad zdyen
di tmurt n tazawu. -
68 8 Uh Arbbi, arami tizzard i wyraf nneç,/ arami tcuęed tanzruft, (Sela)
68 9 uca tnezz tmurt, uca ucrurn(tcacarn) ijnwan ztat i Arbbi,/ ztat i Arbbi, Arbbi n Sinai,
zzat i Arbbi n Israel.
68 10 Arbbi, cek tjjid anzar ithnucceur d iyzran/ uca tfajid x tmurt nneç iffuden.

68 11 Iyrafn n nec ufin dinni tazddiḡt;/ Arbbi, di rmuḡtiq n nec tettiḡed imzraḡ.

68 12 Arbbi isskkedd awar nnes;/ abarru n tbarraḡin n twarnit.

68 13 Ijddjdn n raskar tnarwaren, nitni trakkwaren./ Di taddart bḡtan zzardet.

68 14 Min xf tqqimem tjuram di tqwirin n rmar?/ Cem tadbirt s arric n nnuqart, s wafriwn n wury! -

68 15 Arami Amqqran qaε ixarḡ x ijddjdn,/ twḡa tcrifra x Salmun.

68 16 Adrar n Arbbi d adrar n Bacan,/ adrar, n waḡḡas n tqiccitin, d adrar n Bacan.

68 17 Maimmi txzzarm s wasam, kenniw tiqiccitin timqqranin,/ ḡar wdrar, ifarz Arbbi i ix f nnes d tazddiḡt Adinni izdeḡ Arbbi i rba.

68 18 Ikarrutn(ttumubinat) n Arbbi nnhra mḡar, ifḡ n ifḡn./ Zi Sinai iggwuj Arbbi ḡar tmrabett nnes.

68 19 Cek turied ḡar snnej,/ tndhed inhbas ak idk; cek tmnecḡ tarzfin x iwdan./ Ura ed ieffanen(imyuwḡen) ad zdḡen ḡar Arbbi, amqqran. -

68 20 Ad itwasmyar Arbbi, ass ass!/ Arbbi iarbu aneḡ, netta d twiza nneḡ. (Sela)

68 21 Arbbi d ij n Arbbi, wen id aneḡd itawien asnjem,/ Arbbi, amqqran, issufuḡ aneḡ zi tmnawt(timnyiwḡ, rmwt).

68 22 Mayar Arbbi ad icdjeḡ azdjif n isnga nnes,/ azdjif n ueffan, nni ityududen di ddub.

68 23 Arbbi issiwer: "Nec a (ten) -d arreḡ zi Bacan,/ a(ten)-d arreḡ zi tisi n ill.

68 24 Aḡar n nec ad iεumm dg idammn,/ irs n iḡan n nec ad ḡḡfen taḡyart n sen dg isnga." -

68 25 Arbbi, nitni zrin abrid n nec,/ abrid n Arbbi inu ed ujdjid inu di tmrabett:

68 26 ḡar zzat imdyazn, inni itirarn rgambrit ḡar dffar,/ jar asen tiḡḡramin s wadjunen d imzzyanen.

68 27 Munet ed tssmyarm Arbbi nneḡ,/ Arbbi di tmzyida(tarbiḡt, tmunett) n Israel:

68 28 iizzar Bnjamin amzzyan,/ ḡfarn-t rbacat n Yuda,/ rbacat n Zabulun, rbacat n Naftali.

68 29 Sscen, uh Arbbi, jḡhed n nec,/ tadusi n Arbbi, tenni id daineḡ tssufyed/

68 30 a zi zzawect n nec, snnej i Urcalim. Ijddjdn ad asen s tarzfin,/

68 31 Σarn amdḡur dg wyanim, banda n wen ijhden,/ εarn izdjifn n iyrafn! Nitni imqqar asen ueḡdis x nnuqart rbez i ten;/ arddej iḡrafn(iyrafn, rgnus), itxsen amnyḡ.

68 32 Zi Masar ad awien rḡcue n nnhas, Kuc(Etiubia) isḡeεed ifassn nnes ḡar Arbbi.

68 33 Kennint tigldidin n tmurt, irarnt i Arbbi,/ cdḡent irarnt i Arbbi, (Sela)

68 34 wen din ḡa indhen x ujenna, ajenna n iḡnwan,/ wenni tmijja nnes at ḡeεed, tmijja nnes ijhden aḡas.

68 35 Smyart jḡhed n Arbbi!/ X Israel iuri ccan nnes snnej,/ jḡhed nnes igεeεed ḡas ar isynutn.

68 36 Arbbi di tmrabett nnes d amqqran issagḡwad, Arbbi n Israel;/ aḡraf nnes iticc as tizmmar ed tadusi. Arbbi d amimun.

2:Num10,35;Jes33,3/3:92,10/5:7,18;18,11;Dtn33,26;Jes19,1/6:10,18/7:146,7/8:Ex13,21;Dtn

69 1 X "Liriu". Zi Daud.

69 2 Fekk ayi, uh Arbbi!/ Aman iwden ayi ḡar tmijja.

69 3 Nec ḡbbiy dg wbaryud iudjeḡ/ war ḡari min di ḡa cbbary εad; nec surḡ dg waman udjyen,/ rḡmret tiwi ayi.

69 4 Nec uḡreḡ s iyuyyan,/ tmijja inu tbbuybeḡ, titḡawin inu uḡrent,/ xwansu nec tqreḡ ḡar Arbbi.

69 5 Wseεen x ucuwaf idjan x uzdjif inu/ inni, id ayi icarhen x walu. Wseεen inni id ayi iseidjiten, isnga inu ait ixarriqn./ Min war ucary, a-t xdjsey. -

69 5 Arbbi, cek tssned tubbuhrya inu,/ afaryeḡ inu war x afk iffar.

69 7 Wen ḡark itqqren, Arbbi, cek Arbbi n resakar,/ war ttwassḡccmen zzayi; wen x afk iarzzun, Arbbi n Israel,/ war itsuri dg wsfdeḡ zzayi.

69 8 Mayar di ḡḡweε n nec kssiy tikkwra/ ed rfdiḡet trḡḡef aḡmbub inu.

69 9 Dwreḡ d middn ḡar aytma,/ i tarwa n ymma dwreḡ d rbarrani.

69 10 Mayar asam i taddart n nec icca ayi;/ tikkwra n inni, cek itkkwarn, rḡfent ayi.

69 11 Zḡ wzummi carfeḡ ix inu dg aryyeḡ,/ maca iwi ayid tikkwra ed rfdiḡet.

69 12 Nec ujury dg wqrab ed iyḡeḡ,/ maca nitni ssḡfarn ayid amdjex.

69 13 Ssawaren x afi dg wjraw ḡar twwart,/ qqarn zzayi izran inni isessen binu.

69 14 Nec maca tettary ḡark,/ Arbbi di rḡar n uḡinni. Ser ayi di zzad amqqran n nec,/ Arbbi, fekk ayi di raman n nec!

69 15 Fekk ayi zḡ wbaryud,/ maḡend war tybbiy. Jbed ayi zi ttarytur,/ zi radjaḡ n waman!

69 16 War tji, ad ayi tawi rḡmret,/ radjaḡ ad ayi isarḡ,/ anu ad x afi ibllee aqmmum.

69 17 Ser ayi, Arbbi, di zzad n nec ed min isbhen n nec,/ xzard yari di rmarwet n nec!
69 18 War tffar bu aymbub n nec zzat i ismey n nec;/ mayar nec ggwdey, Ser ayi dawhda!
69 19 Ades ayid sgnfa ayi!/ Fekk ayi i isnga inu mahend ad ssyden! -
69 20 Cek tssned tikkwra ed rfdihet inu./ Bdden ac inmgaln inu marra yar titawin.
69 21 Rfdihet tarz ayi ur,/ hrcey marra s tzwart; bafer tuya tqrey yar uzidjez,/ yar ij ad ayi
iezza, maca war ufiy ura ed ijjen.
69 22 Nitni wcin ayi ssem ad ccey,/ i fad ssarsen ayid binu asmmam.
69 23 Missa n tyarst ad asen tdha d tisndect,/ amnsi n tyarst d asnnaj n wmae;
69 24 Sqaryer titawin n sen, at afed war twirin ead;/ qarrem tijeinna n sen i rbda!
69 25 Zdje x afsen amuzzar n nec,/ axyyeq n nec ithduduqen iac a ten irqef!
69 26 Taddart n sen at xarber,/ di txuzan n sen war izddey ura ed ij.
69 27 Mayar nitni tazzen x waryaz, nni tuya twtid,/ arnnin rhriq i wenni, itwarqfen zzaik.
69 28 Arni asen ddnub x ddnub,/ mahend nitni war yarsen ttiri tsyart di nnican n nec.
69 29 Ad twakksen zg wadlis n tudart/ war twazmmemen yar inni idjan nican. -
69 30 Nec maca zrdey ccuy s rhriq;/ maca twiza n nec, uh Arbbi, ad ayi tsgaed.
69 31 Nec ad cneey ism n nec dg izran,/ dg izran n uqadi inu a-t ssmgart.
69 32 Aya itxs i-t Arbbi atas x tyarst n ij n uejmi,/ atas x iynduzn s waccawn ed ifkrac.
69 33 Xzarttiwd danita, kenniw iudarn, farhet;/ kenniw, inni iarzzun Arbbi: ur n wem ad iddar!
69 34 Mayar Arbbi itsra yar imzraq,/ netta war isseqiri bu inhbas. -
69 35 Ajenna ed tmurt a-t cneen,/ ilaln ed min daisen itnhzzan.
69 36 Mayar Arbbi ad issnjem Siun,/ ad isbedd ibilajn n Yuda ict twara nneynit. Ismyan nnes
adinni zdyen ad tffen tammurt,
69 37 ad tqim i tarrawt n sen;/ wen itxsen ism nnes s wur, ad dinni izdey.
70 1 Zi Daud. Far wscmed n jjawi.
70 2 Arbbi, asedd awru, hima ad ayi tssnjmed,/ Arbbi, dya we ayi fus! -
70 3 Di tzwart ed rfdihet marra ad wdan,/ inni iarzzun tudart inu. Ad dwren yar dffar nitni
ed s rha ad zwyen,/ inni ifarrhen x arrzyet inu.
70 4 Ad barrqen ad twwjen marra, inni idhhen hkkwren/ qqarn: "D ta d ticti n nec."
70 5 Marra, inni cek iarzzun, ad irin x rxaqar n sen;/ ad farhen daik. Inni itxsen s wur
asnjem n nec, at afed rbda qqarn:/ "Amqqran d Arbbi, Arbbi." -
70 6 Nec maca zrdey arxuy,/ Dya, uh Arbbi, we ayi fus! Twiza inu ed usnjam inu d cek./
Arbbi, war bu tettare!
71 1 Arbbi, nec arwreyd yark./ War-d ayi tji maca emmars ad wdij!
71 2 Jbed ayid snjem ayi di nnican n nec,/ arredd yari anzzuy n nec ed twced ayi fus!
71 3 Iri i nec d ij n jjarf imten,/ ad yars tasey mrimi ma xsey. Cek tuya tggid ak idi ad ayi
twced fus;/ mayar cek d jjarf inu ed adurri inu.
71 4 Arbbi inu, snjem ayi zg wfus n ueffan,/ zi rbuniyet n wenni x afi iggin qar ed ait
yzzu.
71 5 Arbbi, Arbbi inu, cek d raman inu,/ rayas inu zi tmzi.
71 6 Zg wami id twarwey nec emmdey x afk,/ zg weddis n ymma cek d httu inu;/ aseizzi
inu rbda i cek.
71 7 I watas nec d amhtdju,/ cek maca d adurri ijhed inu.
71 8 Aqmmum inu iccur s wseizzi n nec,/ s ucnee n nec ass imun. -
71 9 War x afi xarred, mara wsary,/ war id ayi smmeh, mara tizmmar inu ruhent.
71 10 Mayar isnga inu qqarn dayi min war ihhrin,/ inni id ayi itshhan, tmcawarn munen;
71 11 nitni qqarn: "Arbbi ismeh dais./ Dfarm-t ed tmneem-t!/ I netta war din bu asnjam."
71 12 Arbbi, war tyima maca tiggwjed x afi!/ Arbbi inu, ewc ayi dya fus!
71 13 Marra, inni itmnyan ak idi,/ ad kddben(fcaren, ahren) ad wddarn; ad dren s tzwart ed
rfdihet,/ mayar nitni arzzun ayi arrzyet.
71 14 Nec maca ad tqrey rbda,/ acnee n nec ad immarni.
71 15 Aqmmum inu ad ibarreh zi nnican n nec/ ad issiwer zi timgga tisbhanin n nec ass imun;/
mayar nec war ssiney mchar. -
71 16 Nec ad adfey di zzawect n Arbbi, n Arbbi,/ timgga n nec timqqranin n nnican waha ad
cneey.
71 17 Arbbi, cek tuya tssrmed ayi zi tmzi/ yas ar ass-a ead tbarrhey rburhan n nec.
71 18 Waxxa nec wsary cabey,/ uh Arbbi, war id ayi bu smmeh, mahend ad hajiy x ufus n nec
ijhden kinta,/ x tzmmar n nec tarrawt id ya iasen/

71 19 ed x nnican nneç, Arbbi, imyarn x marra min idjan. Cek tggid min idjan d amqqrان./
Arbbi inu, man wen idjan am cek?

71 20 Cek tjjid tkka x afi aṭṭas n tiggwda ed ryben./ sddar ayi eawed./ sufey ayid zg wadu
tmurt!

71 21 Arni ayi di ccan!/ Cek ttezzid ayi eawed.

71 22 Xenni acek qadey s tirart n rgambri/ ad ssm̄yary raman nneç; Arbbi inu, cek amrabeç n
Israel./ nec ad ac irary di arba(rgambri n tmurt, harba).

71 23 Iyncien inu ad srwrwen./ mayar i cek ad cdey ad irary./ buḥber inu, wenni tfkked, ad
isrwruw.

71 24 Ura ed irs inu ad iharred zi nnican nneç ass imun./ Mayar qae, inni iarzzun arrzyyet
inu, ad zwyen s rḥya ad kd̄ben(aḥren, feren).

72 1 Zi Salumun. Arḍer acarree nneç, uh Arbbi, i wjdjid./ i mmis n ujdjid ewc as aryyes
nican nneç!

72 2 Netta ad indeh rgens nneç di nnican./ Imzraç nneç ad asen iay taṣyart.

72 3 Xenni ad arbun idurar rhudnet i wjraf/ ed idmrawn nnican. -

72 4 Netta ad iay taṣyart i wmarxu dg wjraf./ ad iawi twiza i iḥnjirn n imzraç./ netta ad
irbez iqudryn. -

72 5 Netta ad iddar, min ya tkk tfuct tdja ed tziri./ yas ar kintat iggwjen.

72 6 Netta ad itucurur am wnzar x tibḥḥar./ am cedjid, itt̄sun tammurt.

72 7 Ad inuwwar nnican dg wussan nnes/ ed rhudnet tamqqrان, yas ar tafed taziri war tdji
ead. -

72 8 Netta ad iaryyes zg ill yar ill./ zg iyzar yas ar timwwin n tmurt.

72 9 Zzats ad adarn inmgaln nnes./ taejjact ad rṣhen marra isnga nnes.

72 10 Ijdjidn n Tarcic ed n tyzirin ad awien tarzfin./ ijdjidn n Saba ed Seba ad asen s zzad.

72 11 Marra ijdjidn ad as adarn./ marra ijrafn ad as xm̄msen. -

72 12 Mayar netta ad issnjem amarxu, i yars isyuyyun./ amzruç ed wen, war yar idji
weric(ameawn).

72 13 Netta ad ieteq amarxu ed umzruç./ netta ad issnjem tudart n imzraç.

72 14 Zg wseqar ed tyita a ten ifkk./ idammn n sen di tiṭṭawin nnes skkwان aṭṭas. -

72 15 Ad iddar ed wury n Saba ad as immwe!/ ad as tettarn rbda./ ad as itwasitem marra
ussan ad iiri d amimun.

72 16 Di tmurt irdn d aṭṭas./ txarxucen x tqicci n idurar. Ryidjet nnes atiri am iskwla n
Libanun./ Iwdan ad nuwwarn dg wbilaj am arrbie n tmurt.

72 17 Ism nnes ad iqqim i rbda./ min ya tkk tfuct tdja, ad inuwwar ism nnes. A-t ssm̄yarn d
amseud marra rgnus/ dais ad dwren d imimunen. -

72 18 Ad itwasmyar Arbbi, Arbbi n Israel!/ Netta waha i itggen rburhan.

72 19 Ad ttwasmyar ssarat n ism nnes di rbda!/ Ssarat nnes at ccur tammurt tmun./ Amen,
wah amen.

72 20 Da i tqṭṭa tutra(tzadjit) n Daud, mmis n Isai. Adlis wiss 3

73 1 Ij n izri n Asaf. Wah d asbḥan Arbbi i Israel./ i marra iwdan yar idja wur iqqur. -

73 2 Nec maca - eraḥar tuya idarn inu nnqarḍen tuya ggur ad wd̄iy.

73 3 Mayar nec tuya usmey zg ait rfyac./ arami zriy, aqqa ieffanen mliḥ i djan.

73 4 War x afsen tkkent bu rmḥayn./ arrimet n sen tmḥeç ṭḥa.

73 5 Nitni war ssinen bu tamra n inni ttawi tm̄nawt./ war x afsen itekk bu zzeaf am iwdan
nneyni.

73 6 X uyenni nnfaxet d ttisdeç n sen n iri./ am ij n waruç trḥḥef asen r̄qart.

73 7 War twirin s tiṭṭawin zi tadunt./ ur n sen issfay n ibridn ieffanen.

73 8 Nitni hkkwren, ed min qqarn, war iḥri./ daisen taḥraymect ssawaren zi snnej.

73 9 Nitni tcarragen ajqmim n sen yas ar ajenna/ arxxun x tmurt i irs n sen.

73 10 X uyenni itarzza yarsen rgens/ iḥdju awaren n sen s riqqi.

73 11 Nitni qqarn: "Mamec ya iaca Arbbi?/ Mamec ya igg umqqrان qae ad issen?"

73 12 Di tidett, ammu i ggin ieffanen:/ rbda di zzhar, syiddan agra x wagra.

73 13 Amni waha i jjiy ur inu iqqur/ ssirdey ifassn inu di tazdugi.

73 14 Uca maca tuya ayi marra ussan twarrziy/ qae itffutn tmarratey.

73 15 Mri nniy: "Nec xsey ad ssiwrey am nitni"/ xenni iri aqqa cmtey iḥnjirn nneç.

73 16 Uca arzuḡ, ḥima ad ssney min ix̄s ad iini man aya;/ tuya iuear i nec,
73 17 yas arami udfey di tm̄rabṭṭ n Arbbi/ uca eqrey, mamec id asen ya ṭjura.

73 18 Wah, cek tssarsed ten x tmurt tthrudjud,/ cek tydred ten dg wemat ed wydar.

73 19 Nitni dg ict tcti ad dhan d walu,/ ad mmcsin din uca ad ggen ij n qttu n tfqqæ.

73 20 Am ict tyrja, yar ufaqi ttkcif,/ awraf nnes itwattu, yar tnucri.-

73 21 Ur inu tuya icden,/ itjju ayi rhriq di tizzar;

73 22 nec tuya ayi d abuhari nnhra azdjif,/ tuya ayi am zzayret zzatk.

73 23 Nec maca rbda aqqa ayi yark,/ cek tetffed ayi zg wfus afusi inu.

73 24 Cek ttguwaded ayi x wbrid nnec/ tkssid ayi yar unggar di ssarat.

73 25 Min yari dg wjenna haca cek?/ Zzat i cek war din min id ayi ya issfarhen x tmurt.

73 26 Ura waxxa arrimet inu ed wur inu thayan,/ Arbbi d jjarf n wur inu/ taşyart inu i rbda.

73 27 Wah, wen x afk iggwjen, ad iwddar;/ cek ad tkhhded marra, inni x afk iffyen abrid.

73 28 Nec maca - radas inu i Arbbi d zzhar inu./ Nec ggiy x Arbbi, Arbbi, raman inu./ Nec ad barrhey marra timgga nnec.

74 1 Ij n izri n tmssna n Asaf. Maimmi, Arbbi, cek tndard aney i rbda?/ Maimmi iuya uxyyeq nnec x thimmirt n hddu nnec?

74 2 Xemm yar tarbiht nnec, i tuya tfarzed achar uya,/ d taqbite tsyid tet i ix f nnec,/ yar wdrar n Siun, wenni tuya thuzed d tazddiyt.

74 3 Csi isuraf nnec yar icqfan izaykutn!/ Asngu iarra tamrabtt nnec marra d rxirbet. -

74 4 Inmgaln nnec sbueruten yar tmrabdin nnec,/ sbddan icnyaln n sen d sinyan n twarnit.

74 5 Am ijjen ithnned ccaqur di tagant txrej,/

74 6 ammu arzin marra rhyud izwwqen s ccaqur ed wfdis.

74 7 Nitni qqden i tmrabtt nnec timssi,/ earran tazddiyt n ism nnec yas ar tisi.

74 8 Nitni nnan dg wur n sen: "Anarz marra."/ Uca ssaryen marra timzyidawin di tmurt.

74 9 Rwehy i neccin war-t ntwiri,/ war da ura ed ij n brufeta ead,/ ura ed ij zzainey issen, machar ya ikk uya ead.

74 10 Machar ya ikk, Arbbi, usngu itndsara ead,/ izmmar usngu ad iqqim itkkwar ism nnec i rbda?

74 11 Maimmi zzainey tkksed fus,/ tetffed afusi nnec ixmmer dg warud?-

74 12 Maca Arbbi d ajdjid inu zg wachar uya,/ timgga n usnjem issufuy i tent netta x tmurt.

74 13 S tzmarr nnec tftqed ill,/ izdjifn n rhaycat tddzed ten x waman.

74 14 Cek trbezid izdjifn n Lefiatan,/ netta twcid-t d amreiq i rwuc n rxra.

74 15 Tjjid dduqqzen rewansar ed tindwin,/ tssizyed izran, inni war itizyen emmars.

74 16 Ass nnec, nnec ura d tamddit,/ tggid din tfuct ed tziri.

74 17 Cek tssarsed ictidn i tmura,/ tssufydd anbdn ed tagrst. -

74 18 Sqer x uya: Asngu ihwer Arbbi,/ ij n rgens war iceifen idxjed dg ism nnec.

74 19 War ticc i rwuc bu tudart n tdbirt nnec;/ war tettu i rbda tudart n imhtdja nnec!

74 20 Xzar yar rqarin(reahed) nnec!/ Mayar marra tymmar innuffarn di tmurt nney ccurnt s tyita.

74 21 War bu tjja wenni itwaseqarn ax afk iaggwej issdha!/ Imzrad ed inni iudarn ad cnneen ism nnec.

74 22 Kkar bedd, Arbbi, ewwet x tsyart nnec!/ Xemm, mamec ibuhariyn tkkwarn cek ass x wass.

74 23 War bu tettu asbueart n isnga nnec,/ arujded n inmgaln(ait tynnant) nnec, iarnnin itgeead yar ujenna

75 1 X tmssna "War tarzza! Ij n izri n Asaf.

75 2 Necci ntqada cek, Arbbi, neccin ntqada cek;/ ism nnec iudes inni, itbarhen rburhan nnec.

75 3 "Wah, yar rhar, nni xsey nec, ad ggey ccrae x usggem inu.

75 4 Tammurt ak marra, wi x afs izddyen, waxxa tnezz;/ maca nec s timant inu sbddecy ibilarn nnes x tisi tmten." (Sela)

75 5 Nec nniy i ait nfaxet: War bu xtjat di rwzen!;/ i ieffanen: War bu tgget accawn!

75 6 War bu sgeeadet icc n wem yar ujenna,/ war ssawaret s ssfahet!

75 7 Mayar war dji zi manis tnqqar tfuct niy zi mani tydji/ ura zi tnzruft ad ias usiri(asgeead).

75 8 Urid ammu, acarrae(rqadi) d Arbbi;/ ijjen ishkkwa-t, wnneyni issarai-t.

75 9 Wah, dg wfus n Arbbi ij n ufnjar,/ n binu itsmim, iarzeg; netta a-t swen marra ieffanen n tmurt,/ a-t hrwen s wntun.

75 10 Nec maca ad syuyuy s rfrahett i rbda;/ i Arbbi n Yequb ad as iniy izran ad irary.

75 11 "Nec ad arzcy marra accawn n ueffan;/ maca azdjif n usghan ad itwasgeead."

76 1 S tirart n ifiran. Ij n izri Asaf.

76 2 Arbbi itwassen di Yuda,/ ism nnes d amqqrان dg Israel.

76 3 Taqydunt nnes tffeyd di Salem,/ tazddiyt nnes x Siun.

76 4 Dinni iarza fritcat iarqen n rqwس,/ tcabba n usrqى ed wuzzar acmrar, rsnaḥ n umnyi(rhwer). (Sela)-

76 5 Cek tssaggwaded ed d ssarat,/ mahu x idurar n rbda.

76 6 Twacarn inni di idja wur;/ i marra iryazn wḍan asen ifassn.

76 7 Mara cek thudded ten, Arbbi n Yequb,/ barrcen iysan ed ikarrutn.

76 8 Tssaggwaded cek. Wi izmmarn ad iqqim ibedd zzatk,/ ḡar ticti n uxyyeq nneç? -

76 9 Zg wjenna tssftid cchrae;/ tiggwda tetṭef tammurt, uca tsseyded tet,

76 10 mara Arbbi ikkar ad icarree,/ ḡima ad iaḡ taṡyart i marra inni iarxun x tmurt. (Sela)

76 11 Mayar ura ed awd iccurn s ueaned acek iseizz/ ed min iqqimen n rgnus ad ac urarn. -

76 12 Sarsset reahed ed txdjsem Arbbi, Arbbi n wem!/ Kenniw marra id iunnuḍen, awiet asd ssdaqى, i wen ttggwdem.

76 13 Netta itkkes i rbacat taryast;/ issaggwad ijdjdn n tmurt.

77 1 X Jedutun. Ij n izri n Asaf.

77 2 Nec traḡiy ḡar Arbbi, sḡuyuy/, nec traḡiy ḡar Arbbi, ḡas ar id ayi iser.

77 3 Dg wass n rḡsart inu arzuḡ Arbbi;/ nnhra azyinfi csiḡ ḡar tmddit ifassn inu ḡar ujenna,/ buḡber inu iugi ad itwaezza.

77 4 Tidary Arbbi, tzhary;/ txmmameḡ dais, xenni iarxxu remar inu. (Sela)-

77 5 Cek tssarzed ayi ids;/ nec ccury s arrjef war zmmarḡ ad ssiwreḡ.

77 6 Nec txmmameḡ ḡar wussan n waḡar uya,/ nec tidary isggwusa iedun aṭṭas zg wami.

77 7 Ur inu itxarres ḡar tmddit,/ nec txmmameḡ, itsqsa remar inu. -

77 8 Ma indar ayi Arbbi i rbda/ uca war x afi ithinni emmars?

77 9 Rmarwet nnes ma tbedd i rbda,/ ma reahed nnes immesi i marra isggwusa id ḡa iasen?

77 10 Ma ittu Arbbi aḡinni nnes,/ dg wxyyeq ibllee azidjez nnes? (Sela)-

77 11 Uca nniḡ: "Rḡriq inu d wa,/ aqqa afusi n umqqrان qae itegg mamec nneyni."

77 12 Nec tidary timgga n Arbbi,/ nec eqreḡ x rburhan nneç n zic.

77 13 Nec iddard ḡari min tggid/ nec txmmameḡ di timgga nneç. -

77 14 Arbbi, abrid nneç d amrabeḍ./ Mani idja ij n Arbbi, d amqqrان ammu an Arbbi nney?

77 15 Cek waha i idjan d Arbbi, wenni itggen rburhan,/ cek tssened tizmmar nneç i rgnus.

77 16 Cek tfkked rgens nneç s uyir ijhden,/ tarwa n Yequb ed Yusef.

77 17 Aman zrin cek, Arbbi,/ aman zrin cek uca arjjen./ Radjay(tisi) n ill ihwer.

77 18 Isynutn nḡren aman n sen,/ asynu iija ajja idduqquz,/ ura ed fritcaṭ nneç ḡwint dihan.

77 19 Idduqquz itunnuḍ wajjaḡ nneç,/ assam issiy(igga tfawt) amaḍal(ddunct)/ tammurt tnhezz tarjij.

77 20 Abrid nneç icuq dg ill,/ isuraf nneç dg waman hwren,/ maca ura ed ij war izri jjurret n idarn nneç.

77 21 Cek tndhed rgens nneç am ict ṡhimmirt/ zg wfus n Musa ed Harun.

78 1 Izri n tmssna n Asaf. Rgens inu, ser ḡar usrmed inu!/ Ewceç amzzuy n wem i wawaren n uqmmum inu!

78 2 Nec ad arzmeḡ aqmmun inu i ict tqssist;/ ad barrḡeḡ min tuḡa iffarn zg waḡar uya.

78 3 Min nsra ed min nssen,/ min id aneḡ ḡajan inzwura,

78 4 aya nxs war-t ntffar zg iḡnjirn nney/, maca a-t nḡaja i kinta id ḡa iasen: timgga timqqrانin ed tizmmar n Arbbi,/ rburhan, nni tuḡa igga.

78 5 Netta igga rqانun nnes dg Yequb,/ iwca dg Israel abrid/ uca igga x rjdud nney, ad ssyarn aya marra i iḡnjirn n sen, -

78 6 maḡend tarrawt id ḡa iasen ax afs tssen,/ iḡnjirn n imar;/ ad kkarn uca a-t ssedun i iḡnjirn n sen,

78 7 maḡend nitni ad ssarsen raman n sen x Arbbi,/ war tettun timgga n Arbbi/ ed adḡan irqqasn nnes

78 8 war ttirim amacnaw rjdud n sen,/ tarrawt nni tccur s taḡnnant ed uyuweḡ,/ tarrawt n taḡraymeçç, remar nnes war dais nnyet ak Arbbi.-

78 9 Tarwa n Efraim, tmnḡan s fritca ed rqwس,/ sscnen aerur ḡar wass n umnyi;

78 10 Rqarin n Arbbi war-t ḡḍin,/ war ugin ad ḡfarn, abrid nnes.

78 11 Nitni ttun timgga n Arbbi,/ rburhan, id asen-d issufey. -

78 12 Zzat i titṭawin n rjdud n sen issufeyd netta rburhan/ di tmurt n Masar, di tiyḍwin n

Zuan.

- 78 13 Netta ifteq ill uca isszwa ten dais,/ ijja aman bdden am wybar.
- 78 14 Netta isqbbeḍ i ten s wass s usynu/ ed tmddit tmun s tmssi tarqq.
- 78 15 Netta ifteq rjuf di tnzruft/ uca iwca i rgens ad isu am zg waman n rħmret tamzwarut.
- 78 16 Netta ijja rewansar dduqzzen zi ssdjah,/ ijja aman tazzen d iyžran.
- 78 17 Maca nitni arnin di ddnub d taynnant i netta,/ yuwȳen di tnzruft dg warndad n umqqrان.
- 78 18 Dg wur n sen qddcen Arbbi,/ ttarn macca i djuzen.
- 78 19 Nitni ssiwren kuntra Arbbi; nitni ssqsan:/ "Ma izmmar Arbbi ad aneyd issars andu di tnzruft?"
- 78 20 Wah netta iwta di jjarf,/ arami uzzren waman ed rewansar thnuccurn. Izmmar netta ad aneyd iawi ayrum/ ad issars i rgens nnes aysum?" -
- 78 21 Aya isri-t Arbbi uca tuya ixyyeq aḥḥas;/ timssi tarya akd Yeḡub,/ Axyyeq ikkard akd Israel,
- 78 22 mayar nitni war ggin nnyet di Arbbi/ war tteren x twiza nnes.
- 78 23 Qae amni isxxar netta isynutn/ iazem tiwura n ujenna.
- 78 25 Uca ccin iwdan ayrum n rburhan;/ Arbbi iwca asen macca tiwa i tjawant.
- 78 26 Netta ijja asmmiḍ n manis-d tnqar tfuct iarrezd dg wjenna,/ isskkard di tzmmar nnes asmmiḍ n swadday,
- 78 27 ijja aysum iggedd x afsen anzar am tējjaḥḥt,/ ijḍaḍ n arric am ijdi x tma n ill.
- 78 28 Netta ijji-ten wṭṭan dg wammas n wkwartir,/ nnden i txuzan(iqyḍan, tiqyḍan) n Israel.
- 78 29 Uca ccin marra jjiwnen;/ netta iwi asend, min zzuymten. -
- 78 30 Ead maca war tuya ssrhun raz n sen,/ ead tuya macca dg wqmmum n sen,
- 78 31 uca igēēedd ak idsen uxyyeq n Arbbi;/ netta inya azdjif n sen/ iarza iryazn imzzyanen n Israel.
- 78 32 Maca nitni qae amni arnin ggin ddnub/ war ggin bu raman di rburhan nnes.
- 78 33 X uyenni ijja ussan n sen eddun am ij n usuḍi/ ed isggwasn n sen qṭṭan ccurn s tiggwda.
- 78 34 Mara inya daisen, ssqsan x Arbbi,/ dwren γars arzun-t.
- 78 35 Eḡren, aqqa Arbbi d jjarf n sen,/ Arbbi, amqqrان qae, asnjam n sen.
- 78 36 Maca nitni ḥccen x afs s wawaren n ttcarfayeh/ ed irs n sen isxarreq x afs.
- 78 37 Ur n sen war tuya-t nican ak ids,/ war ujurn s nnyet ak rqrان nnes.
- 78 38 Netta maca iccur s rmarwet icsi x afsen ddnub/ war imḥi rgens nnes. Aḥḥas n twarawin ijja zg wxyyeq nnes/ iḥbes asear(ajḍab) nnes.
- 78 39 Mayar netta ieqer, aqqa nitni γar d aysum waha,/ d ij n usuḍi waha ieddu war id iteiqqib. -
- 78 40 Maḥar n twarawin tuya yuwȳen as di tnzruft,/ ssmȳujten-t di rxra!
- 78 41 Twara awarn i tnneynit qddcent,/ nitni searn Arbbi amrabeḍ n Israel.
- 78 42 Nitni war eqiren ead x ufus nnes ijhden,/ dg wass nni, arami i ten ifekk zg wsngu.
- 78 43 arami igga di Masar rweḡy/ ed sinya dg imarjae n Zuan:
- 78 44 Netta iarra iyžran n sen ed rewansar n sen d idammn;/ nitni war zmmarn azzaisen swen ead.
- 78 45 Netta issekk ij n wyraf n izan, icci-ten,/ij n reskar n iqarqriwn, ei ithḥa-ten.
- 78 46 Ssabet i tmuryi ryidjet n tcuwartc n sen.
- 78 47 Izbirn n sen iqttes i ten s wdfer,/ uwrtan n sen s ibqaq n wdfer.
- 78 48 Rmar n sen ijji-t i tzarzaḥḥt/ ed rbhaym n sen i waḍan.
- 78 49 Netta iḥarrec x afsen ḥaduq n uxyyeq nnes:/ amuzzar ed tfqehḥt ed rḥsran,/ reskar n imalakn n arrziyet.
- 78 50 Netta iarxu i wxyyeq nnes;/ netta war ten iḥḍi zi tmnyiwṭ/ uca issedu tudart n sen i dda aeḥḥan.
- 78 51 Netta inya di Masar marra imnza(amnzu),/ di txuzan n Ham tanuwact n tmzi.
- 78 52 Xenni issufey rgens nnes am txswin,/ isqbbeḍ i ten am ict thimmirt di tnzruft.
- 78 53 Netta indeh i ten di raman, war ggwidan walu,/ maca isnga n sen idri-ten ill.
- 78 54 Netta iwi ten γar tmurt tamrabeḥḥt nnes,/ γar idurar, nni id iarra, s ufus ijhden nnes.
- 78 55 Netta ixarḍ x rgnus zi zzatsen,/ ijja di txuzan n sen ad zdyen ait Israel/ uca ibḍa asen taḡart n sen. -
- 78 56 Maca nitni qddcen Arbbi yuwȳen kuntra i Wmqqrان;/ war bu ḍfarn ibridn nnes.
- 78 57 Am babat n sen wḍan zzais cmtent-/ Nitni eqben am ij n rqs, nni ikdden.

78 58 Nitni searn-t s imrabdn n sen x rerawat/ hwren asam nnes s rxyarat n sen.
78 59 Arami izra Arbbi aya, idwer iccur s tfqeh/ uca iarxu zg Israel.
78 60 Netta indar tazddiyt nnes di Cilu,/ taqydunt, mani tuya izdey jar iwdan.
78 61 Netta iwadja tizmmar(tanbaqt) nnes di rħbes,/ maleta n reahed twda dg wfus n usngu.
78 62 Netta iwca rgens nnes i wuzzar acmrar;/ netta tuya ixyyeq aħas x tšyart nnes.
78 63 Iezariyn tsard i ten tmssi;/ i tezaryin war twannan izran n tssrit.
78 64 Ixhanen twanyen s wuzzar acmrar;/ tijjar war bu runt x imttan.-
78 65 Uca ifaqedd Arbbi am zg iqs,/ amacnaw ij n waryaz(afarruku, bariente), tuya isscar s binu.
78 66 Netta iwta isnga nnes eqben yar dffar/ uca iwci-ten i rfdihet n rbda.
78 67 Taqydunt n Yusef indar i-t./ ait Efraim ikkes asen arceeh.
78 68 Maca ait Yuda ifarz i ten,/ adrar n Ziun, wenni itxs.
78 69 Dinni isbedd amrabd amqqrn qae,/ imten am tammurt,/ igga i rbda.
78 70 Ed ifarz ismey nnes Daud;/ icsi tid zi mani hddant txswin/
78 71 zg ymmat n izmarn iiwi-t, mahend ad iarwes rgens nnes Yeşub/ ed tšyart nnes Israel.
78 72 Netta iarwes i ten d anitci s wur iqqur(achmrar)/ iguwed i ten s ifassn nnes imiyisen.
79 1 Izran n Asaf. Arbbi, rgnus nneyni udfend di tasyart nneç,/ nitni earran zzawect tamrabet nneç/ ed Urucalim arrintet d rxirbet.
79 2 Rxcbat n ismyan nneç wcentent d ayruş i ijdad n ujenna,/ aysum n imrabdn nneç i rwhuc n ijjar.
79 3 Idammn n sen zdjeen ten am waman/ awarn i Urucalim,/ ed ura ed ij war ten indir
79 4 Neccin ndwer i tikkwra/ di titawin n imzday nney(ajjarn),/ i reyub ed umdjex yar imzday, id aney iunnuđen. -
79 5 Gas ar mmi, Arbbi? Txsed cek at xyyqed i rbda?/ Maħar ya ikk wasam nneç ithduduq am tmssi?
79 6 Nyer axyyeq nneç x rgnus nneyni,/ inni war cek issinen,/ x qae tiglditin, war itriyin ism nneç.
79 7 Mayar nitni ccin Yeşub/ ed ihwicn nnes xran ten.
79 8 War x afney arnni tamarwast n imzwura nney!/ S rmarwet nneç ahnaci qatee aneyd!/ Mayar neccin nendedj aħas. -
79 9 Far wudm n ism nneç/ ewc aney fus, cek Arbbi n usnjem nney!/ Far ism nneç fekk aney ed samhed aney di ddnub!
79 10 Maimmi qqarn rgnus nneyni:/ "Mani idja rxxu Arbbi n wem?" Sufeyd di rgnus nneyni zzat i titawin nney,/ mamec txdjfed(ixref, iarra ticri) x idammn iuzzren n ismyan nneç.
79 11 Azhar n inhbas itffeyd yark./ Fekk inni wtin s tmnyiwat s jhed n uyir nneç!
79 12 Arr asen i imzday nney 7 n tsqqar/ abhter, nni id ac ggin, Arbbi.
79 13 Neccin maca, rgens nneç, tixswin n tarwsa nneç,/ acek ntqada i rbda,/ aseizzi nneç a-t ntbarreh zi kinta yar kinta.
80 1 Izran n Asaf. X "Liriu".
80 2 Cek anitci n Israel, ser,/ cek wen iarwsen Yusef am ict thimmirt! Cek wen iqqimen x Kerubin, nqard/
80 3 yar Efraim, Benyamin ed Manasse! Skkar jhed(tanbaqt, tayrut) iuearn nneç/ asedd fekk aney!
80 4 Arbbi, sbedd aney eawed!/ Ejj aymbub nneç ad iaş, xenni aqqa immwc aney ufus. -
80 5 Arbbi, Arbbi n reskar, maħar ya tkked txyyaed, xwansu rgens nneç itettar yark?
80 6 Cek tsceed ten s wysum n imttawn,/ tssesywed ten s imttawn.
80 7 Cek tggid aney d tcamma n wajjarn/ ed isnga nney tkkwasn aney.
80 8 Arbbi n reskar, sbedd aney twara nneynit!/ Sjj aymbub nneç ad igg tfawt, xenni itwawc aney ufus - ,
80 9 Cek tqreed di Masar ij n wzbir,/ tuzzred x rgnus, netta macha tzzud-t. -
80 10 Cek tggid as ttasie;/ netta iwta izwran iemmar marra tammurt.
80 11 Tiri nnes tdra idurar,/ tiwan nnes idgl(lirz) n Arbbi.
80 12 Rfrue nnes isskk i ten yas ar ill/ ed ixfawn nnes yas ar Ufrat.
80 13 Maimmi tydređ iybrawn nnes?/ Marra, inni id itkken x wbrid, ixdja-t.
80 14 Irf n rxra igjdar i-t/ rwhuc n ijjar hđan-t.
80 15 Arbbi n resakar, dwerđ yarney twara nneynit!/ sijjed zg wjenna, xzard yarney! Bedd akd wzbir(tzayart)-a/

80 16 ed rairst, nni izzu ufusi nnes. -
80 17 Inni i-t issemnden di tmssi am wfrad,/ ad wddarn zzat i wymbub issaggwaden nnecc.
80 18 Fus nnecc ad ihda aryaz yar iffus nnecc,/ mmis n awd, wen tssmyard tssjhded i cek.
80 19 Ejj aney anddar!/ Xenni anraya ism nnecc uca war x afk nthyyid.
80 20 Arbbi, Arbbi n resakar; sbedd aney twara nneynit!/ Siy aymbub nnecc, xenni aqqa immwec
aney ufus.
81 1 X Gitit. Zi Asaf.
81 2 Srwrwet i Arbbi, netta d adurri nney;/ syuyyet s rfracett i Arbbi n Yequb!
81 3 Edret llya, ewtet adjun,/ rgambri miziq, ed harba!
81 4 Sudet di rrayta yar ubddi n uyur/ ed yar tziri tmun, yar wass n wydud nney!
81 5 Mayar wa d rnanun i Israel,/ asxxar n Arbbi n Yequb.
81 6 Aya iwci-t i Yusef d rnanun,/ arami Arbbi iggwuj kuntra Masar. - Ict tmijja tsriy as,
emmars war-t sriy:/
81 7 Tayyru nnes fkkey tet zi rhermer,/ ifassn nnes arxun zi tbquuct.
81 8 Cek trayidd di rhasart/ ed nec fkkey cek zzais; nec sriy acd zg wsynu n wajjaj,/ yar
waman n Meriba qddecy cek. (Sela)
81 9 Ser, rgens inu, nec xsey ad ac ermey!/ Israel, txsed cek ayari tsred!
81 10 I cek war din bu Arbbi nneyni./ Cek war tadar ura i ij n Arbbi n middn.
81 11 Nec d Arbbi, Arbbi nnecc,/ wen cek-d isgeeden zi Masar./ Arzem aqmmun nnecc! Nec a-t
ccury. -
81 12 Maca rgens inu war bu isri yar tmijja inu;/ Israel war-d ayi ix.
81 13 Uca jjiy ten i wur n sen iqshen/ nitni ggin min id asen inna uzdjif n sen. -
81 14 Ah mri maca isra yari rgens inu,/ mri Israel ix iujur x ibridn inu!
81 15 Mamec dyya iri dfsey isnga nnes,/ arriy fus inu kuntra inni i ten isseqarn.
81 16 Marra, inni yar iuzza Arbbi, ad shinnben i Israel/ uca aya ad iqqim ammu i rbd.
81 17 Nec iri sseccy as irdn isbhen qae/ ssjiwney ten s tammnt zi jjarf.
82 1 Izran n Asaf. Arbbi ibedd dg wjraw n Arbbi,/ di tqwirt n Arbbi itcarrae. -
82 2 "Machar ya tkkem ead tearraem s ryecce/ ttasemd akd ieffanen? (Sela)
82 3 Ewtet x inni iarxun ed iyujirn,/ ayet tasyart i inni itwaseqarn ed imzrad!
82 4 Fkktet imuqirrn ed imzrad,/ ekksem tend i wfus n ueffan!"
82 5 Nitni maca war yarsen anem ura ed reqer,/ tcacan di tadjest./ Marra djsasat n tmurt
tmraiwan(tnhzzan). -
82 6 Wah nec nniy: Kenniw d Arbbi,/ kenniw marra d tarwa n umqqarn qae.
82 7 Maca rxxu ad awem iffecy buher am iwdan,/ at wdam am rbacat nneyni."
82 8 Ekkar, Arbbi, sgged(carree) tammurt!/ Mayar marra rgnus ad dwren d tasyart nnecc.
83 1 Ij n Salmu n Asaf
83 2 War ssyad maca, uh Arbbi, war arssi,/ uh Arbbi, war thymi d azynun! -
83 3 Xzar maca, isnga nnecc tarujduden;/ inni cek ieffen, sgeeaden azdjif.
83 4 Akd rgens nnecc txarsen tinhisyyin/ tggan awar x, inni yark iddurrien.
83 5 Nitni nnan: "Neccin a ten nssexsi d rgens;/ ism n Israel war-t itidar ura ed ij ead."
83 6 Wah, wtin awar jar asen/uca ggin rnarin kuntra i cek:
83 7 Iyqdan n ait Edum ed ait smaer,/ Muab ed ait Hagar,
83 8 Gebal, Emmun ed Amalek,/ tammurt n Filista ed imzday n Tirus.
83 9 Ura ed Assur immarni yarsen/ uca iwadja yir(ayir) nnes i tarwa n Lut. (Sela)
83 10 Egg asen am Midian ed Sisera,/ am Jabin yar tiyzart n Kicun,
83 11 inni thhid Gar En-Dur./ Dwren d ryar i ijjarn.
83 12 Egg i rbacat n sen am Ureb ed Zeeb,/ am Sebax ed Zalmuna egg i marra izdjifn n
sen!/
83 13 Nitni nnan: "Neccin anhuwes tammurt n Arbbi."-
83 14 Arbbi inu, ejj i ten adin ggen am rajaj di tharyat,/ am urum dg wsmmiq!
83 15 Am tmssi, ttett marra taganin,/ am uhaduq(accear) israqqa idurar,
83 16 ammu azzer x afsen s rhasart nnecc/ snxree i ten s usmmiq nnecc!
83 17 Rhhef s rhy aymbub n sen,/ mahend nitni, Arbbi, ad ssqsan x ism nnecc.
83 18 Ad barrqen ad arjfen i rbd,/ ad wddarn di rfdihet n sen.
83 19 Nitni ad eqren, aqqa d cek, Arbbi d ism nnecc./ Cek waha i idjan d amqqarn qae tiwa i
tmurt tmun.
84 1 Ij n Salmu n ait Kuracita.

84 2 Mamec teizz tzddiyt nneç, Arbbi n resakar!/
84 3 Buḥber inu ittcca dg wḥḥec/ x zzawecet n Arbbi. Ur inu ed arrimet inu syuyyun as s
rfrāḥett,/ i netta, i Arbbi iddarn.
84 4 Ura ed zzawec itaf ict taddart/ ed tiffardjest ict taḥwit(reucc) i wassdawn(issdawn) nnes -/
rmḥrabat(Altarat) nneç, Arbbi n resakar, Arbbi inu ed ajdjid inu.
84 5 Sseç n inni, izddyen di taddart nneç,/ inni cek iseizzan marra wussan. (Sela) -
84 6 Sseç n iwdan, inni itafen jḥhed daik,/ xmi tḥzzmen ḡar wmrabḍ.
84 7 Tcuqan tisdjya(talat) iuzyen,/ tddakkwar asen d reunsar/ ed wnzar n wmwān iddar i-t s
tuzzyzewt.
84 8 Nitni ggurn din itmarni daisen jḥhed;/ xenni zarren Arbbi x Siun.-
84 9 Arbbi n resakar, ser tutra(tzadjit) inu,/ ṣḥess as, Arbbi n Yeḡub! (Sela)
84 10 Arbbi, xzard awru ḡar usrqī(tcabba n usrqī, eskudu) nneç,/ xzar ḡar uymbub n wenni
tfarzed!
84 11 Maḡar ij n wass waha dg wazzarj n wmrabḍ nneç/ iḥra x ifd n inneḡni. Iḥra ad bddeç
ḡar twwart n taddart Arbbi/ ura ma zdyeḡ dg iqyḍan n ueffan.
84 12 Maḡar Arbbi amqqrān d tfuct ed usrqī(tcabba n usrqī, eskudu)./ Netta iarzzef aḥinni ed
ssarat;
Arbbi war iseizzi, dg inni iggurn nican, bu ttisir./
84 13 Arbbi n resakar, sseç n wen, daik iggin nnyet!
85 1 Ij n Salmu n ait Kuracit.
85 2 Aḥar uya cek, Arbbi, tuya tḥinned x tmurt nneç/ tqrbed axyyeb n Yeḡub,
85 3 tcsid afaryeḍ x rgenç nneç,/ tdrīd marra ddnub nnes, (Sela)
85 4 tjrbed aḥaji nneç imun/ tsbuxsied axyyeḍ nneç iarqḡen.
85 5 Arbbi, asnjām nneç, sbedd aneḡ eawed,/ ejj zg wxyyeḍ nneç ak idneḡ!
85 6 Ma txsed ax afneḡ txyyeḍ i rbdā,/ axyyeḍ nneç ma ad iqqim zi kinta ḡar kinta?
85 7 Ma war txsed ad daineḡ tarred buḥber,/ maḥend ad ac ifarḥ rgenç nneç?
85 8 Sscen aneḡd, Arbbi, rmarwet nneç ed twced aneḡ asnjem nneç! -
85 9 Nec xseḡ ad sreḡ, min iqqar Arbbi:/ Arbbi itbarraḥ rhudnet i rgenç nnes ed imrabḍn
nnes,/ iwdan ḡar idja wur d acmrar. (Sela)
85 10 Asnjem nnes iudes inni, i-t itggwden./ Ssarāt nnes at zdeḡ di tmurt nneç.
85 11 Ad msagarnt rmarwet ed raman;/ nnicān ed arrsa ad msudument.
85 12 Raman(tidett) ad tḡmmi zi tmurt;/ ad issajja nnicān zg wjenna.
85 13 Ura ed Arbbi ad iwc xenni min rbaraka(ttisir)/ ed tmurt nneç ad twc rḡidjet nnes.
85 14 Nnicān ad as itizwar/ ed usnjem ad idaffar jḡurret n isuraf nnes.
86 1 Ict tutra n Daud. Arredd amzzuḡ nneç ḡari, ser ayi, Arbbi!/ Maḡar nec d amzruḍ ed
arxuḡ.
86 2 Ḥḍā x afi, maḡar nec aqqa ayi dg wfus nneç!/ Ewc fus i ismeḡ nneç, wenni x afk
itteren!
86 3 Cek d Arbbi inu. Ḥinn x afi, uh Arbbi!/ Ass imun nec traḡiḡ ḡark.
86 4 Arbbi, ssfarḥ ismeḡ nneç;/ maḡar nec sḡeadeḡ buḥber inu ḡark.
86 5 Arbbi, cek d asbḥān aqqa cek dg wbrīd i ssamḥet,/ i marra, inni id ḡark itraḡān, tceurd
s uḥinni.
86 6 Arbbi, ser i tutra inu,/ ḥkkar i wēeçd(aḥccem, iyuyyan) inu!
86 7 Dg wass n rḡben traḡiḡ ḡark;/ maḡar cek ad ayi trsed. -
86 8 Arbbi, jar Arbbit war idji ijjen amacnaw cek/war din min iarwsen di timgga, nni tggid.
86 9 Marra rgnus tasend tadarn ḡark,/ ticcen, Arbbi, i ism nneç ccan.
86 10 Maḡar cek d amqqrān ttgged rburhan;/ cek waha i idjan d Arbbi. -
86 11 Scen ayi, Arbbi, abrid nneç;/ ad ujurḡ dais di raman ak idk. Smrer ur inu,/ ad itggwed
ism nneç waha!
86 12 Nec acek qadeḡ, Arbbi, Arbbi inu,/ zi marra ur inu,/ ad ggeḡ ccan i ism nneç dg
wussan marra ed i rbdā.
86 13 Cek tkksed ayid i radḡāḡ n tḡldit n tamnaut./ Maḡar rmarwet nneç aqḡet ak idi d
tamqqrant. -
86 14 Arbbi, iwdan iqjarn kkarnd ak idi,/ banda n inni iccaten tarzzu ad ayi tneḡ;/ maca cek
war ḡarsen tdjid ḡar tiḥḥawin.
86 15 Cek maca, Arbbi, Arbbi n wetaḡ ed uḥinni,/ cek ḡark ttasie n rxaḍar, ḡark aḥḥas n
rmarwet ed raman.

86 16 Xzard γari ed tħinned x afi,/ egg dg ismey nneç jħhed eawed/ ed tweced fus i mmis n tayya!

86 17 Egg senya ed tarzfed ayi zzhar!/ Marra, inni γar uziγ, a-t zarn ad ssdħan,/ mayar cek, Arbbi, tħkked ayi tggid dayi ur(tæzzid).

87 1 Ij n salmu n ait Kuracita.

87 2 Arbbi itxs (Siun), rbni nnes x wdrrar amrabeç;/ netta itxs tiwura n Siun aħħas x marra idyarn(imucan) idjan di Yeçqub.

87 3 Ssaraf ix afk qqarn,/ cek abilaj n Arbbi nneç. (Sela)-

87 4 Rγaci zi Masar ed Babel/ tggeç ten γar inni, id ayi issnen; ura x rγaci zi tmurt n Filistea, zi Tirus ed Kuc/ qqarn: Netti immarni dinni.

87 5 Maca x Siun ad inin:/ Qae mmarnin dinni./ Netta, Amqqran qae, isbedd Siun. -

87 6 Arbbi itari, xmi itzmmem rgnus:/ Netta immarni dinni. (Sela)

87 7 Uca γar tfust n cçdih ad inin izran:/ Marra tarawin inu ad dduqqzent daik.

88 1 Ij n Salmu n ait Kuracita. I wzdjif n imdyazn. X rħrac. Ij n izri n tmssna n Heman, Esraiti.

88 2 Arbbi, cek Arbbi n usnjem inu,/ s wass ed γar tmddit nec syuyuy γark.

88 3 Ejj tutra(tzadjit) inu ad γark tadef,/ ewc amzzuy nneç i wħccem inu! -

88 4 Mayar buħber inu ijjiwen s umarret,/ tudart inu tudes Ceul(tagldit n tmnaut).

88 5 Zi mrimi nec dwrey zg inni, ihkkwan dg wnder,/ nec am ij n waryaz, umi itwakkes marra jħhed.

88 6 Nec ħuzen ayi γar imttan,/ am inni itwanyen, tzyinfan dg wnder; nitni war ten ttidard ead,/ mayar nitni twabħan x ufus nneç.

88 7 Cek tggid ayi dg wnder iudjyen qae,/ di tisi n tadjest. -

88 8 Axyyeç nneç isbarc ayi,/ marra tieurar n waman nneç wħant x afi mument. (Sela)

88 9 Imdddukar tssiggwjed ten x afi,/ tjjid ayi i weiffi n sen;/ nec nnuweç war zmmarç ad nnufsrey.

88 10 Titħawin inu tmmssent s ryben./ Ass x wass, Arbbi, trayiç γark;/ nec swazzadeç γark s ifassn inu.

88 11 Ma ad tgged rburhan dg imttan,/ ad kkarnt tiriwin, ħima acek ssmarnt? (Sela)

88 12 Ma ssawaren dg wnder x rmarwet nneç,/ x raman nneç di tagldit n imttan?

88 13 Ma ad itwassen rburhan nneç di tadjest,/ nnican nneç di tmurt n tattut? -

88 14 Arbbi, x ucyeni nec syuyuyd γark,/ zic γar wtfu n rħar tettary γark.

88 15 Maimmi, uh Arbbi, tntarç ayi,/ maimmi ttfard aymbub nneç zzayi?-

88 16 Nec wdiç şussey itffey ayi buħber zi tmzi,/ jrrayeħ nneç myarnt x afi nec aqqa ggwdeç. -

88 17 X afi tkkedd tħaryat n tmssi n uxyyeç nneç,/ jrrayeħ nneç tħħant ayi.

88 18 Ssfient x afi di marra ussan am waçan/ hsarnt ayi zi marra iyzdisa.

88 19 Cek tssiggwjed x afi imdddukar ed inni id ayi itxsen;/ aecir inu γar tadjest waha.

89 1 Izri n Etan, Esraiti,(n tmssna)

89 2 X timgga n rmarwet nneç, Arbbi, ad qqary izran i rbda,/ γas ar kintat(ddurryyat) iggwjen ad barrħey x raman nneç.

89 3 Mayar nec nniç: Rmarwet nneç ad tqqin marra ussan ed i rbda;/ raman(tidett) nneç ibedd imten am ujenna.

89 4 "Nec ggiç ij n rçarin ak wenni farzey i nec/ed i Daud, ismey inu, jjudjey:

89 5 I taddart nneç ad wceç ayimi i rbda/ ed zi kinta γar kinta ad sbddeç rkursi nneç." (Sela)-

89 6 Ijnwan ad cñneen, Arbbi, rburhan nneç/ ed tmunett n imrabħn nneç raman nneç.

89 7 Mayar man wen tiwa isynutn am Arbbi,/ man wen zi Arbbit iarwes di Arbbi?

89 8 Arbbi iuear aħħas dg wjraw n imrabħn,/ i marra inni id as iunnuħen. netta d amqqran issaggwad.

89 9 Arbbi, Arbbi n rəsakar, man wen idjan am cek?/ cek tħħded aħħas, ed raman iunnuħ ac.

89 10 Cek tçarrfed ahaji n ill;/ xmi id tħakkarant tieurar nnes - tsrħud tent.

89 11 Rahab cek tsnuqbed-t trbzeç-t, isnga nneç tardjed ten s uyir ijħden nneç.

89 12 Nneç ajenna, nneç ura ed tammurt;/ tammurt tmun ed min tet iccurn tggid ten cek.

89 13 Snnej(nnej) ed swadday cek tssufyed tend,/ Tabur ed Hermun cħħen γar ism nneç.

89 14 Ayir(Γir) nneç iccur s tadusi,/ fus nneç ijħed, afusi nneç igæed snnej.

89 15 Taşyart(rħeqq) ed nnican d ibilarn n rkursi nneç,/ rmarwet ed raman ggurn zzat i uymbub

nnecc. -

- 89 16 Ssead n rgens, issnen ad ac irar d ajdjid!/ Arbbi, nitni ggurn di tfawt n uymbub nnecc.
89 17 Nitni farrhen rbda s ism nnecc,/ x nnican nnecc srwriwen.
89 18 Mayar cek d azzri ed tyrrut(tizmmar) n sen,/ cek tsgæded tadusi(jjhed) nney di tsbhant
nnecc.
89 19 Wah, tcabba x afney isrqan n Arbbi,/ ajdjid nney Arbbi amrabeð n Israel. -
89 20 Ict twara tuya tssiwredd di rmmam yar imzdagn nnecc:/ "Ij n ufarruku(Aryaz, baryente)
ggir-t d ajdjid,/ ij n uezri zi rgens sgeædey-t.
89 21 Nec ufiy Daud, ismey inu/ uca nfrey-t s uzatim amrabeð inu.
89 22 Ad ikkar ittef i-t ufus inu/ ed uyir inu a-t issmhed.
89 23 Ura ed ij n usngu war-t icmmet,/ ura ed ij n umxmuj war izmmar a-t iarna.
89 24 Zzats ad arzey isnga/ ed marra, inni i-t ieffen, a ten ydreyy.
89 25 Raman inu ed rmarwet inu aqqa yen ak ids/ dg ism inu ad isgæeed azdjif nnes.
89 26 Ad ssarsey fus nnes x ill,/ x iyzran iddbbara ufusi nnes.
89 27 Netta ad yari iraya: Baba inu d cek,/ Arbbi inu, jjarf n usnjem inu.
89 28 Nec a-t ggeyy d amnz u inu,/ d amqqrar jar ijdjdn n tmurt.
89 29 I rbda ad as jjeyy rmarwet inu,/ rqrarin inu ak ids ad iqqim idja rbda.
89 30 Ara nnes a-t jjeyy i rbda/ ed rkursi nnes, min ya ikk ujenna idja.
89 31 Mara tarwa nnes ffyen abrid inu,/ war ggurn ead ak rqnun inu,
89 32 mara earran x rqnun inu,/ war bu ðaffarn ead arqqasn inu,
89 33 xenni ad wteyy afaryeð n sen s rwtart/ ed ddub n sen s tyta.
89 34 Maca nec war x afs bu sbddiy rmarwet inu,/ war x afs tffyyey bu wbrid.
89 35 Rqrarin inu war-t tearriy;/ min ssiwren ijnfn inu,/ war-t tbdireyy.
89 36 Ict jjudjey-tet, yar wudm inu amrabeð,/ uca emmars ad sxarrqey x Daud:
89 37 Ara nnes ad iqqim i rbda,/ rkursi nnes ad iqqim ibedd zzati am tfuct;
89 38 netta ad iqqim rbda am taziri,/ wenni ihttan mliħ tiwa itran." (Sela)
89 39 Rxxu maca tearned wen tfarzed nnecc,/ tndard-t uca tntid-t s uxyyey,
89 40 tarzið rqrarin(reahed) akd ismey nnecc,/ akd tmurt twtid ajttay(ttaj) nnes.
89 41 Tydreð marra rhyud nnes,/ thdmed rburjat(rburj) nnes.
89 42 Marra, inni id ya ikken abrid, a-t xran,/ netta idwer d tazwart n inni i-t iudsen.
89 43 Cek tsgæded fus n inni i-t isseqarn,/ marra isnga nnes tggid asen rxadar.
89 44 Cek tsshfid tixeft n wuzzar acmrar nnes,/ dg wmyi war tewwred a-t tssarnid.
89 45 Cek tsbddd awssseg(acuwar) nnes/ ed ujttay nnes tndard-t yar tmurt.
89 46 Cek tarrid as ussan n tmzi d iquðaden/ uca tdrid-t s rfdihet. (Sela)
89 47 Gas ar mrimi ead, Arbbi? Ma tnnuffard i rbda?/ Axxyey nnecc ma ad iarqq am tmssi?
89 48 Sqer, Arbbi: Manis tudart nney,/ mamecc tggid marra iwdan eddun!
89 49 Mani idja waryaz, ityiman rbda iddar ed war izarr tamnawt,/ izmmar ad issnjem ix f nnes
zg wswizzed n Ceul? (sela)
89 50 Arbbi, mani qqiment timgga n rmarwet nnecc,/ tenni tuya tjudjed i Daud di raman nnecc?
89 51 Arbbi, xzar yar tikkwra n ismey nnecc!/ Dg wur iarqq ayi umdjex n rgnus,
89 52 zi id ayi tkkwar isnga nnecc, Arbbi,/ ed tkksen taqcurt x isuraf n wen tfarzed. -
89 53 Arbbi aqget d amimun i rbda./ Amen, wah amen.
90 1 Tutra n Musa, afarruku n Arbbi. Arbbi, cek tuya d adurri nney/ zi kinta yar kinta.
90 2 Awrud ad twarwen idurar,/ ttwagg tmurt ed ddunect,/ cek tdjid, uh Arbbi, zi rbda yar
rbda. -
90 3 Cek ttjid iwdan teaqqaben yar tejjact/ ed tqqard: "Sqbettiwd, kenniw iwdan!"
90 4 Mayar ifð n isggwasn yarck cek/ am wass, iedun idnnað,/ am ict tessast di tmddit.
90 5 Zg wsggwas yar wsggwas tzaræed iwdan;/ nitni ggin am arrbie iymmien.
90 6 Far utffu itzyziw itnuwar,/ yar tmddit itwamjar itissraw. -
90 7 Mayar neccin nqtta zg wxxyey nnecc,/ antwahdem zg whaji nnecc.
90 8 Cek tggid ddub nney zzatk,/ afaryeð nney innuffarn di tfawt n uymbub nnecc.
90 9 Mayar marra ussan nney ad qfren dg wxxyey nnecc,/ neccin nseddu isggwasn nney am
ijjen izhhar.
90 10 Tudart nney ttekk 70 n isggwasn, mara tgeæed, aqqa 80. Min dais iħran yar tamara ed
rwħran,/ dyya ttekk teddu, ntħaw din.
90 11 Man wen issnen rqsħan n uxyyey nnecc/ ed itggwed zg whaji nnecc?
90 12 Anizeð(sitħn) ussan nney, srmed aney. Xenni ad nawi ur n tmssna. -

90 13 Arbbi, min ttarjaid maca dwerd γarney!/ Ad ac zzidjzen ismyan nneç!

90 14 Sjiwēn aney γar utffu s rmarwet nneç!/ Xenni answru aniri x rxadar nney marra ussan nney.

90 15 Ssfarḥ aney qdda n wussan, anect n min id aney tsyufid,/ qdda n isggwasn, namec x afney ikka uxyyeb.

90 16 Sscen i ismyan nneç timgga nneç/ ed i iḥnjirn n sen tayyruṭ(ijhed) tamqqrant nneç!

90 17 Ad x afney hwant tishhanin n Arbbi, Arbbi nney./ Ejj rxdmet n ifassn nney at γmi,/ wah, ejj at γmi rxdmet n ifassn nney!

91 1 Wen izddyēn dg wdurri n wen idjan snnej qae/ ed itzyinfa di tiri n umqqrān qae,
91 2 ad iini i Arbbi: "Cek d adurri ed rburj i nec,/ Arbbi inu, wen xf ttcrey."

91 3 Netta acek ifekk zi tsarrift n unjmar/ ed zi marra aryeyeb.

91 4 Netta acek ider s arric nnes,/ adu wafriwn nnes at afed adurri,/ asrqi ed ḥṭṭu nneç d raman nnes.

91 5 War ttnxriēd zg wsiḡḡwed n tmddit,/ niy zi fritca, din iṭṭawen s wass,
91 6 war dji zi dda aeḡḡan, itshhan di tadjest,/ zg waṭṭan, ityzza γar uzir.

91 7 Ad wḡan ura ifḡ γar uyzdis nneç,/ γar iffus nneç 10 n ifḡn(10 n ruruf),/ ammu maca war cek-d itikkwid.

91 8 Wah, cek a-t zarḡ s tiṭṭawin nneç,/ at ffurjed, mamec γa itwaxref zg iēffanen.

91 9 Maγar Arbbi d adurri nneç,/ cek tarzud wenni idjan snnej qae d ḥṭṭu nneç. -

91 10 Cek war daik tntteḥ arrzyyēt,/ walu axyyeb ad iades taqydunt nneç.-

91 11 Maγar netta isxxar imalakn nnes,/ acek ḡḡan di marra ibridn nneç.

91 12 Acek csin x ifassn n sen,/ maḡend ḡar nneç war inggeḥ azru;
91 13 cek tḡḡurd tiwa ayradn ed ifiγγran,/ tejjned x wayradn ed rhaycat. -

91 14 "Umi netta iqqend γari, nec a-t ssnjmeç;/ nec a-t ḡḡiγ, maγar netta issen ism inu.
91 15 Mara netta iraya ayid, xenni nec ad as sreç./ Nec aqqa ayi γars di rḡsart,/ a-t fkkey ad as ggeç ccan.

91 16 Nec a-t sjiwney s tudart d tazyrart/ a-t jjeç ad ixzar asnjem inu."

92 1 Salmu. Ij n izri i wass n sabbat.

92 2 Mamec issbeḥ, antqada Arbbi,/ i ism nneç, cek idjan snnej qae, anini izran,
92 3 γar utffu anbarreḥ rmarwet nneç/ ed di tmdditin raman nneç
92 4 di rgambri n n ifiran, di harba,/ di tmijja n zitara.

92 5 Maγar cek tssfarḡed ayi zi timgga nneç;/ Arbbi, nec ad srwrweg s rfraḡett x rxdaym n ifassn nneç.

92 6 Mamec myarnt rxdaym nneç, uh Arbbi,/ mamec udjyen ixarrisn nneç! -

92 7 Ij n awd nnhra aceaf war iēqqer aya,/ ij n ubuhari war izmmar a-t issen.

92 8 Mara ura iēffanen γmmien/ ed marra, inni itggen ryecc, mqqarn,/ ammu γar, maḡend cek a ten ṭḡḡid i rbda.

92 9 Arbbi, cek d amqqrān qae,/ at qqimed i rbda.

92 10 Maca isnga nneç, Arbbi, s tidett, isnga nneç ad xsien;/ ad twarddjen marra, inni itggen ryecc. -

92 11 Cek tarrid ayi jhdeç am ij n uejmi,/ cek tnfred ayi s uzatim n ṭṭri.

92 12 Tiṭṭ inu tssajja x inni x aḡi itazzren,/ x marra, inni id ak idi iḡēēden;/ amzzyū inu itsra x min immsarn i iēffanen.

92 13 Wen idjan nican ad ihgmi am uskwlu n tiyni,/ netta ad imyar am igdl n Libanun.

92 14 Twazzun di taddart n Arbbi,/ ad γmien nitni dg izuraj n Arbbi nney.

92 15 Nitni ad tarwen ead x twsar/ ed ad qqimen ccurn s uyi ed tuzzyzwt;
92 16 nitni ad barrḡen: Arbbi aqḡet nican;/ jjarf inu d netta, war dais bu ryecc.

93 1 Arbbi d ajdjid, irḡḡef s rmyart;/ Arbbi iarḡ iḡzzem s tizmmar. Ddunect ttwagg tmtēn,/ emmars a-t nhezz.

93 2 Rkursi nneç imten zg wamzwar,/ cek tdjid zi rbda.

93 3 Rḡmrat(iyḡran) ḡēēdent, Arbbi,/ rḡmrat sḡēēdent zzhir n sent,/ rḡmrat sḡēēdent ahaji n sent.

93 4 Ijhed x zzhir n waṭṭas n waman,/ ijhed x uhaji n ill/ Arbbi idjan di snnej. -

93 5 Ibridn nneç mtēn x afsen atcri;/ Arbbi, i taddart nneç ikkar asd at iri d tamrabṭṭ/ i marra ussan.

94 1 Arbbi n wxraf, uh Arbbi,/ cek Arbbi n wxraf, ffeyd!

94 2 Kkar bedd, rqaḡi n tmurt, xref zg ait nnfaxet x timgga n sen! -

94 3 Maċar ya kken ead ieffanen, uh Arbbi,/ maċar ya kken ead farrhen?
 94 4 Nitni kkaren x rhard iqjarn,/ marra, inni itggen reib, tfyycen.
 94 5 Arbbi, nitni rbbzen rgens nneç,/ nitni sseqaran taşart nneç.
 94 6 Nitni tkksen tudart i tijjar ed iyujirn/ nqqen rbarrani.
 94 7 Nitni qqarn: Arbbi aħqqa war-t itwiri,/ Arbbi n Yeçub war id as ithkkar. -
 94 8 Ftnet maca, kenniw ibuhariyn di rgens!/ Kenniw in iffucçen, mirmi ya tdwrem tfhhmem?
 94 9 Ma war itsri, wen izzun amzzuç,/ ma war izarr, wen iggin tiçç?
 94 10 Na war ifarrec, wen itaryden rgnus,/ netta, wen issrmaden i iwdan tussna?
 94 11 Arbbi iargeb x min txarsen iwdan:/ Marra d ij n usuði waha. -
 94 12 Sseed n awd, wenni cek, Arbbi, ttarydeç,/ wen umi tssrmaded ibridn nneç.
 94 13 Cek tħtiç-t zg wussan war ihħrin,/ ças ar-d itwayez wnder i weffan.
 94 14 Wah, Arbbi war inttar rgens nnes/ emmars ad iarxu zi tşart nnes.
 94 15 Rxxu ad idwer ccrae x nnican;/ a-t ðfarn marra iwdan ait bu wur acmrar. -
 94 16 Man wen ak idi ça ibdden kuntra ieffanen,/ man wen x afi ça iwten kuntra, wen itggen
 ryecç?
 94 17 Mri war dji d Arbbi twiza inu,/ iri ggur ad zdyçç di tmurt n usydi.
 94 18 Mara nniç: "Ðar inu ihrudjed",/ xenni tteççef ayi, Arbbi, rmarwet nneç.
 94 19 Mmarnin imnusn n wur,/ itfaja uezzi nneç buħber inu. -
 94 20 Izmmar rqaði aycçac ad ak idk iqarn,/ wen itcarreen s ryecç, d taynnant i rçanun?
 94 21 Nitni txsen ad thħan tudart n wen iggurn nican/ tcarraeen iwdan war iggin walu.
 94 22 Maca rburj(adurri) inu d Arbbi,/ Arbbi inu d jjarf n udurri inu.
 94 23 Netta a ten ixdjes x ryecç n sen/ nitni a ten ithħa x teffanin n sen;/ ad ten ithħa
 Arbbi, Arbbi nney.
 95 1 Çawret, ejjet aneç answru zzat i Arbbi/ anşuyuy s rfraħett i jjarf n usnjem nney!
 95 2 Ejjet aneç anades aymbub nnes s wseizzi,/ zzats anşuyuy s izran!
 95 3 Maçar Arbbi d Arbbi d amqqran,/ ij n ujdjid d amqqran tiwa marra Arbbit.
 95 4 Dg wfus nnes radjaç n tmurt,/ nnes tiqicçitin n idurar.
 95 5 Nnes ill, wenni igga netta,/ rbarr, nni ggim ifassn nnes. -
 95 6 Çawret, ejjet anwða çar tmurt, ad as nadar,/ ejjet anqarn ifaddn zzat i Arbbi, bab nney!
 95 7 Maçar netta d Arbbi nney,/ neccin d rgens n tarwsa nnes,/ thimmirt inddeh ufus nnes. -
 Ah, mara tsram maca ass-a çar tmija nnes!
 95 8 "war bu tsssiħem ur n wem am di Meriba,/ am di tnzruft çar wass n Massa!
 95 9 Dinni tuça qddeçen ayi babat n wem,/ nitni qdjbem ayi maca tuça zrin timgga inu.
 95 10 40 n isggwasn nettat tuça tzhem çari kinta-a/ uca nniç: Nitni d ij n rgens, ur nnes
 iggur di tubbhrya;/ maçar war ssinen nitni ibridn inu.
 95 11 X uyenni nec jjudjeç dg wxyyeç inu:/ Nitni war-d ttidfen di tmurt n rhudnet inu."
 96 1 Init i Arbbi izran nneçni,/ inint izran i Arbbi, marra timura!
 96 2 Init izran i Arbbi ed smçart ism nnes,/ barrħet asnjem nnes zg wass çar wass!
 96 3 Ĥajat çar rgnus x ssarat nnes,/ çar marra rgnus x rburhanat nnes!
 96 4 Maçar amqqran d Arbbi isdahedj a-t nssmçar snnej,/ a-t nggwed aħas x marra Arbbit.
 96 5 Marra Arbbit n rgnus nneçni d walu,/ Arbbi maca igga ajenna.
 96 6 Rwqar ed ucuwar djan zzat i wymbub nnes,/ jħhed ed wazzri dg wmrabð(zzawect) nnes. -
 96 7 Awieçmd i Arbbi, kenniw rwacunat n rgnus,/ awieçmd i Arbbi aseizzi ed ccan!
 96 8 Awieçmd i Arbbi ccan n ism nnes, l weçt ssdaq i adfet dg wmrabl nnes!
 96 9 ... adart i Arbbi çar tmurt,/ arjijent zzats, marra timizar n tmurt! -
 96 10 Barrħet jar rgnus:/ Arbbi d ajdid. Tammurt tmun igga as asbdi, war ttneħzzi./ Netta ad
 icarree rgnus ammu, mameç idja nnican. -
 96 11 Ajenna ad ifarħ, tammurt at srwru,/ ad igg zzhir ill ed marra, min-t icurn.
 96 12 Ad isyuyy s rfraħett aħwiç ed min x afs iymien./ Ad srwrwen marra iskwl a tagant
 96 13 zzat i Arbbi, çar twasit nnes,/ xmi id ça ias, Ĥima ad icarree tammurt. Netta ad icarree
 tammurt tmun(ddunct) nican/ ed rgnus x raman nnes.
 97 1 Arbbi d ajdid. Tammurt at farħ./ Ad farħent abarru n tyzirin. -
 97 2 Quwarn as isynutn ed tadjest,/ nnican ed tşart(rħeçq) d çali n rkursi nnes.
 97 3 Timssi ttett tggur as çar zzat/ ttett isnga nnes id as iunnuçen.
 97 4 Assam nnes israqqa ddunct;/ tammurt tzri-t tneħz.
 97 5 Idurar fssien am cmeçç zzat i Arbbi,/ zzat i wudm n Arbbi n marra tammurt.
 97 6 Nnicann nnes tbarrħen-t iħnwan,/ ssarat nnes twaran-t marra rgnus. -

97 7 Marra, inni itsxxarn i iwrafn, ad ssdhan,/ marra, inni itcnnæn rxyarat./ Zzats tadarn marra Arbbit.

97 8 Siun isra ifarh,/ yssis n Yuda srwriwent, Arbbi, x tudrin n ccræ nneç.

97 9 Mayar cek, Arbbi, d amqqrان qæ x tmurt tmun,/ d amqqrان qæ x qæ Arbbit. -

97 10 Kenniw, inni itxsen Arbbi, eiffet ten taëffant!/ Netta iħtta tudart n isbhanen nnes,/ netta itkkes i tend i wfus n ueffan.

97 11 Iet tfawt tnqqar x wen iggurn nican/ ed rfræhett i iwdan yar idja wur acmrar.

97 12 Kenniw iggurn nican, farhet yar Arbbi/ seizzem ism nnes amrabeð!

98 1 Init i Arbbi izran nneçni;/ mayar netta issqfer timgga n rburhan. Netta igga s ufusi nnes twiza/ ed s uyir nnes amrabeð.

98 2 Arbbi isscen asnjem nnes/ iæarra x rxdmet n nnican nnes jar titawin n rgnus.

98 3 Netta ixemm yar rmarwet nnes/ ed raman nnes i taddart n Israel. Marra timuwwin n tmurt/ zrin asnjem n Arbbi nneç. -

98 4 Syuyyemt zzat i Arbbi, marra timizar n tmurt,/ farhemt, srwrwemt ed inimt izran!

98 5 Irarnt i Arbbi x harba,/ x harba s tmijja tħed!

98 6 Far tmijja n trumbetat ed waccawn/ syuyyet s rfræhett i Arbbi, i wjdjid! -

98 7 Ad izhar ill ed marra, min-t iccurn,/ tammurt tmun ed imzday nnes.

98 8 Dg ifassn ad wten camxa iyzran,/ idurar ad syuyyen s rfræhett munen

98 9 zzat i Arbbi, yar twasit nnes,/ ħima ad icarree tammurt. Netta ad icarree tammurt tmun s nnican,/ rgnus ammu, mamec idja nnican.

99 1 Arbbi d ajdjid: Tarjijin rgnus./ Netta iqqim x Kerubim: Atnhezz tmurt.

99 2 D amqqrان Arbbi x Siun,/ aqqe-t tiwa i marra rgnus.

99 3 Ad ssmÿarn ism nneç, amqqrان issaggwaden./ Mayar netta d amrabð.

99 4 Fars tizmmar ujdjid, netta itxs tidett./ Cek tggid rانun n ddunect imten,/ tssufyedð tidett ed nnican di Yeçub.

99 5 Cnnæet Arbbi, Arbbi neç;/ wdat yar tnbdat n idarn nnes!/ mayar netta d amrabeð. -

99 6 Musa ed Harun zg ixhanen nnes,/ Samuel zg inni, itraçan ism nnes;/ nitni raçan yar Arbbi uca netta isra asen.

99 7 Zg wqadus n isynutn issiwer çarsen;/ irqqasn nnes ħdan ten,/ rانun, tuça id asen iwca.

99 8 Arbbi, Arbbi nneç, cek tsrid asen;/ cek tuça tdjid asen d Arbbi itsamaħen,/ maca txfed zzaisen x min ggin d æffan.

99 9 Cnnæet Arbbi, Arbbi nneç,/ wdat yar wdrar amrabeð nnes!/ Mayar amrabeð d Arbbi, Arbbi nneç. 100 1 Salmu n uqadi. Syuyyemt s rfræhett zzat i Arbbi, marra timizar n tmurt!/
100 2 Sxxart i Arbbi s rfræhett!/ Asttiwd zzat i wudm nnes s iyuyyan n rfræhett!

100 3 Ssnet: Arbbi yar netta d Arbbi./ Netta igga aneç, neccin nnes,/ rgens nnes ed thimmirt n tarwsa nnes. -

100 4 Adfet s uqadi zi tiwura nnes!/ Asttiwd s izran n wseizzi yar izuraj n zzawect nnes!/ Qadem-t, smÿart ism nnes!

100 5 Mayar Arbbi d ašbhan,/ rbda tÿyima rmarwet nnes,/ zi kinta yar kinta raman nnes.

101 1 Ij n salmu n daud. Zg wħinni ed nnican ad iniç izran;/ I cek, uh Arbbi, ad ac irarç.

101 2 Nec ad ħdiç abrid n inni iggurn nican./ Mrmi id çari ça tased?/ Nec ddarç di arsa n taddart inu s wur iqqur.

101 3 Nec war nttarç titawin inu di min idjan d æffan;/ nec carrheç, timgga n rÿecc, war id ayi irsseq.

101 4 Arrzyyet tiggwej x wur inu;/ nec war tssneç min war iħħrin. -

101 5 Wen ixdiden s rħess dg wenni t iudsen,/ a t ssÿdeç. Titawin itnffxen ed wurawn itsffhen/ war zmmarç ad asen kkeç arrihet.

101 6 Titawin inu arzzunt ait nnyet di tmurt;/ nitni a çari zdyen,/ Wen iggurn x wbrid ašbhan, win a çari isxxar.

101 7 Di taddart inu war dais izddeç uyddar;/ ura ed bu ixarriqn war itÿimi ibedd zzat i titawin inu. -

101 8 Atffu yar utffu sskkiç I ccræ/ iëffanen di tmurt,/ ħima ad thħiç di tbilajt n Arbbi marra, inni itggen rÿecc.

102 1 Tutra n ij n wmxyyeb, mara netta ittxed uca itsÿyaħ amnus nnes yar Arbbi.

102 2 Arbbi, ser tutra inu! / Aÿuyyi inu ad çark iaweð.

102 3 War tffar aÿmbub nneç x afi!/ Mara aqqa ayi di rħsart, arredd çari amzzuç nneç!/ Mara raÿiç cek, serd çari dÿya! -

102 4 Ussan inu dduxxunen am ddxan,/ Ixsan inu axmi aryin s tmssi.
102 5 Ibbissraw am arbie iuzey wur inu,/ ttuy, war cciy ura ed ayrum inu.
102 6 Far s uzhar ed iyuyyan/ aqqa ayi yar d tirmect ed ixsan.
102 7 Nec am ij n ubayer di tnzruft,/ am muka di rxirbet ixran.
102 8 Nec mddey faqey,/ nec tctey/ am ij n wjdiq abarran x tzqqa.
102 9 Ass imun tkkwarn ayi isnga;/ inni id ayi itkkwarn, tidarn assay inu yar uxzzi.
102 10 Tettey iyged am wrum,/ s imttawn tsariy tisessit inu;
102 11 mayar x afi rhmer n wsear ed uxryeq nne./ Cek tesid ayi yar ujenna tzzaryed ayi yar
tmurt.-
102 12 Ussan inu dduxxunen am tiri,/ nec tazycy am tuga.
102 13 Cek maca, Arbbi, tqqimed x rkursi marra ussan ed i rbda,/ assay nne ityimazi kinta yar
kinta. -
102 14 Cek a tkkard, a tetqed Siun;/ mayar aqqa d rhar, a x afs thinned, rhar iiwedd.
102 15 Far izra n Siun iqgen wur n ismyan nne./ i rxirbet nnes csin as s wshissef.
102 16 Xenni rgnus tggwden assay n Arbbi/ ed marra ijdjidn n tmurt ssarat nne.
102 17 Mayar Arbbi ad isbedd Siun twara nneynit/ uca ad iffe di marra ssarat nnes.
102 18 Netta irhha akd tutra n inni itwaseqarn,/ ahccem n sen war t ihggar.
102 19 Aya itwari i kinta id ya iasen,/ mahend rgen, id ya itwarwen, ad seizz Arbbi. -
102 20 Mayar Arbbi issajjad zi snnej amrabeq, / zg wjenna ixzard yar tmurt swadday;
102 21 netta ix ad iser aweed n inhbas/ ad iarxu i marra, inni wtin s tmnawt,
102 22 mahend ad barrhen assay n Arbbi x Siun/ ed wseizzi nnes di Jerusalem.
102 23 Xmi dinni ya munen tigididin ed rgnus,/ hima ad ggen ccan i Arbbi.-
102 24 Netta iarza tadusi inu akd wbrid, netta issmzi dg wussan inu.
102 25 X uyenni nec nniy: War id ayi kssi dg wzien n tudart,/ Arbbi inu, wenni isggwasn nnes
tyiman zi kinta yar kinta!
102 26 Timzwura cek tggid tammurt,/ iinwan d tawwuri n ifassn nne.
102 27 Nitni ad edun, cek maca a tqqimed;/ nitni marra ad bburien ad tccen am warud; cek
ttbdated ten am warud/ ed nitni dduxxunen din.
102 28 Cek maca ttyimid, d cek,/ ed isggwasn nne war qtin emmars.
102 29 Ihnjirn n ismyan nne ad zdyen (di raman), / ara n sen ad qqimen bdden zzat I aymbub
nne.
103 1 Seizz Arbbi, a buher inu,/ ed marra min dayi assay amrabeq nnes!
103 2 Seizz Arbbi, a buher inu,/ war tettu, min id ac igga isbeh:
103 3 wen id ac ismhen di marra ddnub nne/ isgnfan marra rhacat nne,
103 4 wen itsllken tudart nne zg wnder/ ed issfaydd x afk s min isbhen ed wetaq,
103 5 wen cek issjawanen s zzad nnes tudart nne tmun;/ am ujidar ad ac iarr tmzi nne. -
103 6 Arbbi itegg timgga n usnjem,/ itay tasyart i marra inni itwaseqarn.
103 7 Netta isscen i Musa ibridn nnes,/ i ihnjirn n Israel timgga nnes.
103 8 Arbbi dais rmarwet d ahnin,/ yars ttasie nrxadar iccur s tishbanin.
103 9 Netta war iteci di marra ussan,/ war ityimi i rbda ixryeq.
103 10 Netta war itegg x ddnub nne/ ed war zzainey ixdkef x ufaryed nne.
103 11 Mayar am ujenna iggwej x tmurt, ammu i imyar rmarwet nnes tiwa inni, i t itggwden.
103 12 Am raggwaj n nnqran x uydjay,/ ammu issaggwaj netta ddnub x afney.
103 13 Mamech ietteq ij babas ihnjirn nnes,/ ammu ietteq Arbbi marra, inni i t itggwden. -
103 14 Mayar netta issen, mamec ndja;/ netta iqer, neccin d car.
103 15 Iwd ussan nnes am tuga,/ netta itnuwar amacnaw tanuwact n ijjar.
103 16 Ikkedd x afs usmmid, iiwi t;/ mani tuya tbedd, war x afs issin walu.
103 17 Maca zzad n Arbbi ityima marra ussan ed i rbda/ i marra, inni i t itggwden i t
iseudjan; asnjem nnes itawed ead ihnjirn ed wayyawn;/
103 18 marra, inni ihdan rqarin nnes,/ xzzarn yar warqqasn nnes tgggen min qqarn. -
103 19 Arbbi isbedd rkursi nnes dg wjenna,/ jhjed ajdjid nnes tiwa i marra.
103 20 Seizzet Arbbi, kenniw imalakn nnes,/ kkenniw bariantit ijhden, kenniw issqfaren isxxarn
nnes,/ ttadarm i wawar nnes!
103 21 Seizzet Arbbi, marra reskar nnes ixmmasn nnes, itggen min ix!
103 22 Seizzet Arbbi, a timgga nnes marra,/ di mani ma tjam di tglidit nnes! / Seizz
Arbbi, a buher inu!
104 1 Seizz Arbbi, buher inu! Arbbi inu, mamec d amqqran cek!/ Cek tiarqed s ruera ed

ucuwar.

- 104 2 Cek trħħfed di tfawt am dg ij n waruđ, / cek tbzzeed ajenna am ij n uqyđun.
- 104 3 Cek twtid ibilarn n taddart nnec dg waman./ Cek tggid isynutn d karru,/ cek tnnayed x wafriwn n usmmid.
- 104 4 Cek ttgged ismimidn d imalagn/ ed tmssi ithduduqen d ixmmasn nnec./
- 104 5 Cek tsbddd tammurt x tsnyanin; i rbda war ttnhezzi.
- 104 6 Ict twara tuya drin tet waman n wachar uya am waruđ, / aman bdden tiwa i idurar.
- 104 7 Nitni dwren zg wsiggwed nnec,/ arwren zi tmijja n wajjaj nnec.
- 104 8 Uca gæeden idurar hwant tsdjiwin/ yar mani, id asen turid.
- 104 9 Cek tggid i waman afraj,/ war zmmarn a-t edun;/ war qqimen ead ad dren tammurt.-
- 104 10 Cek ttjjid tarawin dduquzent id di tsdjawin,/ tazzrent din jar idurar.
- 104 11 I marra (rwhuc) rmar n ijar ticcent tisessit,/ iyyar n rxra tkksen fad n sen zzaisent.
- 104 12 Far tmwwin zddyen ijđad n ujenna,/ zi rfrue itkkedd ujaw n sen.
- 104 13 Ced ttssud idurar zg ijnwan nnec,/ zg isynutn nnec ttjawan tmurt.-
- 104 14 Cek ttjjid arrbie (tuga) iymmi i rmar,/ ura ed aymmuy i iwdan, i t itzzun, maħend ad iawi ayrum zi tmurt/
- 104 15 et binu, itfajan x wur n iwd, maħend aymbub nnes ad iwsseg s wazatim/ ed wyrum issjhed ur n iwdan.
- 104 16 Iskla n Arbbi sessen tjawanen,/ idgl (irz) n libanu, i izzu netta.
- 104 17 Daisen tgegen ijđad tahwit (reucc) n sen,/ x ticbbubin ihbbeđ bllerj.
- 104 18 Idurar imqqranen (ieeran) n iyyd n wzar,/ i iyaraz rjruf ticcen adurri./
- 104 19 Cek tggid taziri d rebar i wakud,/ tfuct tssen, mirmi ya tyri.
- 104 20 Cek tsskkidd tadjest twttad tmddit,/ xenni tmxtwayen marra rwhuc n tagant.
- 104 21 Ayyradn imzzianen smuhruten x zzardet,/ tettarn zi Arbbi macca n sen.
- 104 22 Ttfeyd xenni tfuct, teruruden yar rmargeh / uca tymmarn dg ifran (ixubac) n sen.
- 104 23 Itffey iwd rxxu yar wass n rxdmed nnes,/ yar tawwuri nnes yas ar tamddit,-
- 104 24 Arbbi, mamec myarnt timgga nnec! / S timssna tggid tent marra,/ tammurt tcur s imxraq nnec.
- 104 25 Diha ill, d amqqran iggwej,/ itmudjuy marra s rwhuc imzzianen ed imqqranen.
- 104 26 Dinni ggurn din iyarruba,/ wa ed leftian (ssaxart), i tggid, ħima ak ids itirar.-
- 104 27 Nitni marra tqren yark,/ ad asen twced macca di rhar nnes.
- 104 28 Cek tticed asen, xenni smunan nitni,/ tarzmed fus nnec, ddakkwaren jjiwnen min isbhen.
- 104 29 Tffard aymbub nnec, nitni arjyen;/ tkssid asen nnfs, xssien din/ uca ddakkwaren yar ucar (taejjact) n tmurt.
- 104 30 Tsskkedd remar nnec, iddakkwar daisen buħber/ uca ttarrid aymbub n tmurt d amaynu.-
- 104 31 I rbda tyima ssarat n Arbbi;/ Arbbi ifarreħ i rxdaym nnes.
- 104 32 Netta izzard yar tmurt uca ttnhza;/ netta ithada idurar uca dduxxunen.
- 104 33 Nec xsey ad iniy izran i Arbbi, min ya kkey ddary,/ ad irarg i Arbbi inu, min da ya kkey djiy.
- 104 34 Tettary ad as ejben izran inu./ Nec xsey ad farħey i Arbbi.
- 104 35 Maca ait ddnub nnxđden zi tmurt/ ed ieffanen war da tirin ead./ Qad Arbbi, a buħber inu, Halleluja!
- 105 1 Qadet Arbbi! Rayat assay (ism) nnes! Scnet timgga nnes jar rgnus!
- 105 2 Init as izran ed tirarm as,/ idart rburhan nnes!
- 105 3 Cnnæet assay nnes! / Marra, inni iarzzun Arbbi, ad farħen s wur.
- 105 4 Sqsat x Arbbi ed jjhed nnes;/ arzut aymbub nnes marra ussan!
- 105 5 Xmmet yar rburhan, igga,/ yar sinyat ed timssna zg wqmmum nnes.
- 105 6 Xzart-t, kenniw ara n ismey nnes Abraham,/ kenniw ihnjirn n Jakub, inni ifarz.
- 105 7 Netta, Arbbi, d Arbbi nney./ taryyest (rhkamet) nnes tdarree i tmurt.
- 105 8 Rbda netta itidar rqarin nnes,/ awar, i iwca i ifđ n kintat,
- 105 9 Rqarin, igga akd Abraham,/ tjadjit (reahed) ijjudj i Isaak.
- 105 10 Netta iggi t d rnanun I Jakub,/ d rqarin i Israel.
- 105 11 Netta issiwer: I chek ad wcey Kanaan,/ tammurt, id ac iura.-
- 105 12 Ar ami tuya yen drus,/ yar drus ed rbarrani di tmurt,
- 105 13 ggurn ead zi rgens yar rgens,/ zg ict tglđit yar tnneynit,
- 105 14 uca war iji a x afsen igg ura ed ij đar,/ di ttwee n sen isgged (izawar) ijdjidn:
- 105 15 “war thadat inni itwafarzen inu,/ war tgget walu n min war ihħrin i brufetađ inu!“

105 16 Xenni maca irayad i raz ġar tmurt,/ ikkes asen marra rəwetc n wɣrum.
105 17 Maca issekkedd netta ij n waryaz i nitni ġar zzat:/ Jusef immnz d ismey.
105 18 Carfen idarn nnes di rgid/ ebbzen iri nnes dg wmzzar
105 19 ġas ar ami, iqfer wawar nnes/ ed Awar n Arbbi iusedd ak ids.
105 20 Uca issekk ujdjid ij wmsxxar iarxu as,/ azdjif n rgnus issufey i t barra.
105 21 Netta iggi t d amyar x taddart nnes,/ d ajarray x marra agra nnes.
105 22 Netta ad indeh rbacat mamec ixs/ ed i iwssura ad issrmed timssna.-
105 23 Ed Israel iusedd ġar Masar,/ Jakub idwer d anwji di tmurt n Ham.
105 24 Uca issmyar Arbbi rgens nnes aṭṭas,/ iarri t idusn x rgens n isnga.
105 25 Netta iarra ur n sen ġar tacruhi i rgens nnes,/ dwren ɣddarn ismyan nnes.
105 26 Xenni issekkedd Musa, ismey nnes,/ ed Harun, ifarz Arbbi.
105 27 Igga zzaisen sinyat nnes jar asen,/ di tmurt n Ham rburhan nnes.
105 28 Netta isskkedd tadjest, uca rħar ibbarcen;/ maca war srin ġar wawar nnes.
105 29 Netta iarra aman n sen d idammn/ ijja isrman n sen bbuxsien.
105 30 Tammurt n sen tdwer tmudjuɣ s iqarqriwn/ ġas ar rṃraħ n tzddiyt n ujdjid.
105 31 Netta iraya, uca usind ijravn n izan/ ed n nnamus x tmurt marra.
105 32 Netta issekk asen adfer war dji anzar,/ timssi iṭħduduqen x tmurt n sen.
105 33 Netta iwta tzayart et wartan n sen/ iarza di tmurt n sen iskla.
105 34 Netta iraya, uca usind ijravn n iburxyen/ ed tmuryi itezzben s waṭṭas.
105 35 Hḡan (ccin) marra tuzzyzut di tmurt n sen,/ ccin rɣidjet n ijarn n sen.
105 36 Netta inya di tmurt qae tarwa tamzwarut,/ marra tanwwact n tmzi.
105 37 Netta issnfeyd rgens nnes s nnuqart ed wurɣ;/ di tqbbar nnes ura ed ij iarxu.
105 38 Ġar ufuy n sen tuya imisriyn (egibtiyn) x rxaḡar n sen;/ mayar tiggwda zzaisen tyḡer i ten.-
105 39 Ij n usynu issmyar i t, ħima a ten ider,/ ed tmssi, ħima ad issiy tamddit.
105 40 Ar ami id as ttarn, issekk asend tizarcrayin/ issjiwen i ten s wɣrum n ujenna.
105 41 Netta iarzen jjarf ed waman dduqzen as d,/ am iɣzar iħmer din di tnzruft.
105 42 Mayar netta ixemm ġar wawar nnes amrabeḡ / ed ġar Abraham, ismey nnes.
105 43 Netta issufey rgens nnes di tumrt,/ inni ifarz dg wsrewrw.
105 44 Netta iwca asen timura n rgnus/ ijji ten ad awien agra n rgnus.
105 45 Maħend ad ḡan ibridn nnes/ ed ad ḡfarn arqqasn nnes./ Halleluja.

106 1 Halleluja! Qadet Arbbi; mayar netta d asbħan,/ mayar rmarwet nnes tɣyima i rbda.
106 2 Wi izmmaru ad iħaja timgga timqranin n Arbbi,/ ad ibarreħ marra raezz (ccan) nnes.
106 3 Aħyyana inni, iħḡan tidett/ tggen rbda, min idjan nican.
106 4 Tdar ayi, Arbbi, zi tmxsa i rgens nnec,/ nwjud ġari ed tawied ayi d twiza!
106 5 Ejj ayi ad zary zzhar n inni itfarzed,/ di tumrt n rgens nnec ad farħey,/ maħend ad fyycy akd inni idjan d taɣart nnec.
106 6 Neccin ed ibabatn nney nmun ngga ddub,/ ngga ryecc ed tn taeffant.
106 7 Iabatn nney di Masar war ħikin di rburhan nnec,/ war idarn rmarwet tamqqrant nnec/ ed mnecn taɣnnant akd umqqrant qae ġar ill n uyanim.
106 8 Netta maca issnjem i ten, ħima ad igg ccan i wassay nnes/ ed ad isscen tadusi nnes.
106 9 Netta issigwed ill n uyanim, uca idwer inzey;/ axmi di rxra indeh i ten jar tieurar n waman.
106 10 Netta ifkk i ten zg wfus n inni, i ten ieffen,/ issnjem i ten zi rɣar n usngu.
106 11 Inni i ten iħsarn drin ten waman,/ ijjen war zzaisen iqqim.
106 12 Rxxu sran ġar wawaren n Arbbi/ uca nnan izran n wseizzi nnes./
106 13 Maca ttun dɣya timgga nnes,/ war xsen ad rajan aqfar n warqqas nnes.
106 14 Nitni dwren mɣren di tuzruft/ qddcen Arbbi di rxra.
106 15 Netta iwca asen, min zzais ttarn;/ xenni maca irqef i ten wɣridjet n war ed tiwa n jawant.
106 16 Nitni dwren usmen zi Musa dg wkwartir/ ed zi Aarun, amrabeḡ n Arbbi.
106 17 Tammurt tnnurzem, tṣarḡ Datan/ uca tnta tarbiħt n Abiram.
106 18 Timssi tssmed tarbiħt,/ iħndaq ccin ieffanen.-
106 19 Nitni ggin ġar Hureb ij n uynduz d amzzian/ uca udarn zzat i awraf n wuzzar.
106 20 Ssarar n Arbbi bddren tet/ akd awraf n uejmi, itetten tuga.

106 21 Nitni ttun Arbbi, asnjam n sen,/ wenni tuya iggin aċċar uya timgga d timqqrani di
Masar,
106 22 rburhan di tmurt n Ham,/ timgga ssaggwadent ġar ill n uyanim.
106 23 Uca igga netta aten ikħħeċ,/ mri urid d Musa, wenni ifarz, iudu zzats,/ maħend war ten
inneq dg wxyyeq nnes.-
106 24 Nitni ksen taqurt x tmurt tašbħant;/ nitni war ggin nnyyet dg wawar nnes.
106 25 Dg iqydan n sen effarn,/ war srin ġar tmijja n Arbbi.
106 26 Uca icsi fus (ijjudj) ead di tnzruft,
106 27 ara n sen a t iarddej jar rgnus,/ maħend ad twanyen di marsa amadal.-
106 28 Nitni ujren ix f n sen ġar Beal Begur/ ccin taġaršt n imttan (rsnam).
106 29 Nitni searn Arbbi s tmgga n sen innfđhen,/ ġas ar ami id x afsen iwđa jjarħ.
106 30 Binhas iusedd igga ccsea;/ ammu jjarħ immesi.
106 31 Aya iura as t Arbbi d nnican,/ i netta ed wara nnes i rebda.
106 32 Ġar waman n Meriba sxyyqen Arbbi,/ di ttwee n sen Musa tuya t eyyan.
106 33 Maġar nitni searn ramar nnes,/ aqmmum nnes issiwer min war idbiæen./
106 34 Nitni war qđin x rgnus,/ mamec x afsen igga Arbbi ict twara.
106 35 Nitni ssurn ix f n sen akd rgnus nneyni/ uca rmden timgga n sen.
106 36 Nitni udarn i rsnam n sen;/ inni id asen id wren d taxceft.
106 37 Nitni iwien iħnjirn n sen ed tħnjirin n sen din/ d taġaršt i raryah (ibrism).
106 38 Nitni ssizzren idammn imzdagn,/ idammn n iħnjirn n sen ed tħnjirin n sen, inni sddqen i
rsnam n Kanaan;/ ammu tdwer tmurt tæarra s ddnub n idammn.
106 39 Nitni dwren xmjen zi timgga n sen/ uca ġccen Arbbi s timgga n sen
106 40 Axyyeq n Arbbi ikkard akd rgens nnes,/ netta ieff taġart nnes.
106 41 Netta iwc i ten i rgnus/ ed inn ii ten ieffen, dwren tiwa n sen.
106 42 Isnga n sen ħsarn ten,/ adu fus n sen udarn.
106 43 Aġtas n twarawin netta itfkka ten;/ nitni maca arnin di tynnant n sen/ uca ġbban die
ddnub n sen.
106 44 Maca netta arami isra ipuyyan n sen\$/ ixzar ġar rġben n sen.
106 45 Uca idemm ġar rġarin nnes; tuya zzidjren as di rmarwet nnes tamqqrant.
106 46 Ġar inni, iten iħbbsen,/ iija ad ssnen aħinni.-
106 47 Ewc aneġ fus, Arbbi, Arbbi nney,/ sufey aneġ nmun zi rgnus! Neccin a nqad assaġ nneç
amrabeċ, / ε nfyec, umi nzmarr a cek nsendja.-
106 48 Ad itwasæudja Arbbi, Arbbi n Israel,/ zg wmwzar ġas ar anggar n uzmmz./ Marra rgens ad
iini: Amen, Halleluja!
107 1 Qadet Arbbi, maġar netta d ašbħan,/ maġar rmarwet ttiyima rbda.
107 2 Ammu ad ssiwren marra, inni ifekk Arbbi,/ inni issnjem zg isnga.
107 3 Maġar netta ijarw i tend zi tmura,/ zi nnqqrant ed uydjay, zi snej ed swadday.-
107 4 Nitni, imhafan di tnzruft, di rxra,/ ed war ufin abrid ġar ubilaj izdyen,
107 5 inni xf ikka raz ed fad,/ tudart n sen tqda,
107 6 inni xenni di rħsart n sen syuyyen ġar Arbbi,/ inni issarwer netta i tiggwda n sen,
107 7 ed inni indeh dg ibriden wağan,/ ġar ar ami iwđen ġar ubilaj izdyen:
107 8 nitni marra ad qaden Arbbi x rmarwet nnes,/ x timgga nnes n rburhan dg iwđan,
107 9 maġar netta issward (issw) buħber iffuden,/ issjiwen buħber idjuzen s zzad nnes.-
107 10 Nitni, (tuya) iqqimen di tadjest et tiri,/ ħbbsen di tamra ed wuzzar,
107 11 inni iggin taynnant akd wawar n Arbbi/ ed war srin ġar min ixs Arbbi,
107 12 ur n sen isgged i t s tawwuri,/ wđan war ufin wi di ġa cbbarn,
107 13 inni xenni di rħsart n sen syuyyen ġar Arbbi,/ inni issarwer netta i tiggwda n sen,
107 14 inni issnfey zi tadjest ed tiri/ ed iqdu rgid n sen;
107 15 nitni marra ad qaden Arbbi x rmarwet nnes,/ x tmgga nnes n rburhan dg iwđan,
107 16 maġar netta ihdem tiwura n nħas,/ iarza zzkrunat n wuzzar.-
107 17 Nitni, inni iffuharten di ddnub n sen,/ wđan ġar tmurt s timgga tieffanin n sen,
107 18 dwren ieffen marra macca,/ inni tuya yen zzat i tiwura n tmnawt,
107 19 inni xenni di rħsart n sen syuyyen ġar Arbbi,/ inni issarwer netta i tiggwda n sen,
107 20 inni umi id issekk awar nnes, inni isgnfa/ ifekk i ten zg imđran:
107 21 nitni marra ad qaden Arbbi x rmarwet nnes,/ x tmgga nnes n rburhan dg iwđan.
107 22 Nitni ad as awien taġaršt n uqadi,/ s wsrwru ad barrħen timgga nnes,-
107 23 Nitni, inni icuqen ilaln s iyarruba/ xdmn tasbbabt x waman imqqrant,

107 24 inni dinni arzmen aqmmum di timgga n Arbbi,/ rburhan nnes di radjay n ill.
107 25 -Arbbi issiwer uca ijja ikkard usmmið inear,/ isgæed tieurar n waman γar ujenna-,
107 26 inni igæaden γar ujenna/ uca hwan di tisi n radjay,/ di tneyit buḥber n sen ifsi,
107 27 inni am imscar tmyyren tmraywan,/ γar unggar iwddar asen min γa ggen,
107 28 inni xenni di rḥsart n sen syuyyen γar Arbbi,/ inni issarwer netta i tiggwda n sen
107 29 - netta iarra asmmið d rewin,/ tieurar n waman ssyðent-,
107 30 inni idwren kunta umi arsint teusar n waman/ ed netta indeh i ten γar rmuyyi xsen:
107 31 nitni marra ad qaden Arbbi x rmarwet nnes,/ x tmgga n rburhan nnes dg iwdan.
107 32 Nitni a t cnneacen di tmzyida n rgens,/ a t sendjan jar iwssura.-
107 33 Netta iarra iyzran d tanzruft icmðen,/ tindwin d tammurt iffuden,
107 34 tammurt n ssabet d jart (rwða) d tamdjaht;/ mayar imzday nnes tuya ten d ieffanen.
107 35 Netta iarra tanzruft d ajrmam n waman,/ tammurt inzycen d tindwin.
107 36 Dinni isszdey inni idjuzen,/ nitni ggin ibilajn zdyen.
107 37 Nitni ttaru ijarn, zzun izbirn/ tffen ryidjet d tamqqrant.
107 38 Netta igga daisen ttisir, ar ami dwren dg waḥḥas,/ iarca asen aḥḥas n rmar.
107 39 Xenni maca dwren drus idsen,/ udarn (qwsen) sadu rḥmer n rḥriq ed wçdan.
107 40 Netta ikebb x imqqrannen arrxa,/ iiji ten tbuhruien di tnzruft.
107 41 Imzrað isgæed i ten γar ujenna/ iarni di rwacunat n sen am thimmirt n rbhaym.
107 42 Isbḥanen zrin t uca dwren kunta,/ maca marra iwdan ieffanen ssyden.
107 43 Wen idjan d miyis izra aya marra,/ itwara rmarwet tamqqrant n Arbbi?
108 1 Ij n Izri. Salmu n Daud.
108 2 Ur inu iwjed, uh Arbbi,/ ur inu iwjed,/ nec ad ac iniy izran ad ac irary. Ekkar, buḥber
inu!
108 3 Ekkar, harba ed rgambri! / Nec xsey ad sskkary nnqran n tfuct.
108 4 Nec a cek sendjiy zzat i igdudn, Arbbi,/ ad ac iniy izran n wseizzi zzat i rgnus.
108 5 Mayar rmarwet (zzad) nnes ttakkwað, ar mani idja ujenna,/ raman n nec, ar mani n ddhen
isynutn.-
108 6 Gæed tiwa i ijnwan, uh Arbbi! / Ssarar n nec a tnqar x marra tammurt.
108 7 Ewc aney fus afusi n nec, ser aney,/ maḥend ad twasnjmen, inni, ttixed aḥḥas.-
108 8 Arbbi issiwer di tmrabtḥ nnes:/ “Nec ad arniy, ad bḥiy Sixem/ ad ebary tisdjya n Sukkut.
108 9 Gillead inu, ura ed Manasse inu,/ Efraim d tasqumbart x uzdjif inu,/ Juda d ækkaz inu
n ujdjid.
108 10 Maca Muab d sarijt inu n usid,/ x Edum ad ndary tisira inu,/ nec ad arniy tammurt n
Filistes”.
108 11 Wi id ayi γa indhen γar ubilaj iquwarn (ifarjen), / wi id ayi γa igwwden γar Edum?
108 12 Arbbi, ma tndarð aney?/ Cek war ttfyed, uh Arbbi, ak reskar nney.
108 13 Awi aneyd zema twiza dg wmnay akd usngu!/ Mayar twiza n iwdan war dais bu ttisir.
108 14 Ak Arbbi a negg min idjan d amqqran;/ netta s timant nnes ad iddez isnga nney.
109 1 Arbbi, wen seizziy, war ssyid!/
109 2 Mayar ij n uqmmum iccur s tn taeffant, ij n ujqmim n ixarriqn innurzem kuntra inu.
Nitni ssawaren γari s irs falsn,
109 3 nnden ayi s wawaren ccurn s tacruhi/ tmnyan ak idi x walu.
109 4 Nitni war id ayi twirin, ed nec kssiy ak idsen rmæruf/
109 5 nitni txdjasen ayi rxir s ryir,/ s tacruhi tayri inu.-
109 6 Egg aeffan ad ak ids ikkar,/ ij n ucarræ γar uyzdis nnes.
109 7 Zi taddart n ccrae ad iffey itwawwet,/ ura ed tzadjit nnes a tdwer d ddnub.
109 8 Drus waha qdda n wussan nnes,/ rfusina nnes a t iḥḥef ij nneyni.
109 9 Iḥnjirn nnes ad dwren d iyujirn/ ed tmγart nnes d tajjatc.
109 10 Da diha farwa nnes ad tsuḥen ad tettarn,/ xarðen x afsen zi rxirbeḥ n taddart n sen.
109 11 Bu nnyyet nnes ad γars ijbed marra agra nnes,/ midden ad qeçden, min isya.
109 12 War da ura ed ij, a x afs iḥinn,/ iijen, war id as zziðjizen iynjirn.
109 13 Ara nnes ad itwakkes,/ di kinta n tiwcca ad ixsi wassay (ism) nnes.
109 14 Arbbi ad idar afaryed (falta) n ibabatn nnes,/ war ikessi ddnub n ymmas.
109 15 Ddnub n sen rbda ibedd i Arbbi γar tittawin,/ rbar n sen issxsi t netta zi tmurt.
109 16 Mayar iwd a emmars war ixzar a dais iiri uḥinni;/ netta isseqar inni iarxun ed imzrað /
ixs ad iney maggwad.-
109 17 Netta tuya itxs axzzi - iuðad x afs;/ netta ikkwar ttisir - iggwej x afs.

109 18 Netta iarđ axzzi am waruđ; / indef as di arrimet amacnaw aman,/ am uzatim dg ixsan nnes.

109 19 Ad as iiri am waruđ, di irħħef,/ am wbyas, i ibyes marra ussan.

109 20 Ammn Arbbi ad ixđjes inni, id ayi itđean,/ ed inni, dayi issawaren min idja d aeffan.-

109 21 Maca cek, Arbbi amqqrان,/ egg dayi, mamec igga wassay (ism) nneć,/ fekk ayi di rmarwet nneć taşbħant!

109 22 Mayar nec zrđeđ arxuy,/ dayi itnhzza wur dg idmarn.

109 23 Amacnaw ict tiri tanarwate qttiy;/ nitni zruzan ayi am ij n uburxes.

109 24 Ifaden inu tarjijin s uzummi,/ arrimet inu tqtta tddakkar d tazdat.

109 25 Nec dwrey asen i tikkwra ed wmsax,/ nitni sshzzan azđjif, mara zrin ayi.-

109 26 Ewc ayi fus, Arbbi, Arbbi inu,/ di rmarwet nneć snjem ayi!

109 27 Nitni ad ssnen, aqqa fus nneć issqfer aya,/ aqqa cek, uh Arbbi, tđđi t.

109 28 Ad ayi xzzan - cek a tđđed ttisir./ Inmgaln inu ad kđđben, ismey nneć maca izmmar ad iiri kunta.

109 29 Icarraen inu ad dren s usħcem,/ am di qndura ad rħħfen di rfđiħet.-

109 30 Nec ad sendjiđ Arbbi s tmijja tħhed,/ jar řyaci a t qadeđ.

109 31 Mayar netta ihedd ak umzruđ,/ ħima a t issnjem zi rqađit falsut.

110 1 Ij n salmu n Dawid. Ammu i issiwer Arbbi řar Arbbi inu:/ Qim ayid řar uřzdis/ uca ad ac ssarseđ isnga nneć d tanbdad sadu idaru.

110 2 Zi Siun ad iswiżzeđ Arbbi aekkaz n waryyes nneć:/ “aryyes řar isnga nneć!”

110 3 Nneć aryyes řar wass n jħhed nneć/ (xmi id řa tffđed) di zzhaj amrabeđ; nec urweđ cid ead awrud i itri n utffn,/ am nnda zic.-

110 4 Arbbi ijđđđ ed emmars a x afs indem:/ “Cek d axhan i rbda x wbrid n Melxisedek.”

110 5 Arbbi aqget ak idk;/ netta ad iarz iđđidn řar wass n uxyyeq nnes.

110 6 Netta ad igg ccræ řar rgnus, ad igg rxcbat d ieurrac,/ ad iddez izđjifn di marra timura.

110 7 Netta ad isu zg wřmam řar wbrid;/ ammu izmmar (zg wmzwar) ad isgæed azđjif.

111 1 Halleluja! Ad qadeđ Arbbi zi marra ur inu/ di tmunett n ait nnyyet, dg wammas n tmzyida.-

111 2 D timqqrانin timgga n Arbbi,/ arzun daisent marra, inni tent itxsen.

111 3 Netta ixđđem di snnej ed ucuwar,/ nnican nnes ityima i rbda.-

111 4 Netta ieqer x rburhan nnes,/ Arbbi d aħnin dais rmarwet.

111 5 Netta iticc macca i, inni i t itggwden,/ itidar rřarin nnes rbda.

111 6 Netta isscen i rgens nnes timgga timqqrانin nnes,/ ħima ad as iwc taşřart n rgnus.

111 7 Timgga n ifassn nnes d nican ed mtntent,/ marra arqqasn nnes n tidett.

111 8 Bdden i marra ussan ed rbda,/ twaggen di raman ed tidett.

111 9 Netta iwca i rgens nnes asnjem/ igga rřarin nnes i rbda,/ issagğwad wassay (ism) nnes ed d amrabeđ.-

111 10 Tiggwda n Arbbi d amzwaru n timssna;/ marra, inni i t idřarn, d imiřisn. Ccan nnes ityima i rbda.

112 1 Halleluja! Ssəd n waryaz, itggwden Arbbi itwqqar i t/ ed itxs arqqasn nnes.

112 2 Ara nnes ad iwseđ di tmurt,/ đđurriyet n usbħan ad iiri d amimun.

112 3 Rxir ed wagra ad ccurn taddart nnes,/ nnican nnes ityima i rbda.

112 4 Aşbħan itegg tfawt di tadjest:/ aħnin, dais rmarwet iggur nican.-

112 5 Ssəd n waryaz, aşbħan iticc fus mřmi ma,/ wen ieddren timsrayin nnes, mamec tna.

112 6 Emmars ad inhezz;/ rbda tidarn aşbħan.

112 7 Netta war itggwed zi timna war iħħrin;/ ur nnes imten, itcar x Arbbi.

112 8 Ur nnes iarken, netta war itggwed;/ mayar dawħda ad ixzar zi snnej dg isnga nnes.

112 9 Iticc netta s wařtas i imzrađ,/ nnican nnes ityima i rbda;/ netta ijħed řars rwřar ařtas.

112 10 Itwara t ueffan s wur iccur s tfqeħt,/ netta ityřř tiřmas ixssi./ D rxawi idđakřwar usitem n ueffan.

113 1 Halleluja! Seizzet, kenniw ismyan n Arbbi,/ seizzet assay n Arbbi!

113 2 Assay n Arbbi ad itwaseudja/ zi rxxu řas ar i rbda.

113 3 Zi nqqrان n tfuct řas ar ařray n tfuct/ ad itwaseudja wassay n Arbbi.

113 4 Arbbi d amqqrان tiwa i rgnus,/ ssarat nnes tđu ijnwan.-

113 5 Man wen idjan am Arbbi, Arbbi nneđ,/ dg wřenna ed tmurt,

113 6 netta, iqqimen dg wkersi sennej,/ ixzzard di radřay,

113 7 isskřarad amarxu zi tejjajt/ isgæead amzruđ, iwđan di tzubact?

113 8 Netta isyima t γar in γar idja ccan,/ γar ait ccan n rgens nnes.
113 9 Tamyart, tuya nnhra iħnjirn, ijja a tzdeγ di taddart;/ a tdwer d ymma a tnuwar i iħnjirn
nnes./ Halleluja!
114 1 Ar ami Israel tggwuj zi Masar,/ taddart n Jakub zi rgens s tutlayt n midden,
114 2 uca Yuda idwer d amrabđ n Arbbi,/ Israel d tagldit nnes.-
114 3 Ill izri t uca iarwer,/ Jurdan idwer γar dffar.
114 4 Idurar ndwen am iħuriyn,/ tiwririn am icarritn imzzianen.-
114 5 Min cek iuyin, ill, ttrakkward, / i cek, Yurdan, tddakkmared γar dffar?
114 6 Kenniw idurar, min xf tnggzem am iħuriyn,/ ed kennint tiwririn, am icarritn imzzianen?
114 7 Zzat i Arbbi ttnhzza, tmurt,/ zzat i aymbub n Arbbi n Jakub,
114 8 wen iarrin jjarf d rħmret n waman/ ed wzru qayas d reunsar.
115 1 War dji i neccin, uh Arbbi, egg ccan,/ war dji i neccin, maca i wassay nnec,/ di
rmarwet ed raman nnec!
115 2 Maimmi γa qqarn rgnus:/ “Mani idja Arbbi n wem?”
115 3 Arbbi aqce t dg wjenna;/ marra min itxs, itegg i t netta.-
115 4 Rxyarat (rsnam) n rgnus γar d nnuqart ed wurγ,/ timgga n ufus n iwdan.
115 5 Nitni γarsen ij n uqmmum maca war ssiwiren,/ tittawin maca war twirin,
115 6 nitni γarsen imzzuyn war tsrin,/ ij n wanzaru war temmin;
115 7 s ifassn n sen war zmmarn ad cbbarn,/ s idarn war zmmarn ad ujurn,/ war zmmarn ad
ssufyen ajeje (ajeje) zi tmijja n sen.
115 8 Inni ten iggin, ad arwsen di tmgga n sen,/ marra, inni iggin nnyyet di rxyarat.-
115 9 Israel egg nnyyet di Arbbi!/ Netta d afusi ed udurri i kenniw.
115 10 Taddart n Aarun, egg nnyyet di Arbbi!/ Netta d afusi ed udurri i kenniw.
115 11 Marra, kenniw itggwden Arbbi, egget raman di Arbbi!/ Netta d afusi ed udurri i kenniw.-
115 12 Arbbi ifidar aneγ, netta a daineγ igg tfawt,/ ad igg tfawt di taddart n Israel,/ ad igg
tfawt di taddart n Aarun.
115 13 Arbbi ad igg tfawt di marra, inni i t itggwden,/ imzzianen ed imqqranen.
115 14 A kenniw isswsee Arbbi,/ kenniw ed iħnjirn n wem.
115 15 A daiwem igg Arbbi tfawt,/ wen iggin ajenna ed tmurt.-
115 16 Ajenna d ajenna n Arbbi,/ tammurt maca iwci t i iwdan.
115 17 Imttan (imttitn) war zmmarn ad seizzen Arbbi ead,/ ura ed ijjen, issyden dg wnder.
115 18 Neccin maca a nseudja Arbbi/ zi rxxu γas ar i rbda./ Halleluja!
116 1 Nec txsey Arbbi;/ mayar netta isra aweed inu
116 2 ed iwca ayi amzzuy nnes/ dg wass, di id as rayiy.-
116 3 Nec nnuycγ di tsarrifin n tamnawt,/ nec twđad x afi tiggwda n wnder,/ nec rqfent ayi
rħsart ed wđan.
116 4 Uca rayiy assay (ism) n Arbbi:/ “U Arbbi, fekk tudart inu!”
116 5 Arbbi d aħmin ed d anzzarfu,/ Arbbi nneγ dais rmarwet.
116 6 Arbbi iħtta urawn iħwnen;/ nec tuya ayi di rħsart ed netta iwi ayi d twiza.-
116 7 Ars, a ur inu!/ Mayar Arbbi igga ac min iħbħen.
116 8 Wah, cek tkksedd tudart inu i tmnawt,/ (tssizyed) imttawn inu,/ (tħđid zg) wħrudjed idar
inu.
116 9 Ammu ad ujury abrid inu zzat i Arbbi/ di tmurt n inni iddarn.
116 10 Ccury s nnyyet tuya ayi, ura ed mara nniy:/ Nec wđiy γar tmurt.
116 11 Di rħsart inu nniy nec:/ Iwdan sxarriqen marra.-
116 12 Mamec γa xdjsey Arbbi x qae aya,/ n min ayi igga iħbħen?
116 13 Ad csiy aγarraf n usnjem/ ed ad rayiy assay (ism) n Arbbi.
116 14 Nec ad ssqfrey i Arbbi reahed inu jar rgens nnes.-
116 15 Tiyra zzat i Arbbi/ timnyiw n iħbħanen nnes.
116 16 Uh Arbbi, nec maca d imey nnec,/ d ismey nnec nec, mmis n tayya nnec./ Cek tfsied
tisarrifin inu.-
116 17 Nec xsey ad ac d awicy ict tyaršt n uqadi/ ed ad rayiy assay n Arbbi.
116 18 Nec ad ssqfrey i Arbbi reahed inu/ jar rgens nnes imun,
116 19 di rmarħat γar taddart n Arbbi,/ dg wmmas nnec (nnem), Ierusalem./ Halleluja.
117 1 Seizzet Arbbi, marra rγaci,/ seudjat t, marra rgnus!
117 2 Mayar rmarwet d tamqqrant tiwa nneγ,/ raman n Arbbi ityima i rbda./ Halleluja!
118 1 Qadet Arbbi, mayar netta d aħbħan,/ mayar rmarwet nnes ttiyima rbda.

118 2 Ammu γa iini Israel:/ Maγar rmarwet nnes tγyima rbda.
118 3 Ammu γa tini taddart n Aarun:/ Maγar rmarwet nnes tγyima rbda.
118 4 Ammu γa inin marra, inni itggwden ed twqqarn Arbbi:/ Maγar rmarwet nnes tγyima rbda.-
118 5 Di rḥsart rayiγ γar Arbbi;/ Arbbi isra ayi ifekk ayi.
118 6 Arbbi aqget ak idi, nec war tggwdeγ./ Min zmmarn iwdan ad ayi ggen?
118 7 Arbbi aqge t ak idi, netta d twiza (fus) inus;/ nec maca xzzarγ zi snnej x inni id ayi
ieiffen.
118 8 Iḥra, a ndduri γar Arbbi,/ war nttcir x iwdan.
118 9 Iḥra, a nddurri γar Arbbi,/ war nttcir x rbacat.-
118 10 Marra rgnus nnden ayi;/ nec earney ten dg wassay (ism) n Arbbi.
118 11 Nitni nnden ayi, wah, nitni nnden ayi;/ nec earney ten dg wassay (ism) n Arbbi.
118 12 Nitni bbcend x afi am tzizwa,/ amacnaw timssi n urum xsien;/ nec earney ten dg wassay
n Arbbi.
118 13 Nitni earnen ayi s rqṣhan, xsen ad ayi γḍren.
118 14 Tizmmar inu ed izri inu d Arbbi;/ netta idwer ayi d asnjam.
118 15 Tumrt ed wsrwru idduqquz dg iqqḍan n inni iṣbḥen:/ “Afusi n Arbbi iggur s jḥhed!”
118 16 Afusi n Arbbi igēēed,/ Afusi n Arbbi iggur s jḥhed!”
118 17 Nec war bu xssieγ, maca ad ddarγ,/ ḥima ad barrḥeγ timgga n Arbbi.
118 18 Arbbi isgged ayi,/ maca war id ayi bu iwei i tamnawt.
118 19 Arzmet ayi tiwura γar nnican, maḥend ad adfeγ, ad qadeγ Arbbi.
118 20 Ta d tawwart γar Arbbi,/ γar iṣbḥanen i da γa iadfen.
118 21 Nec tqadiγ cek, umi id ayi tsrid;/ cek tdwred ayi d asnjam.
118 22 Azru, i ndarn ibnnayn,/ idwer d azru n tγmart.
118 23 Aya issqfer i t Arbbi,/ zzat i tittawin nney immsar rburhan a.
118 24 Wa d ass, i igga Arbbi;/ a nkkar a nsrwru a nfarḥ dais.-
118 25 Uh, Arbbi, awid maca twiza!/ Uh, Arbbi, sgeaed aneγ!
118 26 D amimun netta, netta ad ias dg wassay n Arbbi./ A daiwem negg ttisir zg wxam n
Arbbi./
118 27 Arbbi, Arbbi, egg aneγ tfawt. S rfrue (afriwn) dg ifassn/ munet γar ficta/ γas ar accawn
n altar (missa)!
118 28 Cek d Arbbi inu, ad qadeγ cek;/ Arbbi inu, ad cnnēeγ cek.-
118 29 Qadet Arbbi, maγar netta d aṣḥan,/ maγar rmarwet nnes tγyima rbda.
119 1 (Alef) Mliḥ inni, abrid n sen nnhra raib,/ inni iggurn ak wbrid n Arbbi.
119 2 Mliḥ inni, idfarn arqqasn nnes/ arzzun x afs s marra ur,
119 3 inni war itggen rγecc/ ggurn dg ibridn nnes.
119 4 Cek twcid ttwṣiyyat,/ maḥend ad twaggen t marra.
119 5 Mri maca isuraf inu twasggden x,/ ad ḍfarn ibridn nnec!
119 6 Xenni emmars ad fayarγ,/ mara nec xzzarγ γar marra arqqasn nnec.
119 7 S wur iqqur a’ cek qadeγ,/ mara nec rmdeγ nnican nnec.
119 8 Ibridn nnec a ten ḍfary rbda./ War id ayi smmeḥ emmars!
119 9 Mamec iggur ij n uezri abrid nnes nnhra reib?/ Mara netta idfar awar nnec.
119 10 Nec arzzuγ x afk s marra ur./ War id ayi bu tji ad ffyeγ x warqqasn nnec!
119 11 Nec xmmreγ awar nnec dg wur,/ maḥend war ak idk faryiḍeγ.
119 12 A’ tqad ac cek, Arbbi./ Srmed ayi ibridn (rḡanunat) nnec!
119 13 S ijnfiwn inu ad barrḥeγ/ marra acarree n uqmmum nnec.
119 14 Aqqa ayi kunta ad ddarγ dg ibridn nnec/ aṭṭas x wagra amqqran.
119 15 Nec tidarγ arqqasn nnec/ ed xzzarγ γar ibridn nnec.
119 16 Nec Γari tumrt di rḡanunat nnec,/ awar nnec war t tettuy.
119 17 (Gimel) Egg i ismeγ nnec min iṣbḥen, ejj ayi ad ddarγ!/ Xenni ad ḍfary awar nnec.
119 18 Arzem ayi tittawin/ i rburhan n ttwsyyet nnec!
119 19 Nec γar d anwjiw waha x tmurt./ War x afi tffar irqqasn nnec!
119 20 Dg wḥḥec γar ticti nnec/ buḥber inu ittcca rbda.
119 21 Cek tssaggwaded ait rēezz./ Ad itwaxza, wen iffyeγ x warrqqasn nnec.
119 22 Ecsi x afi rfdiḥet ed ddedj!/ Maγar min turid, ḍfary t.
119 23 Mara waxxa rbacat tmcawarn x afi:/ ismeγ nnec itqer γar ibridn nnec.
119 24 Arqqasn nnec tarran ayi kunta;/ nitni d amcawar inu.
119 25 (Dalet) Buḥber inu irseq γar tmurt./ Zg wawar sddar ayi!

119 26 Nec Һajıy ac min di djiy ed cek tsrid ayi./ Srmed ayi arqqasn nnes!
119 27 Ejj ayi ad ssney abrid, id ayi sscanen irqqasn nneç,/ xenni ad xmmey di rburhanat nneç.
119 28 BuҺber inu ifsi s wçdan./ Sbedd ayi zg wawar nneç!
119 29 Siggwej ayi zg wbrid n ixarriqn;/ fekk ayi s wbrid nneç!
119 30 Nec arzuı abrid n tidett;/ nec tettary ccræ nneç.
119 31 Nec cbbary dg warqqasn nneç./ Arbbi, war id ayi tji emmars ad fsxey!
119 32 Nec tizzary deyya x wbrid n warqqasn nneç,/ mayar cek ttegged i wur inu ttasie.
119 33 (He) Arbbi, srmed ayi abrid n irqqasn nneç!/ Nec a' daisen mnæey Һas ar anggar.
119 34 Ewc ayi amras, maҺend ad Һfary ibridn nneç/ a' daisen mnæey s marra ur.
119 35 Endeh ayi x wbrid n irqqasn nneç!/ Nec Һari dais tumrt.
119 36 Irqqasn nneç itmyyer Һarsen wur inu,/ maca war dji Һar Һtmeç!
119 37 Şhyed tiҺawin inu x min ixwan;/ zg wawar nneç sddar ayi!
119 38 Sqfer i ismey nneç reahed,/ id iusin i marra, inni cek itggwden cek iseuđjan.
119 39 Şhyed x afi rfđiҺet, zi tggwdey;/ mayar timssna nneç şbҺent.
119 40 Nec arzzuy irqqasn nneç./ Ewc ayi tadusi tamaynut zi nnican nneç!
119 41 (Waw) Arbbi, zzad nneç ihwad x afi/ ed twiza nneç, mameç tweid reahed.
119 42 Xenni zmmary ad arrey x wen, zzayi iytren; mayar nec tcrey x wawar nneç.
119 43 War tkkes i wqmmum inu awar n tidett!/ Nec tqgrey aҺas Һar uđbbar nneç.
119 44 Nec ad Һfary abrid nneç marra wussan,/ i rbda ed rbda.
119 45 Nec ad iriy di ttasie;/ mayar nec tsqsiy x ttwsiyat nneç.
119 46 Irqqasn nneç a ten barrҺey Һar ijdjidn/ war zzatsen tburruneç.
119 47 Dg warqqasn nneç Һari tumrt,/ nec txsey ten zg wur.
119 48 Nec ad sgeedeç ifassn inu Һar warqqas nneç;/ ad tidary ibridn nneç.
119 49 (sajin) Xzar Һar wawar i ismey nneç,/ zzais cek tweid ayi rayas.
119 50 Wa d æzzi inu di rҺsart:/ Reahed nneç iticc ayi tudart.
119 51 Ffucçen Һtren zzayi ait nnfaxet;/ nec maca war Һyyidet zg ibridn nneç.
119 52 Nec tidary min tggid zg wacҺar uya, Arbbi, xenni aqqa ayi twæzziy.
119 53 TafqeҺt tettef ayi di Һwee n ieffanen,/ mayar nitni arzin arqqas nneç.
119 54 D izran dwren ayi ibridn nneç/ di taddart n tabarranect inu.
119 55 Di tmddit tidary, Arbbi, assay nneç;/ nec ad adary i wbrid nneç.
119 56 Ađfar n ttwsyyat nneç/ d zzhar, ittuqar ayi ' d.
119 57 (Cet) Tasyart inu d Arbbi;/ nec wciy awar, ad wqgary awar nneç.
119 58 Nec arzzuy rxadar nneç zg wur inu imun./ Һinn x afi di reahed nneç!
119 59 Nec xarseç dg ibridn inu./ Һar ttwsyyat nneç nec nddhey isuraf inu.
119 60 Nec qđjqey war ettary ad Һfary irqqasn nneç.
119 61 Ura mara isywan n ieffanen carfen ayi,/ war tettuy ibridn nneç.
119 62 Һar wzyen n tmddit tnakkariy, Һima a' cek seudjiy/ x min ttegged nican.
119 63 Nec d amddukker n marra, inni cek itggwden i cek itcnnæn,/ ed marra, inn iđaffarn
irqqasn nneç.
119 64 Zi rmarwwet nneç, Arbbi, tammurt tcur./ Srmed ayi irqqasn nneç!
119 65 (Tet) Cek tggid i ismey nneç min isbҺen,/ u Arbbi, x wawar nneç.
119 66 Srmed ayi timssna ed umyyez işşbeҺ! / Nec ggiy nnyyet dg irqasn nneç.
119 67 Awrud ad twabhtrey, kkiy x uzđjif;/ rxxu maca udary i reahed nneç.
119 68 Cek tşbҺeđ ttegged min işbҺen./ Srmed ayi ibridn nneç!
119 69 Ait nnfaxet arxxun x afi ixarriqn,/ nec maca Һtfey s wur imun dg irqqasn nneç.
119 70 IҺfa ixcen wur n sen,/ nec maca tawieç riqqi i ttwsyyat nneç.
119 71 Umi nec twabhtrey, tuya i nec mliҺ;/ mayar ammu rmdeç irqqasn (rquanun) nneç.
119 72 Awar (Arqqas) nneç n uqmmum nneç Һari iҺra,/ aҺas x ieurrac n wury ed nnuqart.
119 73 (Jud) Ifassn nneç ggin ayi qarrsen ayi./ Ewc ayi uzđjif, maҺend ad rmdeç irqqasn nneç.
119 74 Wen cek itggwden, ad ayi izar ad iri kunta;/ mayar nec trajiy awar nneç.
119 75 Arbbi, nec ssney, aqqa adbbar nneç nican;/ cek tssfaryed ayi, mayar cek di raman trihidd
ak idi.
119 76 Şzza ayi di rmarwwet nneç,/ mameç i t teahded i ismey nneç.
119 77 Aetaq nneç ad ias x afi, maҺend ad ddary;/ mayar abrid nneç itarra ayi kunta.
119 78 RfđiҺet a' trqef ait nnfaxet, inni id ayi issyufan x walu! / Nec maca txarseç di ttwsyyat
nneç.
119 79 Ad Һari asen marra, inni cek itggwden twqqarn cek/ ed inni issnen irqqasn nneç.

- 119 80 Ur inu marra eynyey t x rquanun nnec;/ xenni war tnfđihey.
- 119 81 (Kaf) Ɣar twiza nnec itqqr buhber inu;/ nec trajiy ƣar wawar nnec.
- 119 82 Tittawin inu tqqrnt ƣar reahed nnec;/ tsqsant: Mrmi id ayi ƣa tezzid?
- 119 83 Nec am ict txrit tccur s tazzyin;/ maca irqqasn nnec war ten ttuy.
- 119 84 Maħar n wussan ead iqqimen i ismey nnec?/ Mrmi ƣa tearreed wen id ayi idaffarn?
- 119 85 Ait nnfaxet nddien ayi tisnday;/ nitni war đfarn ibridn nnec.
- 119 86 Marra irqqasn nnec nican./ Đaffarn ayi x walu. Ewc ayi fus!
- 119 87 Sraħar iri aqqa xsen ayi zi tmurt; qaε amnni ttfey dg irqqasn nnec.
- 119 88 Di zzad nnec amqqrn ejj ayi ad ddarg/ ed nec ad wqƣary, min ayi d itasen zg wqmmum nnec.
- 119 89 (Lamed) Arbbi, awar nnec ityimi i rbda;/ imten am ujenna.
- 119 90 Raman nnec ityima zi kinta ƣar kinta;/ cek tggid tammurt, nettat a' tqqm tdja.
- 119 91 X rxađar nnec qqimen djan ƣas as ass a/ i cek marra min idjan xddmen.
- 119 92 Melik war dji rquanun nnec d tumrt inu;/ iri ƣbbiy di rħriq inu.
- 119 93 Emmars ad ttuy ttwsyyat nnec;/ maƣar zzaisent tarzfed ayi tudart.
- 119 94 Nec nnec, snjem ayi! / Nec tsqsiy x ttwsyyat nnec.
- 119 95 Ieffanen tshhan ayi, ģima ad ayi thhan;/ maca xzzary ƣar, min id ayi tqƣard.
- 119 96 Nec zriy, aqqa marra min iwđen (ikmren) ƣars afraj;/ maca arqqas nnec war ƣars iybrawn.
- 119 97 (Mem) Mamec teizz ttwsyyet nnec;/ nec seicciqey dais ass imun.
- 119 98 Arqqas nnec iarra ayi d miyis x marra isuga inu;/ maƣar rbda aqƣe t zzati.
- 119 99 Nec dwrey listu x marra isrmadn inu;/ maƣar nec txarsey x ibridn nnec.
- 119 100 Nec ƣari azdjif (armas) iujar iwssura;/ maƣar nec twqƣary ttwsyyat nnec.
- 119 101 Zi qaε abrid aeffan tarriy đar inu ƣar đfar;/ maƣar nec xsey ad đfary awar nnec.
- 119 102 Nec war thyyidey x min tggid/ aqqa cek simant nnec id ayi issyarn.
- 119 103 Mamec d miziđ x waney inu reahed nnec;/ d miziđ x tammnt i wqmmum inu.
- 119 104 Zi ttwsyyat nnec tarriyđ reƣer (rfhamet), / x uyenni eiffey marra ibridn n bu ixarriq.
- 119 105 (Nun) Awar nnec d rfnar n uđar inu;/ ict tfawt i wbrid inu.
- 119 106 Nec ggiy ict tjadjit ed nec xsey a' dais ttfey;/ Nec ad đfary timgga nnec.
- 119 107 Arbbi, nec wđiy ƣar tmurt./ Zg wawar nnec iddar ayi!
- 119 108 Arbbi, ecsi ssdqet n wseizzi inu s uħinni/ ed tssrmed ayi timssna nnec!
- 119 109 Tudart inu aqƣe t rbda di tiggwda;/ maca emmars ad ttuy ibridn nnec.
- 119 110 Teffanen nddien ayi tisarrifin;/ maca nec war tffey x ttwsyyat nnec.
- 119 111 Ibridn nnec d taşyart inu i rbda;/ maƣar nitni d tumrt n wur inu.
- 119 112 Ur inu iħzzem, ad issqfer rquanun nnec/ ƣas ar anggar ed rbda.
- 119 113 (Samec) Iwdan ait z n iymbab eiffey ten;/ maca rquanun nnec txsey t.
- 119 114 Cek d adurri inu d asrqi inu;/ nec trajiy awar nnec.
- 119 115 Rħmet x afi, ieffanen!/ Nec xsey ad đfary irqqasn n Arbbi inu.
- 119 116 Ĥđa x afi, maħend ad ddary, mamec cek i t teahded;/ war id ayi tji ad kdbey di rayas inu!
- 119 117 Ewc ayi aemmed, xenni ad afey asnjem;/ rbda ad xzzary ƣar rquanun nnec.
- 119 118 Marra, inni itaqƣwajen x rquanun nnec, tnđarđ ten;/ maƣar min ttggen d axarriq.
- 119 119 Marra ieffanen n tmurt ƣark d afrađ, / x uyenni nec txsey, ibridn nnec.
- 119 120 S tiggwda zzaik ttarjiji arrimet inu;/ zzat i ccraε nnec taciƣ ak tiggwda.
- 119 121 (Ajin) Nec tggeƣ, min idjan d tidett ed min idjan nican./ War id ayi znuzi i inni id ayi issyufan!
- 119 122 Firmar ad iiri mliħ ismey nnec;/ maħend ait nnfaxet war id ayi ssyufan.
- 119 123 Tittawin inu tqqrnt ƣar twiza nnec;/ ƣar reahed isbħen.
- 119 124 Egg ak ismey nnec mamec tgga rmarwet nnec/ ed tssyart ayi irqqasn nnec!
- 119 125 Nec d ismey nnec. Ewc ayi reƣer;/ maħend ad ssney, min ttwsyyat nnec.
- 119 126 Arbbi, aqqa d rħar n tmgga;/ arzin rquanun nnec.
- 119 127 X uyenni nec txyey irqqasn nnec/ ađas x wury azggway ed wury acmrar.
- 119 128 X uyenni nec dfary nican ibridn nnec;/ nec eiffey marra ibridn n uxarriq.
- 119 129 (Be) Irqqasn nnec d rburhan;/ X uyenni iħđa ten wur inu.
- 119 130 Asfarz n wawaren nnec itawid tfawt,/ i wqubbani iticc as reƣer.
- 119 131 Arzmey aqmmum inu/ ffudey irqqasn nnec;/ maƣar nec tqƣrey ƣarsen.
- 119 132 Xzard ƣari, ģinn x afi,/ mamec id tkkar i inni, itxsen assay nnec.

119 133 Smten isuraf inu, mamec i t teahded./ War tji ad x afi iwda ryecc!
119 134 Fekk ayi zg wfus n iwdan;/ xenni ad ttfey dg ttwsyyat nnecc.
119 135 Ejj aymbub nnecc ad iary (igg tfawat, x ismey nnecc/ ed tssyard ayi rqanun nnecc!
119 136 Ijrmamn n imttawn tuclurn zi titawin inu,/ mayar war dfarn rqanun nnecc.
119 137 (Zade) Arbbi, cek d asbhan/ ed timgga nnecc d tidett.
119 138 Cek tjiidd ibridn nnecc di nnican/ ed di raman d amqqrann.
119 139 Asam i cek icca ayi;/ mayar isnga inu ttun awaren nnecc.
119 140 Awaren nnecc qqurn x afsen atcri;/ ismey nnecc itxs i ten.
119 141 Nec d amzzian ed muqrir,/ maca war tettuy emmars ttwsyyat nnecc.
119 142 Nnicann nnecc ityima rbda d nnican,/ ibridn (irqqasn) nnecc d tidett.
119 143 Nec rqlen ayi ryben ed rhran,/ maca irqqasn nnecc tarran ayi kunta.
119 144 Ibridn nnecc nican i rbda./ Ewc ayi ræqer, maænd ad ddary.
119 145 (Uuf) Ser ayi, Arbbi, nec trayiy zi marra ur;/ nec ad ttfey di rqanun nnecc.
119 146 Nec trayiy yark; fekk ayi,/ xenni ad dfary irqqasn nnecc.
119 147 Awrud i wffu taseyd ttuy;/ nec trayiy yar wawar nnecc.
119 148 Sad yar tmddit tyiniy faqey;/ mayar nec tqreç yar reahed nnecc.
119 149 Ser tmijja inu di rmarwet nnecc;/ sddar ayi, Arbbi, zi tmgga nnecc!
119 150 Nec udsen ayi d inni id ayi idaffarn;/ nitni iggwjen x ibridn nnecc.
119 151 Maca cek tudsed, Arbbi,/ ed marra irqqasn nnecc d tidett.
119 152 Zi ttwsyyat nnecc ssney attas zg wami,/ aqqa cek tggid tent i rbda.
119 153 (Resch) Xzar yar rhrig inu ed tfkked ayi;/ mayar war ttuy abrid nnecc.
119 154 Ay ayi tasyart ed tssnjmed ayi; x wbrid nnecc mnecc di tudart inu!
119 155 Iggwej usnjem x ieffanen;/ mayar nitni war tsqsin di rqanun nnecc.
119 156 Arbbi, rmarwwet nnecc d tamqqrant;/ zi tmgga nnecc sddar ayi!
119 157 Attas daffarn ayi tyzzan dayi,/ mac x ttwsyyat nnecc war thyidey.
119 158 Mara zriy icmmatn, tacy ak tacruhi,/ mayar nitni awar nnecc war t dfarn.
119 159 Xzar, mamec nec txsey ttwsyyat nnecc;/ Arbbi, di rmarwwet nnecc sddar ayi!
119 160 Awar nnecc aqge t d tidett,/ timgga isbhen nnecc marra tyimant i rbda.
119 161 (Schin) Rbacat daffarn ayi x walu,/ maca ur inu itggwed yar awar nnecc waha.
119 162 Nec farrhey x reahed nnecc/ amacnaw ijjen, infa zzardet d tamqqrant.
119 163 Nec carhey axarriq, netta yari d min war ihhrin/ maca abrid nnecc txsey t.
119 164 Sat n twarawin seizziy cek dg izran/ x timgga nnecc.
119 165 Marra, inni itxsen ttwsyyat nnecc, ad ttfen asnjem s waftas;/ war ten trqeqf arzyyett.
119 166 Arbbi, nec tqreç yar twiza nnecc/ daffary irqqasn nnecc.
119 167 Buher inu itwqqar ibridn nnecc,/ itxs i ten zi marra ur.
119 168 Nec daffary ttwsyyat nnecc ed irqqasn nnecc;/ mayar marra ibridn inu (arzman) zzatk.
119 169 (Taw) Arbbi, yark itawedd urayi inu./ Ewc ayi ræqer (amras), x wawar nnecc!
119 170 Ahccem inu itasedd yar uymbub nnecc./ Fekk ayi 'd x reahed nnecc!
119 171 Iynfifn inu ad ucuren s wseizzi;/ mayar cek tssrmaded ayi rqanun nnecc.
119 172 Irs inu ad ini izran s reahed nnecc;/ mayar marra irqqasn nnecc nican.
119 173 Fus nnecc aqget iwjed, ad ayi igg twiza;/ mayar nec farzey ttwsyyat nnecc.
119 174 Nec tqreç, Arbbi, yar twiza nnecc/ ed wbrid nnecc isfarrah ayi.
119 175 Ejj buher inu ad iddar, maænd a cek tqad./ Timgga nnecc ad ayi wcent fus.
119 176 Nec arjfeç am ic txsi twddar./ Arzu x ismey nnecc!/ Mayar nec war ttuy irqqasn nnecc.
120 1 Nec rayiy yar Arbbi di rhrart inu/ ed netta isra ayi.-
120 2 Arbbi, snjem tudart inu zg ait bu ixarriqn,/ snjem i t zg irsawn n ixarriqn!
120 3 Min id ac ya igg, min id ac itegg qae,/ cek irs n ixarriqn?
120 4 Fritcat qdeent zg wfus n bu amnyi/ ed arni x afs rmjmar n rfhem ithduduq.-
120 5 Uct inu, aqqa nec d rbarrani di Mecceç/ ed x afi ad zdyey yar iqydan n kedar!
120 6 Attas nec zddyey/ yar iwdan, icarhen rhudnet.
120 7 Nec aqqa ayi arsiy;/ maca yar ad ssiwrey, xenni arzzun amnyi.
121 1 Nec sgeadey titawin inu yar idurar:/ Manis id ya tas twiza inu?
121 2 Twiza inu ad tas zi Arbbi,/ wen iggin ajenna ed tmurt.-
121 3 Netta war itji dar nnecc ad iarjij;/ netta, wen cek ihdan (iarwsen), war ifettes.
121 4 Urid ammu, arkkwas n Israel/ war itettes war itnudum.
121 5 Arbbi d arkkwas nnecc, Arbbi iticc ac tiri;/ netta aqge t yar ufusi nnecc.
121 6 Dg wass tfuct war cek tccit/ ura ed taziri yar tmddit.-

121 7 Arbbi iħtta cek zi marra min idjan d aeffan,/ netta iħtta tudart nneċ.
121 8 Arbbi iarkkwes cek, mara tffyeċ ed mara teqbedd,/ zi rxxu ɣas ar rbda.
122 1 Aqqa ayi kunta, ar ami id ayi itwana:/ “Γar taddart n Arbbi a’ nujur a’ nzur.”
122 2 Zi beċa nbedd die twura nneċ, Ierusalem:/
122 3 Ierusalem, chek abilaj idusn,/ ibna iemmar iquwwar as šhiċ.
122 4 Γar dinni tɣeċadent tiqbbar, tiqbbar n Arbbi,/ mameċ tura x Israel,/ assaɣ n Arbbi ad
itwasmyar.
122 5 Dinni bdden rkrasa i cerae,/ rkrasa n ujdjid Dawid.-
122 6 Ettart i Ierusalem rhudnet! Wen cek itxsen, aqqa t kunta daim.
122 7 Rhudnet tzdeɣ di rħyud nneċ,/ di tudrin nneċ raman.
122 8 X aytma ed imddukar/ ad iniɣ: Rhudnet daim.
122 9 X taddart n Arbbi, Arbbi nneɣ,/ ad ac ttary zzhar (ttisir).
123 1 Nec ad sggēdeɣ tiħtawin inu ɣark,/ cek wen akrsi nneċ snnej dg wjenna.-
123 2 Am tiħtawin n ismyan ɣar ufus n bab nnes,/ am tiħtawin n tayya ɣar ufus n massa nnes,
ammu i i xzarnt tiħtawin ɣar Arbbi, Arbbi nneɣ,/ ɣas ar x afneɣ iħinn.-
123 3 Ĥinn x afneɣ, Arbbi, Ĥinn x afneɣ!/ Maɣar nħjiwen asbħter.
123 4 Iħjiwen buħber nneɣ zi wsbħter n send/ zg wsēqar n ait nnfaxet.
124 1 Mri Arbbi war ak idneɣ ibedd/- Ammu ad iini Israel-,
124 2 Mri Arbbi war ak idneɣ ibedd,/ ar ami id ak idneɣ kkarn iwdan.
124 3 Xenni iri sarċen aneɣ nddar,/ ar ami tuɣa iarya uxyyeċ n sen kuntra nneɣ.
124 4 Xenni iri aman iwien aneɣ,/ iri tnta aneɣ rħmret.
124 5 Xenni iri aman sybban aneɣ,/ iɣzran ed rħmrat n waman.-
124 6 Ad itwasēizz Arbbi,/ war id aneɣ itħji d zzardet i tymas n sen.
124 7 Buħber nneɣ igga am uqubeē injmen zg wsnnaj (tracca) n unjmar; asnnaj iqqars neccin
nenfek.
124 8 Twiza nneɣ tbedd dg wassaɣ n Arbbi,/ i iggin ajenna ed tmurt.
125 1 Wen itterren x Arbbi, ibedd imten am wdrar n Siun,/ wen emmars ad inhezzeɣ, ityima
rbda.
125 2 Amacnaw idurar qwwarn i Ierusalem,/ ammu i igga Arbbi i rgens nnes zi rxxu ar rbda.
125 3 Aēkkaz n ueffan war id iwtti x tmurt n inni iggurn nican,/ maħend fus n wenni iggurn
nichan war iswizziċ ɣar ryeċc.-
125 4 Arbbi, egg min isbħen i isbħanen,/ iwdan ɣar idja wur d acmrar!
125 5 Maca wen ɣa ittfen abrid ifaryen,/ wa a t iħmar, Arbbi, ak marra iēffanen!/ Rhudnet x
Israel.
126 1 Ar ami Arbbi iarxu i wħbbes n Siun,/ tuɣa aneɣ am inni iturjan.
126 2 Uca tuɣa aqmmun nneɣ iccur s taċsa (taħħact)/ ed irs nneɣ iccur s wsrwru. Uca nnau
zi rgnus nneɣni:/ “Arbbi igga daisen min idjan d amqqran.”
126 3 Wah, igga daineɣ Arbbi min idjan d amqqran./ Uca tuɣa aneɣ kunta.-
126 4 Šħyyed maca, Arbbi, rɣben nneɣ,/ mameċ cek tcurċ iħrmamen inɣen di tmurt n
swadday.
126 5 Inni izarreċen s imttawn,/ ad mjarn s wsrwru.
126 6 Nitni traħen din s imħtawn/ ed arbun zzarriet i wzrae. Nitni ddakkwarend s wsrwru/ d
tawiend idyen n sen.
127 1 Mri Arbbi war isbedd taddart,/ iri issaħar ix f nnes baħer qaē, wen dais isbċdan. Mri
Arbbi war itēess x ubilaj, itēess uessas baħer.
127 2 Baħer, aqqa kenniw a’ tkkarm zic/ a’ tetħsem teċrem, Ĥima a’ tceċem aɣrum n rmħayn;
maɣar Arbbi itice i t i inni nnes dg iċes.-
127 3 Iħnjirn d tarzeft n Arbbi,/ ryidjet n arrimet di tarzeft nnes.
127 4 Am tritcat n wen itmnyan,/ ammu i ggin iħnjirn zg isggwasn n tmzi.
127 5 Tena (mliħ) i waryaz, iccur zzaisen wecyar n fritcat nnes!/ Γar umny i akd isnga nnes
war ddikkwiren.
128 1 Mliħ i waryaz, wen itggwden itwqqarn Arbbi/ ed wen iggurn dg ibridn nnes!
128 2 Min id Ĥarren ifassn nneċ, tzmmard ad as tawied riqqi;/ mliħ i cek, a’ tirid mliħ.
128 3 Tamɣart nneċ a’ tiri am ij n wzbir itawid ryidjet, di taddart nneċ. Am iskla n uzmmur
imzzianen iħnjirn nneċ/ quwwarn i ttabra nneċ.
128 4 Ammu i ɣa itwabarek waryaz,/ wen itggwden itwqqarn Arbbi.-
128 5 A’ daik igg Arbbi tfawt zi Siun./ Cek a’ tzzard di zzhar n Ierusalem min ɣa tkked

tddard

- 128 6 ed iħnjirn n iħnjirn nnec ad zarn,/ rhudnet x Israel.
- 129 1 Nitni sseqarn ayi aħtas zi tmzi/- ammu ġa iini Israel-,
- 129 2 nitni sseqarn ayi aħtas zi tmzi/- maca war zmmarn ad ayi arnan.
- 129 3 Isyran carzen x werur inu,/ wtin rxduđ n sen izyrarn.-
- 129 4 Maca Arbbi iggur nican,/ netta iqttes tasyunt n ueffan.-
- 129 5 Ad eqben marra s ubarreq marra,/ marra, inni icarhen Siun.
- 129 6 Nitni ad irin am arrbie x tzywin,/ itazey awrud ad itwaqree.
- 129 7 War din acwwar izmmar a' zzais iemmar fus nnes,/ ura ed - wen itceddan idyen ad iemmar ayir nnes.
- 129 8 Ura d amsbrid, war iqqar: "Ttisir n Arbbi ak idwem."-/ Neccin maca ntegg daiwem ttisir dg wassay (isem) n Arbbi.
- 130 1 Zi radjaġ trajiġ, Arbbi, ġark:/
- 130 2 Arbbi, ser i tmijja inu! Ewc ayi amzzuy nnec,/ xzar ġar iyuyyan inu!
- 130 3 Mri cek, Arbbi, txzzard ġar ddnub nney,/ Arbbi, man wen izmmarn ad iedu?
- 130 4 Maca ġark asameħ,/ maħend a' cek ntggwed. -
- 130 5 Nec tcreġ x Arbbi, buħber inu iarjja,/ nec trajiġ di raman aħtas ġar wawar nnes.
- 130 6 Buħber inu itraja ġar Arbbi/ aħtas x iessasn ġar utffu. Aħtas x iessasn ġar utffu/
- 130 7 Israel ad ittcer x Arbbi. - Maġar ġar Arbbi rmarwwet,/ ġars asnjem s waħtas.
- 130 8 Wah, netta ad issnjem Israel/ zi marra ddnub nnes.
- 131 1 Arbbi, ur inu war dais bu nnfaxet,/ tiħtawin inu war xzzarnt s ssfahet. Nec war id ayi cqint timsrayin,/ idjan cwwarnt ueerant. -
- 131 2 Nec ssrhuy buħber inu ed ssesqary t;/ am ij n unybu ġar ymmas buħber inu irhu dayi. -
- 131 3 Israel, eqqer ġar Arbbi/ zi rxxu ġas ar rbda.
- 132 1 Uh Arbbi, idar Dawid,/ idar marra tiyit nnes,
- 132 2 mamec netta ijjudj i Arbbi,/ iseizz Arbbi amqqrn n Jakub:
- 132 3 "War tidfeġ taxzant inu/ war wħtiġ di tassut,
- 132 4 war txsey iđes i tiħtawin/ ura d anudem i wabriwn,
- 132 5 ġas ar id afey tamzyida i Arbbi,/ ict tzddiġt i Arbbi amqqrn n Jakub, -
- 132 6 Neccin nsra x (ssnduq n reahed) nnes di Efrata,/ nufi t dg iħwicn n Jear.
- 132 7 Ekkart a' nujur ġar tzddiġt nnes/ a' nadar ġar tubdat n iđarn nnes!
- 132 8 Ekkar, Arbbi, asedd ġar blasa n wzyinfu,/ cek ed malita n jħhed nnec!
- 132 9 Ixhannen nnec ad iarđen s nnican/ ed ait nnyet ad srwrwen.
- 132 10 Maġar Dawid d ismeġ nnec,/ war tarri wen tfarzed! -
- 132 11 Arbbi ijjudj i Dawid,/ ict tjadjit, tenni emmars a t iarz: "Ij n uħarmuc zg wara nnec/ xsey a t ssyimeġ x ukrsin nnec.
- 132 12 Mara iħnjirn nnec ħđan reahed inu,/ ttwsyyet inu, id asen ġa ssmdeġ, xenni ura ed iħnjirn n sen/ ad qqimen x ukrsin nnec i rbda". -
- 132 13 Maġar Arbbi ifarz Siun,/ ixši t d tazddiġt nnes:
- 132 14 "Wa i rbda d adġar (amcan) n wzyinfu inu;/ da xsey ad zdġeġ, nec xsey t.
- 132 15 Nniemet n Siun 'a dais ggeġ aħtas n ttisir (rbaraka), / s wġrum ad sjiwney imzrađ nnes.
- 132 16 Ixhannen nnes a' ten ssirđeġ s usnjem,/ ait nnyet nnes ad farħen ad srwrwen.
- 132 17 Dinni ad ssmġary jħhed n Dawid/ ad sbddeġ i wen farzeġ ict tfawt.
- 132 18 Ad drey isnga nnes s rfdiħet;/ maca x afs itwsseg ajttay (ttaj) nnes.
- 133 1 Xzart maca, mamec issbeħ mamec icna,/ mara tawmat zdyen munen.
- 133 2 Aya am uzatim n wrtaf,/ ihkkwad zg wzdjif x tmart, x tmart n Aarun,/ itudum x waruđ nnes.
- 133 3 Amacnan nnda n Hermun,/ id iwħtan x wdrar n Siun./ Maġar dinni iarzzef Arbbi ttisir ed tudart i rbda.
- 134 1 Ekkart, qadet Arbbi,/ marra denniw ismyan n Arbbi, kenniw ibdden di taddart n Arbbi,/ ġar tmddit.
- 134 2 Sgeedet ifassn n wem ġar min iqddsen ed tqadem Arbbi!
- 134 3 A' daik igg ttisir Arbbi zi Siun,/ (Arbbi,) iggin ajenna ed tmurt.
- 135 1 Halleluya! Seizzet assay (isem) n Arbbi! Seizzet t,/ kenniw ismyan n Arbbi,
- 135 2 kenniw ibdden di taddart n Arbbi,/ di rmraħat ġar taddart n Arbbi nney.
- 135 3 Seizzet Arbbi, maġar Arbbi issbeħ,/ Init izran ed tirarm assay nnes, maġar netta d ddrafat.

135 4 Arbbi ifarz Jakub i ixf nnes,/ Israel idwer nnes, -
135 5 Wah, aya ssney t: D amqqrان Arbbi,/ Arbbi nney d amqqrان x marra Arbbi.
135 6 Marra, min itxs Arbbi, issufuy i t id,/ dg wjenna, x tmurt, dg ilaln (rbħur), di marra
radjay.
135 7 Netta inddeh isynutn zi țțarf n tmurt,/ netta itegg assam ed wnzar,/ zi rhrith nnes itawid
asmiđ iuern. -
135 8 Netta inya, tarwa tamzwarut n Egybt (Masar),/ ȳar iwdan ed ȳar rmar.
135 9 D taynnant nnem, Egybt, isskkedd netta sinyat ed rburhan,/ kuntra Farau ed marra ismyan
nnes.
135 10 Netta ithħa ațtas n rgnus/ ed inya ijdjidn imqqrانen:
135 11 Sihun, ajdjid n Amuretut,/ Ug, ajdjid n Bacan,/ ed marra tiglditin n Kanaan.
135 12 Tammurt n sen iwci t d tașart i Israel,/ tașart i Israel, rġens nnes. -
135 13 Arbbi, assay (isem) nnec ityima rbda,/ axarres daik, Arbbi, ityima zi kinta ȳar kinta.
135 14 Maȳar Arbbi itay tașart i rġens nnes;/ netta zzidjizen as ismyan nnes. -
135 15 Rsnam n rgnus nneyni ȳar d nnuqart ed ury waha,/ timġga n ufus n iwdan.
135 16 Nitni ȳarsen ijj n uqmmum ed war ssiwiren,/ tițțawin ed war twirin;
135 17 ȳarsen imzzuyn ed war tsrin; walu asuđi (nnefs) dg wqmmun n sen.
135 18 Inni i ten iggin ad irin am nitni,/ marra, inni ittcaren x rsnam. -
135 19 Taddart n Israel, qad Arbbi! Taddart n Aarun, qad Arbbi!
135 20 Taddart n Lewi, qad Arbbi!/ Marra, kenniw itġġwden Arbbi, qadet Arbbi!
135 21 Itwaqad Arbbi x Siun,/ netta, iqqimen di Ierusalem/ Halleluya!
136 1 Qadet Arbbi, maȳar netta issbeh,/ maȳar zzad (rmarwwet) nnes ityima rbda!
136 2 Qadet Arbbi n Arbbi (arbbiyat),/ maȳar zzad nnes ityima rbda!
136 3 Qadet Mas n imassn,/ maȳar zzad nnes ityima rbda! -
136 4 Netta waha itegg rburhan,/ maȳar zzad nnes ityima rbda,
136 5 wen iggin ajenna di tmssna,/ maȳar zzad nnes ityima rbda,
136 6 wen iggin tammurt x waman,/ maȳar zzad nnes ityima rbda,
136 7 wen iggin tifawin timqqrانin,/ maȳar zzad nnes ityima rbda,
136 8 tfuct a' tarna ass,/ maȳar zzad nnes ityima rbda.
136 9 taziri ed itran ad arnan tamddit,/ maȳar zzad nnes ityima rbda. -
136 10 Wen ikħħden tarwa tamzwarut n Egybt (Masar),/ maȳar zzad nnes ityima rbda,
136 11 ed Israel issufey i t id zg wammas nnes,/ maȳar zzad nnes ityima rbda,
136 12 s ufus ijhden ed uyir igēaed,/ maȳar zzad nnes ityima rbda,
136 13 wen ibđan ill n uȳanim x sin (2), / maȳar zzad nnes ityima rbda,
136 14 ed Israel isszwa t jar waman,/ maȳar zzad nnes ityima rbda,
136 15 ed Farau indar i t ak isrdas nnes dg ill,/ maȳar zzad nnes ityima rbda. -
136 16 Wen indhen rġens nnes zi tnzruft,/ maȳar zzad nnes ityima rbda,
136 17 wen iwatin ajdjid amqqrان,/ maȳar zzad nnes ityima rbda,
136 18 ed inya ijdjidn d imqqrانen,/ maȳar zzad nnes ityima rbda,
136 19 Sihun, ajdjid n Imuritiyn,/ maȳar zzad nnes ityima rbda,
136 20 ed Ug, ajdjid n Bacan,/ maȳar zzad nnes ityima rbda,
136 21 ed tammurt n sen iwci t d tașart,/ maȳar zzad nnes ityima rbda,
136 22 iwci t i Israel, ismey nnes,/ maȳar zzad nnes ityima rbda. -
136 23 Wen id aney idarn di rħșart uney,/ maȳar zzad nnes ityima rbda,
136 24 ed ikkes aney 'd i isnga, maȳar zzad nnes ityima rbda,
136 25 wen iticcen macca i marra wi idjan,/ maȳar zzad nnes ityima rbda, -
136 26 Qadet Arbbi n ujenna,/ maȳar zzad (rmarwwet) nnes ityima rbda,
137 1 Ğar iȳzran n Babel,/ nqqim nru,/ xmi ntidar Siun.
137 2 Neccin nujer harbat (rgambrit) nney/ ȳar iskla n ssfsaf di marra timura.-
137 3 Dinni xsen zzainey a' nirar (a' nini izran) s uyir,/ inni id aney iħwwsen ħsarn aney a
nsrwru:/ "Irtart aney izran n Siun!"
137 4 Mamec nzmmar a' nini izran n Arbbi,/ ȳar ragġwaj, di tmurt n midden?
137 5 Mara nec ttuy cem(k), Ierusalem,/ xenni ad ayi iazey ufus afusi.
137 6 Irs ad ayi irseq x waney,/ mara nec war cem(k) tidary ead,/ mara nec war cem(k)
Ierusalem sġēedeȳ x tumert (rfraħett) inu.-
137 7 Arbbi, war ssttu tarwa n Edums ass n Ierusalem:/ nitni nnan: "Ğdret, ȳas ar tisi ȳdret
tet!"

137 8 Ydjis n Babel, cem tenni ihddmen! / Tena (mlih) i wen, zzaim ixrfen, min tggid!
137 9 Tena i wen, itfffen tarwa nnem/ ibqqed i ten akd jjarf!
138 1 Nec tqadiy cek zg wur imun,/ zzat i imalakn ad ac iniy izran ad ac cdhey;
138 2 Nec ad adary yar zzwawct nnes tamrabet / ed ad qadey assay (isem) nnec x z zad ed
raman nnec. Mayar cek tsrid awaren n uqmmum inu,/ assay nnes ed wawar nnec tseudjid ten x marra
min idjan.
138 3 Cek tsrid ayi dg wass, ar ami rayiy;/ cek twcid i buhber inu tadusi d tamqqrant.-
138 4 Cek ac ssmγarn, Arbbi, marra ijdjidn n umadal,/ xmi tsran awaren nnec.
138 5 Nitni ad inin izran (ad irarn) x ibridn n Arbbi;/ mayar aejudi n Arbbi d amqqrant.-
138 6 Wah, Arbbi aqqet snnej qae;/ maca netta ixzard yar imenanen/ ed ait nfaxet issen i ten
zi raggwaj.-
138 7 Ujury di rħsart d tamqqrant;/ cek sddard ayi. Cek tswizzded fus kuntra isnga inu
iarrujduden/ ed ufusi nnec ak idi.
138 8 Arbbi igga min ix s dayi,/ Arbbi, rmarwwet (zzad) nnec tγima rbda./ War arxxu zi tmgga
n ifassn nnec!
139 1 Arbbi, cek twzned ayi ed tssned ayi./
139 2 Ma qqimey niy bddey, cek tssned x afi./ Zi raggwaj tssned min txarrsey.
139 3 Ma ggury niy tzyinfiy, itwassen γark;/ tssned marra ibridn inu.
139 4 Ead qa war γari awar x irs-/ cek, Arbbi, tssned t mrmī.
139 5 Cek tnded ayi 'd zi marra iyzdisa/ ed tssarsed fus nnec x afi.-
139 6 I nec tussna a tcna,/ tuera nec war zmmary a' tawdey.
139 7 Γar mani zmmary ad arwrey zi ramar nnec,/ mani γa arwrey zg wymbub nnec?
139 8 Gædey snnej dg wjenna, aqqa ac dinni;/ ssuy dg wadu tmurt, aqqa cek ura dinni.
139 9 Csiy afriwn n manis id tnqar tfuct/ ad zdey dg ill anggar qae,
139 10 ura dinni fus nnec ad ayi imne/ ed ufusi ad ayi ihada.
139 11 Mri γa iniy: "Tadjest ad ayi tder,/ tfawt id ayi iqwwarn a' tdwer d tamddit"/
139 12 ura ed tadjest war id ac ttiri d ttram, tamddit a' tegg tfawt am wass,/ tadjest am tfawt.-
139 13 Mayar cek tggid ayi s arsimet ed ramar,/ tsmuned ayi dg weddis n ymma.
139 14 Nec tqadiy cek, aqqa umi id ayi tggid kmrey. Nec ssney: Timgga nnec daisent atbhet.
139 15 Ar ami nec twaggey di tadjest,/ twaxdmeγ di radjay n tmurt,/ war tuya x afk nuffarn
ixsan inu.
139 16 Tiṭṭawin nnec zrint, mamec id ffey,/ dg wadlis nnec tuya marra iura; ussan inu tuya
twarcmen mrmī,/ ar ami tuya ead war idji ura ed ijen.
139 17 Mamec uearn i nec, uh Arbbi, ixarrisen nnec,/ mamec wseen!
139 18 Xsey nec a' ten ħsbey, ujarn ijdī./ Usiyd yar ar anggar, aqqa ayi ead rbda γark.
139 19 Txsed cek, Arbbi, a' tnyed maca aeffan!/ Kenniw iwdan iskkfen idammn, aggwjet x afi!
139 20 Nitni ssawaren x afk aṭas n reib/ sxxarn assay (isem) nnec.
139 21 Ma ad carhey, Arbbi, inni cek icarhen,/ ad eiffey ten, inni id ak idk ittkarn?
139 22 Nec carhey ten s wur iuya;/ ura i nec dwren ayi d isnga.-
139 23 Ewzen ayi, Arbbi, ed tssned ur inu,/ qddec ayi ed tssned axarres inu!
139 24 Xzard da, ma aqqa ayi x wbrid, i cek ihdjcen,/ ed tawied ayi yar wbrid nnec!
140 1 Ijj n Salmu n Dawid.
140 2 Fekk ayi, Arbbi, zg iwdan ieffanen,/ zg iwdan iqshen hda x afi!
140 3 Mayar nitni tqqren dg wur n sen yar min idjan d aeffan,/ tgggen amnyi di marra ussan.
140 4 Amacnaw irfsiwa nitni γarsen irsawn qdecn/ ed awarn i ijnfiḡn arrhaj (ssem) am
ifiyγran. (Sela)
140 5 Hda x afi, Arbbi, zg ifassn n ueffan,/ zg iwdan iqshen hda ayi,/ inni iarzzun, ad ayi
γdren yar tmurt.
140 6 Ait ssfahet nddien ayi tisarrifin,/ ieffanen tbzzaeen traccia,/ tgggen ayi tisndag yar tma n
wbrid (Sela)
140 7 Necc ad iniy i Arbbi: cek d Arbbi inu./ Ser, uh Arbbi, i iyuyyan inu!
140 8 Arbbi, amqqrant inu, twiza inu idusn (ijhden), / cek tssrqqid x uzdjif inu dg wass n
umnyi.
140 9 Arbbi, war ssqfar asitem n ueffan,/ war tji ttnawi nnes ad edunt! (Sela)
140 10 Inni id ayi iunnuden, war sgeiden azdjif;/ tuēfna n ijnfiḡn n sen a' ten trqef nitni
simant n sen.
140 11 Netta ad x fsen igg anzar s tirjin ṭhduqucent,/ netta a' ten iyder tisi n wanu,/ emmars

ad kkarn.

- 140 12 Bu ixarriqn war ityimi di tmurt,/ wenni iqjarn a t irqef ugarrem ticti x ticti.
140 13 Necc ssney, Arbbi itay taşyart i imzrad,/ netta iearren inni iarxun yar taşyart.
140 14 Assay (isem) nnec smyğarn t yar inni iggurn nican waha;/ zzat i aymbub (udem) nnec zmmarn ad qqimen yar işbhanen.
141 1 Arbbi, nec trayiğ yarğ. Dyya ewc ayi fus;/ ser yar tmijja inu, xmi id yarğ trayiğ.
141 2 Am ssdqet n ddxxan ttgæadedd yarğ tzadjit inu;/ d tğarşt n tmddit i yarğ tdja, mara sgæedeğ ifassn inu.-
141 3 Arbbi, egg taessast yar aqmmum inu,/ hda tawwart n ijnffn inu!
141 4 Ewc, aqqa ur inu war itnjbid yar tn taëffant,/ aqqa nec war tggeğ walu n rfdayeç, ak iwdan, itggen tayccact./ Zi tazyuđi n sen war tqisiğ.
141 5 Aşbhan iwta ayi zi tşbħant:/ Mara netta itsgged ayi, aqqa d azatim n uzdjif inu; azdjif inu war t itarri./ Netta di rħsart, ak ids tettary rbdā.-
141 6 Rqadit n sen kkin x rjruř,/ nitni ad sren, aqqa awar inu i nitni idarf.
141 7 Axmi twacarrez tmurt,/ ammu i twardjen ixsan nnec yar tğarf n umađal n imttan.
141 8 Arbbi inu, tiğğawin inu xzzarnt id yarğ;/ yarğ dduřriç. War tzdjae bu tudart inu!
141 9 Zi tsarriřt, id ayi ndien, hda ayi,/ zi tsnday n inni, itggen ryecce!
141 10 Ieffanen ad nnħsren (nnayen) simant n sen di traccawin n sen,/ xwansu nec nğjmeğ.
142 1
142 2 S jħhed syuyyey yar Arbbi,/ s jħhed tettary i Arbbi aħinni.
142 3 Nec tzdjaeç tinfar inu,/ arzzmeğ as rħsart inu.
142 4 Mara ura ed ramar inu iarxu dayi,/ cek ttwarid isuraf inu. Dg wbrid, di ggury,/ ssarsen ayi tisarriřin.-
142 5 Necc ad xzary iffus,/ maca war da ura ed ijj, ak idi ibedd. Itwakkes ayi qae adurri,/ ura ed ijj itsqsa x tudart inu.-
142 6 Arbbi, necc syuyyuy yarğ,/ qqary: Adurri inu d cek,/ taşyart inu di tmurt n inni iddarn.
142 7 I inni id ayi idafarn kkes ayi;/ nitni jħden ağğas x afi.
142 8 Sufey ayi zi rħbes a,/ maħend ad sgæedeğ isem nnec.- Isbhanen unnuđen ayi,/ mağar cek ttgged ayi min işbħen.
143 1 Arbbi, ser tutra inu, ser awæeđ inu,/ di raman nnec ser ayi, di nnican nnec!
143 2 War ggur ak ismeğ nnec yar taddart n rmyzan (n usgged); / mağar ura ed ijen, i iddarn, aqqa t nican zżatk.
143 3 Asngu idaffar ayi, iarccer tudart inu yar tmurt,/ netta itja ayi zddyeğ di tadjest am inni ix sien (immuten) mrmı.
143 4 Remar inu iarxu dayi,/ ur icđen dg idmarn inu.-
143 5 Necc tidary ussan iedun,/ tqreğ yar marra timğga nnec,/ txarreseğ di tawwuri n ifassn nnec.
143 6 Necc tbzzæeğ ifassn inu (tzadjir) yarğ;/ buħber inu iffud cek am tammurt inzgen. (Sela)
143 7 Arbbi, ser ayi dyya,/ mağar ramar inu itaħer; war snuffara aymbub nnec zzayi,/ maħend war ddikkwireğ am iwdan, ifwandren mrmı.
143 8 Ejj ayi ad zary rmarwwet nnec yar utffu,/ mağar necc ttcreğ x afk. Esscen ayi abrid, ya ujury;/ mağar necc sgæedeğ buħber inu yarğ.
143 9 Arbbi, ekkes ayi 'd i isnga! / Ğark ad arwreğ.-
143 10 Srmed ayi ad tggeğ min ttxsed; mağar cek d Arbbi inu./ Remar işbħen nnec itgwwad ayi x wbrid iwağan.
143 11 X isem nnec, Arbbi, ejj ayi ad ddary,/ sufey ayi zi rħsart di nnican nnec!
143 12 Eğder isnga inu di tğwee n rmarwwet nnec,/ ejj marra isnga inu ad yarqen! / Mağar necc d ismeğ nnec.
144 1 Ad itwaseizz Arbbi, wen idjan d jjarf inu,/ wen issrmden amnyı i ifassn inu, i idwđan inu rbaruđ (garra),
144 2 cek 'd rmarwwet inu ed rburj inu,/ adurri inu, asnjam inu, asrqi inu, xf ttcreğ./ Netta itarra rgnus adu fus inu.-
144 3 Arbbi, min idja iwd, aqqa cek ttbđdid ak ids,/ mmis n iwdan, aqqa cek trħhid ak ids?
144 4 Iwd igga amacnaw asuđi,/ ussan nnes am tiri itrakwaren.-
144 5 Arbbi, arzem ajenna nnec ed thwidd,/ hda idurar, ad ggen ddxxan.
144 6 Endard assam ed tardjed isnga,/ qars fritcat nnec ed tğard ten!
144 7 Swizzedd s ifassn nnec zğ wejenna ed tfkked ayi;/ jbed ayi 'd zğ rħmret n waman,/ zğ

wfus n isnga!

- 144 8 Marra, min iqqar uqmmum n sen, d axarriq,/ xmi kssin afusi ad jjadjen.
- 144 9 Ijj n izri d amaynu, uh Arbbi, xsey ad irary (iniy),/ di harba n 10 n ifiran ad ac irary,
- 144 10 cek wen issarnnan ijdjidn/ ed Dawid, ismey nneç, tssnjmed t zg wsabli aeffan.
- 144 11 Snjem ayi,/ ekkes ayi 'd i wfus n middn! Marra, min iqqar uqmmum n sen, d axarriq,/ xmi kssin afusi ad jjadjen.
- 144 12 Iħnjirn nneç am iskla imzzianen,/ myar çar ujenna di tmzi n sen, yssitneç am ibilarn izzdaden,/ twasuydan i zzawect.
- 144 13 Rhrit (rmars) nneç emmarn,/ ccurn s marra min idjan n rawetç; tiħimmirin nneç ad arnint 1000 n tsqqar,/ aħtas n ifdn n tsqqar di tarkkwast nneç.
- 144 14 Tifunasin nneç ad csint ad arwent nnhra arzyyet;/ walu asmuhart n rħriq dg imsraq nneç.
- 144 15 Tena i rgens, wen idjan amya,/ ssed n rgens, amqqrان d Arbbi nnes.
- 145 1 Nec a' cek cnnæç, Arbbi inu ed ajdjid,/ ed isem nneç a t ssmÿary marra ussan ed i rbda;
- 145 2 nec a' cek ssmÿary ass x wass/ ed isem nneç a t seizzeç marra ussan ed rbda. -
- 145 3 Arbbi d amqqrان ad itwaseizz tiwa marra,/ rmyart nnes war çars bu wfraj.
- 145 4 Kinta tbarçh i tneçnit ræz n timgga nneç.
- 145 5 Nitni ad ssiwren x uwsseg n uændji nneç;/ nec ad çdħeç s rburhan nneç.
- 145 6 Nitni ad ssiwren x jħhed n timgga issaggwaden nneç;/ nec ad ħajiç x timgga timqqrانin nneç.
- 145 7 Nitni ad eqren x rmarwwet tamqqrانt/ ed ad srwrwen x nnican nneç. -
- 145 8 Arbbi d aħnin ietteq,/ aħinni nnes war çars bu wfraj.
- 145 9 Arbbi d ašbħan i marra,/ azidjeç nnes aqçe t tiwa marra timgga nnes.
- 145 10 A cek qaden, Arbbi, qaç timgga nneç/ ed ait nnyet nneç a' cek ssmÿarn.
- 145 11 Nitni ad ssiwren x ueudji (ssarat) n tğldit nneç,/ ad ssiwren x tzmmar nneç,
- 145 12 iwdan ad barrħen timgga timqqrانin nneç/ ed ssarat n uwsseg n tğldit nneç.
- 145 13 Tagldit nneç d ict tğldit i rbda,/ aryyes (rħkam) nneç ityima zi kinta çar kinta. (Arbbi dais raman di marra awaren nnes,/ aħtas n rmarwwet di marra timgga nnes)
- 145 14 Arbbi isbda marra, inni iwdan,/ ed itsggem marra inni iarxun.
- 145 15 Marra tiħawin trajant çark/ ed cek tticced asen macca di rħar nnes.
- 145 16 Cek tarzmeç fus nneç/ ed tsjawaned marra, min iddarn, x rxaçar nneç. -
- 145 17 Arbbi nican di marra, min itegç,/ aħtas n rmarwwet di marra timgga nnes.
- 145 18 Arbbi indes marra, inni id as itrayan,/ marra, inni çars itrayan s wur.
- 145 19 Asitem n inni, i t itggwden, issqfar i t netta,/ netta itsra iyuyyan n sen itfkka ten.
- 145 20 Marra, inni i t itxsen, iħtta x afsen Arbbi/ maca marra ieffanen itkkes i ten zg wbrid.
- 145 21 Aqmmum inu itbarçh aseizzi n Arbbi./ Marra, min iddarn, ad issmÿar isem amqddes nnes marra ussan ed i rbda.
- 146 1 Seizz Arbbi, buħber inu!
- 146 2 Necc ad seizzeç Arbbi, min ça kkey ddary,/ i Arbbi inu ad irary, min da ça kkey.
- 146 3 War tçaret x rbatat,/ x iwdan, war çar tdji twiza.
- 146 4 Isuç idw tudart nnes/ idwer çar tmurt,/ xenni iqda usuntu nnes. -
- 146 5 Ssed n wen, afusi nnes d Arbbi n Jakob/ ed rayas nnes iggi t x Arbbi, Arbbi nnes.
- 146 6 Arbbi igga ajenna ed tmurt,/ ill ed marra min idjan;/ netta dais raman rbda.
- 146 7 Taşart itay i t inni itwaseqarn,/ i in idjuzen iticç açrum;/ Arbbi iarxxu i inħbas.
- 146 8 Arbbi iarzzem i idaryarn tiħawin,/ netta isbda inni iarxun.
- 146 9 Arbbi iħtba x rabarrani/ ed itay taşart i iyujar ed tajjarin (tijjar). Arbbi itxs inni iggurn nican,/ maca isuraf n ueffan issufuy i ten i wbrid. -
- 146 10 Arbbi d ajdjid i rbda,/ Arbbi nneç (nnem), Siun, iddbbara (iħkkem) zi kinta çar kinta,/ Halleluja!
- 147 1 Issbeħ, ad inin izran i Arbbi;/ icna ad itwaseizz. -
- 147 2 Arbbi ad isbedd Ierusalem twara nneçnit,/ netta ad ijarw Israel itwardjen.
- 147 3 Netta issggnfa urawn iarzen/ ed itedda iyzzumn n sen.
- 147 4 Netta iddbbara di qdda n itran/ itraya ten marra s ismawn.
- 147 5 D amqqrان Arbbi nneç imyar jħhed nnes,/ timssna nnes war çars bu rebar.
- 147 6 Arbbi isbda inni iarxun/ ed iyħter aeffan. -
- 147 7 Adret ijj n izri n uqadi,/ irart i Arbbi nneç x harba!

147 8 Netta iddaġ ajenna s isynutn,/ iticc i tmurt anzar/ ed itja arrbie x idurar iymmi.
147 9 Netta iticc i rmar macca nnes,/ iticc i iwarrudn n ibayriwn, min ġar iyuyun. -
147 10 Netta war ġars bu tumrt (rfaġett) di tadusi n iysan,/ walu kunta di tiffssi n waryaz.
147 11 Tejiben i Arbbi, inni i t itggwden ed inni i t itwqqarn,/ inni itrajan di raman ġar ufus
nnes.
147 12 Ierusalem, smyar Arbbi,/ ini izran n wseizzi, Siun, i Arbbi nneċ! -
147 13 Maġar netta issmħeġ zzkrunat n twura nneċ,/ iħnjirn dg wammas nneċ igga daisen tfawt;
147 14 netta iwca rhudnet i wfraj nneċ (nnem) / ed issjiwen cek s irdn isbħen qaē.
147 15 Netta issekka awar nnes ġar tmurt,/ dġya itawed din usxxar nnes.
147 16 Netta iticc tacritfa am taġuft,/ izzuzzara nnda igrsen am iġyeġ.
147 17 Aġfer iarxxu as 'd d ibquqn,/ zi tħmeġ nnes jmmden waman.
147 18 Netta isskka awar nnes uca fssien,/ netta itja aħmiġ itsuġ, xenni tucrun waman. -
147 19 Netta ibarreħ i Jakub awar nnes,/ Israel thura ed rġanun nnes.
147 20 Ura i ijj n rgens nneġni war iggi ammu,/ ura i ijj war ibarreħ rġanun nnes. Halleluja!
148 1 Halleluja! Seizzet Arbbi ġg wjenna,/ seizzet t di snej;
148 2 Seizzet t, marra imalakn nnes,/ seizzet t, marra rēsakar nnes;
148 3 seizzet t, tfuct ed tziri,/ seizzet t, marra kenniw itran itissiqen;
148 4 seizzet t, marra ijnwan/ ed kenniw aman tiwa i wjenna!
148 5 Ad itwaseizz isem n Arbbi;/ maġar netta idbbar, ed nitni surn twaggen.
148 6 Netta isbedd i ten din i marra ussan ed rbda,/ netta iwca asen ijj n rġanun, war t
tffyen. -
148 7 Seizzet Arbbi, kenniw x tmurt,/ kenniw rhwayec n idaln ed marra radjaġ n sen,
148 8 timssi ed wdfer, tacritfa ed tajjut,/ cek aħmiġ ijħden, wen issufuyen awar nnes,
148 9 Kenniw idurar ed marra idmrawn,/ kenniw iskla (ssjur itarwen) ed marra tayda,
148 10 kenniw rwħuc n rxra ed marra rmar,/ rwħuc itmudjuyen ed ijdāġ n arrie,
148 11 kenniw ijdjidn n tmurt ed marra rġnus,/ kenniw rbacat ed marra rqaġit x tmurt,
148 12 kenniw iħudriyn ed ura ed tiħudryin,/ kenniw iwssura ak imzzianen!
148 13 Ad seizen isem n Arbbi;/ maġar isem nnes waha d amqqrn,/ Aēudji (ruēera) nnes
itissiq x tmurt ed ujenna. -
148 14 I rgens nnes itwadja tizmmar,/ aya d rēezz i marra ait nnyet nnes,/ i iħnjirn n Israel,
rgens, i izmmarn a t iades. Halleluja!
149 1 Halleluja! Init i Arbbi ijj n izri d amaynu!/ Aseizzi nnes ad iqreē di tmzyida (tarbiħt) n
ait nnyet.
149 2 Israel ad ifarħ x wen i t iggin,/ iħnjirn n Siun sġuyyen s tumrt x ujdjid n sen.
149 3 Isem nnes a t seizen ġar cēdiħ,/ ad as irarn x wadjun ed harbat. -
149 4 Arbbi iejeb as rgens nnes,/ inni iarxun igga asen ajttay (ttaj) s twarnit.
149 5 Dg iydudn (tictat) icwwarn ad farħen ait nnyet,/ di txuzan n sen ad sġuyyun s rfaġett:
149 6 Izran n wseizzi x Arbbi dg wqmmum n sen,/ ijj n usabli n 2 n rqduē dg wfus,
149 7 ħima ad xrfen zi rġaci,/ ad sggden rġnus,
149 8 ħima ad carfen ijdjidn n sen s tsariffin,/ rbacat n sen s rgid n wuzzar,
149 9 ħima a ten sskken i craē, ammu mamec tura./ Aseudji i isbħanen (ait nnyet) nnes.
Halleluja!
150 1 Halleluja! Seizzet Arbbi dg wqddus nnes,/ seizzet t dg wjenna nnes!
150 2 Seizzet t x timgga timqqrnin nnes,/ seizzet t di rmyart nnes tamqqrant!
150 3 Seizzet t tmijja n waccawn,/ seizzet t s harba ed rgambri!
150 4 Seizzet t s wadjun ed cēdiħ,/ seizzet t s tmja (zzamar) ed tirart n ifiran!
150 5 Seizzet t s tnaqusin/ seizzet t s tnaqusin itqarquben!
150 6 Marra, min itarran nnefs,/ seizz Arbbi! Halleluja!